

1693.

# ANNALIUM PROVINCIAE S. JOSEPHI

Ordinis Excalceatorum SSS. TRINITATIS  
Redemptionis captivorum,

## LIBER III.

### SYNOPSIS.

**T**ria in Hungaria Ordinis surgunt cœnobia. Obitus Strigoniensis Archi - Episcopi Illaviensis cœnobii nostri Fundatoris munificentissimi; cuius nonnullæ virtutes succinctò elogiò recensentur. Primus Lapis Fundamentalis pro nova nostra Viennensi Ecclesia Augustissimâ LEOPOLDI I. Imperatoris manu collocatur. Illaviensium cœnobitarum nostrorum rigida & exemplaris vita conversatio. P. Josephus ab Angelis Minister Viennensis & Commissarius Generalis abdicato munere in Hispanias remigrat. Quaranta demum absolvitur Redemptio. Augustissima Domus Austria Albo confratrum nostrorum adscribi dignatur, & conventus Illaviensis donatione arcis stabilitur.

### CAPUT I.

*Varii eventus anni hujus nonagesimi tertii referuntur.*

A DEO ve-  
nient labo-  
rum præmia.



Aboribus quibusvis etiam minimis pro Divini Nomini gloria, vel animarum salute aut susceptis, aut exantlatis Benignissimus DEUS pro inexhaustæ liberalitatis suæ largitate amplissima semper & merita nostra longissimè transcendentia præmia refundere consuevit, non solùm in beata æternitate, verùm etiam interdum in hac valle lacrymarum, cùm non raro servis suis illud ab Increata Veritate promissum CENTUPLUM etiam in hac mortali vita conferre soleat: nec tamen propterea eis quidquam de cœlesti mercede subtrahat, aut minuat. Id sanè, si unquam alias, certè hōc annō nonagesimō tertio currentis sœculi cui exenterando adhuc modicè cala-

calatum acuere libuit ) perspicuis argumentis in nobis comprobatum fuit. Conflictabatur pusillus grex noster domi forisque non una cum calamitate ; huic tamen adversitatum colocynthidi Clementissimus DEUS , ut quondam Eliseus Propheta , cœlestium gratiarum farinam infudit , quâ totam ejus amaritudinem in dulcorem convertit , ut proinde haud invenustè nobis verba illa applicari potuerint , quæ aureum Christianæ eloquentiæ flu-men , S. Joannes Chrysostomus , in alia occasione protulit : *Misericors , ait , DEUS misericordia rebus quædam etiam jucunda permisit.* Quod certè in Sanctis omnibus facit , quos neque tribulationes , neque jucunditates sinit habere continuas : sed tum de adversis , tum de prosperis justorum vitam quasi admirabili varietate contexit . Quod hic quoque eum fecisse considera . Versabatur eo tempore , ut retulimus , Redemptio in summo discrimine , diuturno carcere detenta : inde diversæ in plebe subortæ sunt suspiciones , cùm nemogenuinam adeò prolixæ moræ causam divinaret . Periclitabatur idcirco nostri Ordinis existimatio , variisque imperitorum hominum dictiis traducebamur , quæ sinistra malevolorum iudicia Viennenses Religiosos nostros in magnas angustias redigebant , cùm & ipsi nullâ conjecturâ assequi valerent , ecquid P. Mauro Redemptori in mentem venerit , ut tam diu in alienis terris subsistere vellet ? Vapulabamus interim quotidiana obtrectatorum mordacitate , cùm a felice aut sequiore hujus Redemptonis eventu communis fama penderet . Cæterum nostrates insigni prudentiâ frivolis hominum suspicionibus obviaverant , & ignobilis vulgi murmur oppresserant adductis exemplis aliarum Redemptionum , quarum plurimæ a barbaris innumeratas sustinuerat remoras , ac proinde longissimo tempore opus habuerunt , ut ex infidelium vexationibus eluctarentur : quibüs verbis apud prudentiores quosvis tantum proficiebant , ut multi reperirentur , qui inspirante DEO beneficia nobis ultrà solitum accumularentur .

II. Interea recentiores nostri strenuam Litteris navabant operam , quidam etiam ex tyronibus in solemnia Religionis vota jurabant , alii novæ accedebant militiae , alii eandem religiosæ vitae ambiebant conversationem . Seniorum Patrum cura fuit , spectatae honestatis & virtutis feligere adolescentes , eosdem pietati & Divino servitio probè adaptare , idoneos ad majorem spiritus fervorem animare , incitare tepidos , remissos ad vitæ perfectionem accendere ; ut domesticis hisce industriis suo tempore ex illis viros effingerent , qui ad animarum culturam idonei alios quoque aliquando erudire , & religiosas colonias continua sibi succendentium serie in alia & alia quoque loca deducere possent , ac stabilire . Verbô : quibus per traditionem tutò confiderent Decus Ordinis & Instituti . In quem etiam finem alii quoque veterani Patres partim Româ , partim ex Hispania propediem adventuri expectabantur .

III. Dum similium rerum studia inter nostros maximè fervent , Comes Franciscus Ragoczius , exteris regionibüs peragratis ,

U u

Vien-

1693.

4. Reg. cap. 4.  
v. 41.

Hont. 8. in  
Matri. circa  
fusum.

Redemptio-  
nis mora va-  
riarum suspi-  
cionum  
causa.

Aga domis.

Patakini ce-  
nobium capis  
initium.

1693.

Viennam delatus est, paulò post amplissimum in Hungaria patrimonium & avita prædia aditurus. Is cum germana sorore Domina Juliana Barbara, Ferdinando Goberto Comiti Aspermontio non pridem connubio juncta, parè desiderio exarsit sacrum Ordinem nostrum, quem peculiari devotione ob Redemptionis captivorum Institutum prosequebatur, in suis possessionibus plantandi, eique assignatis congruis proventibus novum cœnobium excitandi. Re itaque cum nostris Superioribus communicata, duos postulaverunt sacræ Religionis nostræ Sacerdotes. Designati sunt P. Josephus a Matre DEI Hispanus, quem anno superiore Viennenensis Cœnobii præfeturam abdicasse significavimus, & P. Adalbertus a S. Andrea Bistricensis Bohemus, hic ætate integra ante triennium ferè nostris aggregatus solidæ virtutis & maturitatis de se specimina dederat, ac Fundatori Patrono, cùm olim ipse Novæ-Domi apud Bohemos humanioribus studiis vacaret, apprimè notus condiscipulus. Trigesimâ mensis Martii, quæ fuit feria secunda post Dominicam in Albis, iter in Hungriam sunt auspicati, & emenso itinere incolumes tandem Patakinum pervenerunt, ibidémque obtentò in arce diversoriò Saccellarorum munia aliquamdiu obiverunt.

Alterius in  
Hungaria cœ-  
nobii firma-  
tur spes.

IV. Eodem prorsus tempore Georgius Szechenius Archi-Episcopus Strigoniensis, piis fortè Religiosorum precibüs adjutus, recuperatis viribüs cœpit magis convalescere, biennio ferè victurus superstes. Is, quamprimum se a morbi molestiis liberum persensit, cum Excellentissimo Comite Sigisfrido Christophoro Breünero Cæsareæ Cameræ sive reddituum Præside confecit tractatus, quorum vigore ab eodem Illaviensis bona pro octoginta millibus florenorum Rhenensium in hypothecam, & exinde proventus in censum annum recepit ad sequens decennium, & ulterius retinenda, donec restitutio in solidum facta fuisset. Huic permutationi debetur haud ignobilis origo Illaviensis cœnobii nostri in Hungaria. Augustissimus Imperator LEOPOLDUS, cùm intellexisset Sanctum Archi-Episcopi propositum, nostri Ordinis augmento mirificè addictus, ut eum in hac pia intentione magis etiam, magisque confirmaret, eidem in nostrum favorem officiosam admodum scripsit epistolam, quam veluti singulare Augustalis Patrocinii monumentum & peculiare Decus nostrum huic Historiæ attexendam putavimus, non solum, quòd gratitudo id a nobis efflagitet, sed etiam, quòd talis Monarchæ intercessionem pro Ordine nostro interpositam summo nobis honori ducamus, præsertim quòd hæc epistola pii Fundatoris, tot aliunde meritis de Christiana Republica clarissimi, voluntatem in continuandis charitatis operibus prolixè commendet. Ea autem familiaribüs verbis exarata ita sonat:

Cæsaris epi-  
solia.

*Chare Archi-Episcope. Non minori satisfactione meâ, quam commendatione virtutis vestræ intelligo, videoque non cum annis senescere, imò magis indies majus incrementum in vobis capere*

cha-

1693.

charitatis officia in sublevandis egenis, ecclesias restaurandis, monasteriis etiam adificandis, dotandisque ingenti Apostolici Hungariae Regni beneficio praesertim intenta. Confirmatur id mihi imprimis laudabili vestra intentione monasterii Patribus Ordinis Excalceatorum Sanctissima Trinitatis de Redemptione captivorum, qui paucis ab hinc annis ex Hispania in hanc ditionem Austria-  
cam adventantes sub Patrocinio & Protectione mea collocati sunt, fundandi, quam DEO gratissimam, & sub jugo Turcico gementibus Christianis saluberrimam foundationem, ut non possum non approbare, ita nullus plane dubito, quin eam ad predictorum Patrum non aliud preter charitatem Christianam praeferentium votum proxime sitis executioni mandaturi. Quod mihi sanè futurum est acceptissimum. Excitat Me ad id officii Cæsarei genus cura singularis, quam saluti animarum, captivorumque Christianorum prospectum ardentissime cupio, & ipsum desiderium Patres hosce in Hungariae Regno receptos, stabilitosque videndi, eoque minus ambigo, id apud vos optatum locum inventurum, habiturumque, dum in reliquo Gratiâ Meâ Cæsareo-Regiâ vobis imprimis addictus maneo. Vienne 24. Julii 1693.

Hoc Magni Cæsaris scriptum singulariter nobilitat hujus Fundationis primordia. Eluet prætereà sole meridiano clariùs ex hac LEOPOLDI epitola Imperatoris tenerrimus erga sacrum Ordinem nostrum affectus, cuius propagationi tanto studiô & industriâ incubuit. Hujus autem epistolæ Archi-Episcopus Szechenius Fundator noster disertè meminit in suo Diplomate, quod inferius exhibebimus, ubi sic loquitur: *Benigne & singulariter suadente id ipsum nobis Sacratissima Majestate.* Quæ occasione hujus Cæsareæ Epistolæ præmittenda putavimus, ut posteà magis clarescat, quid Archi-Episcopus his verbis innuere voluerit.

Cæsaris erga  
N. Ordinem  
affectus.

Epistole hu-  
jus meminis-  
Archii-Epis.

V. Alia quoque per otium hōc anno ad pietatis cultum agebantur, inter quæ fuit illud præsertim: cùm Sanctissimæ TRINITATIS Confraternitas majori quotidiè numerō accresceret, Libellus pro instructione confratrum Latino sermone, ut tantò commodius in alias linguas transferri possit (quod & reapse deinde contigit) typis evulgatus a P. Josepho ab Angelis Excellentissimo Comiti Philippo Christophoro Breünero nuncupatus fuit. Recepit is hoc piū obsequium affectu luculento, quem ut magis conspicuum testaretur, vestibus subinde suis candidum pallium bicolore Ordinis nostri cruce insignitum superinduxit, quod ille amictu Equestris Trinitarii Ordinis, pridem exoleti & famā duntaxat cogniti, socium se ostendere videbatur.

Libellus  
Confraterni-  
tatis impri-  
mitur, & dedi-  
catur Comitis  
Breünero.

Is utitur al-  
bō palliō cum  
Cruce Ordī-  
nis.

1693.

Viennæ SSS.  
TRINITA-  
TIS obeliscus  
dedicatus.Obelisci hujus  
descriptio.

VI. Inter anni hujus memorabilia, superius quoque leviter attactum Excelſæ Pietatis Monumentum, pariter nobis recensendum venit, sopiti epidemicī morbi, qui anno 1679. urbem depopulatus fuerat, ex Cæſareo voto Anathema: Obeliscus videlicet Sanctissimæ TRINITATI in foro herbario decimō sextō Kalendas Junii dedicatus. Surrexit is eodem quasi tempore cum nostro Sanctissimæ TRINITATIS Viennensi cœnobio tanquam Ordinis nostri in Germania antesignanus, & prodromus Gloriæ. Cujus structura, sicut ornamentum insigne urbi atulit, ita a multis pro omniestræ Religionis Trinitariæ in Cæſareis Ditionibus feliciter propagandæ accepta fuit. Hæc autem moles Paro constructa marmore sex & sexaginta pedes geometricos altitudine æquat triquetram figuram præseferens. Hanc si inferius intuearis, videbis juxta basim Fidem sub scheme insignis Matronæ crucem manu gestantis, ad cujus pedes subjectam hæresim genius quidam flammigerâ tubâ ad ima prosternit, aquila faciem ejus involante, ut suò rostrô oculos illi evellet. Ubi verò lumina altius erexeris, in conspectum tuum veniet statua alabastrina Augustissimum LEOPOLDUM Imperatorem graphice referens, laureo fertō more Cæsarum Romanorum præcinctum, ense & cataphractâ armatum, per cujus humeros regium paludamentum magnificè defluit. Pectus ornat Aurei Velleris Insigne. Hæc imago curvatis poplitibûs lapideo pulvinari insitit, ad cujus alterum latus genius quidam pileatam Austriæ coronam manibûs sustentat, in altero autem pulvinari haud procul a genibus Imperatoris regale sceptrum visitur. Omnia ista in ipsa Colossi hujus basi conspiciuntur. Super hanc deinde consurgit pyramis æquè triangularis, nubibus utplurimùm obtecta, quam novem Chori Angelorum naturali justi hominis statutâ hinc & inde ambiunt, ad usque ferè medium. Superius circumvolitant in nubibus multi cœlestes genii, diversis ministeriis intenti. Apicem coronat Sanctissima TRINITAS e solidi fusâ metallo & liquatô aurô obducta. Hic DEUS PATER Orbem terr-aqueum manu protegit; cui a dextris assidens DEUS FILIUS crucem protendit Redemptionis nostræ signum; DEUS SPIRITUS SANCTUS verò in columbæ specie deauratis radiis circumfusus utrique supervolitat. Porrò in parte infima ubi hæc moles terram attingit, duo exurgunt gradus, speciosique cancelli ex eodem marmore sculpti, & æquâ distantia coni ferreis catenis innexi, totam columnæ fabricam ambitiosè circumeunt. Et ne humana improbitas tam insigni operi damnum vel irreverentiam inferre queat, miles custodiendo huic Colosso deputatus est, qui perpetuis excubiis omnes ab hoc loco injurias arceret. Exornant hanc etiam molem Symbola, Insignia & Inscriptiones; harum unam, quæ ipsius Augustissimi Cæsaris ingenio concepta & exarata fuit, tanquam Austriacæ pietatis monumentum hic subnectere placuit. Ecce illam: *Tibi Regi Saculorum Immortali Unus in essentia & Trino in Personis, DEO infinitè Bono, Æterno &*

Im-

Immenso , cuius Dexteræ omnia sunt possibilia , cuius Sapientie nihil est absconditum , cuius Providentia in sua dispositione non fal- litur , cuius Majestate impletur universum , cuius Misericordia su- per omnia opera . Tibi , inquam , Sanctissimæ TRINITATI ego Leopoldus humilis servus tuus gratias ago , quas possum maximas pro aversa anno M.DC.LXXIX. per summam Benignitatem Tuam ab hac Urbe & Austria Provincia dira pestis lue , atque in perpe- tuam gratitudinis tesseram præsens Monumentum demississime conse- cro . Suscipe Clementissime DEUS Servi tui demissè Te adoran- sis vota , & me , Conjugem , Liberos , Domumque meam , popu- los , exercitus meos , regna & provincias continua Misericordia Tuæ Protectione Guberna , Custodi , Defende . Ità VoVI anno DoMIInI saLVatorIs nostrI IesV ChrIstI.

VII. Cæterùm Romæ ad ejusdem Augustissimi LEOPOLDI I. Romanorum Imperatoris instantes preces hòc eòdem anno per Principem Liechtensteinum Oratorem delatas in Sacra Rituum Congregatione Relatore Eminentissimo Cardinali de Judice fer- ventius actum fuit , ut ex Pontificio Indulto Officia & Missæ Sanctorum Patriarcharum Nostrorum JOANNIS & FELICIS per Universalem Ecclesiam de Præcepto , ut vocant , imposterūm ce- lebrarentur , cuius rei superiùs jam mentionem fecimus . Huic nostræ prætensioni maximum robur conciliavit illa sententia Bo- nifacii VIII. hujus Nominis Pontificis Decretali in c. unic. de Re- liquiis & veneratione Sanctorum in 6. Ubi Pontifex jubet Aposto- lorum , Evangelistarum & Ecclesiæ Doctorum Festum celebrari , quòd , nimirūm , Gloriosus DEUS illos ( ut dignis digna rependat ) potioribus attollit insigniis dignatum , & præriorum uberiori retrí- butione prosequitur , quos digniores agnoscit , & commendat ingentior excellentia meritorum . Sic & Alma Mater Ecclesia &c. Demon- stratum itaque fuit , generalem hanc rationem a pari Sanctis no- stris Fundatoribus benè congruere . Quibus cùm sese Reveren- dissimus Promotor fidei pro suo munere opposuisset , Procura- tores hujus causæ ejus argumenta diluerunt adducta praxi Sedis Apostolicæ , cuius Auctoritas omnem scrupulum eximit ; de cun- & tis enim aliis Sanctis sacrorum Ordinum Fundatoribus officia de Præcepto recitantur , ut proinde ad servandam laudabilem Eccle- siæ unitatem tali honore carere non debeant SS. JOANNES de MATHA & FELIX de VALOIS , qui sanctissimam Religionem animabus & corporibus CHRISTI Fidelium summè proficiam , & captivorum Redemptioni devotam instituerunt . Contra quam Ecclesiæ praxim & excellentiam meritorum in his duobus Sanctis Patriarchis Reverendissimus Promotor Fidei nihil habuit , quod objicere potuisset . Consummatum verò hujus negotii effectum anno sequenti videbimus .

Ad Cæstari  
preces officia  
de Sanctis Pa-  
triarchis no-  
stris , ut in to-  
ta Ecclesia de  
Præcepto ce-  
lebrentur ,  
procuratur .

Rationes &  
motiva.  
Sext. Decretal.  
lib. tit. 22.  
cap. unicam.

1693.

*N. P. Genera-  
lis se munere  
abdicat**S. Laurentius Justinianus lib.  
de cast. con-  
nub. cap. 20.  
Psalm. 83. v. 6.*

VIII. Ostendimus superiùs Nostrum P. Raphaëlem a S. Joanne invitò animò admisissè supremam Ordinis Præfecturam. Et enim, ut rectè docet S. Laurentius Justinianus : *Humilis omnem altitudinem abhorret, dignitates fugit, latere appetit, apparere refugit, dejici concupiscit.* Procedente tempore bonus Senecio humeros sibi immodicè hoc onere gravari perfenserat, ideoque *ascensiones suas disposuit in valle lacrymarum*, continuis gemitibus & calidis deprecationibus eoùsque insistens, donec tandem pro sua reverentia exauditus, & impetratò Generalis Definitorii nostri consensu ab ingrata honoris sarcina sublevatus fuisse, quô certè illius venerabili ætati & canitiei nihil optatiùs accidere potuit. Substitutus est eidem in munere Noster P. Joannes a S. Antonio, quem vegetior ætas, & fortè non impar doctrina, pietas & merita, præsertim in nuperna Ordinis in Poloniam introductione comparata, commendabilem reddidere; Ordinis interèa Vicarius Generalis ad sequentia usque Patrum comitia futurus.

*Substitutus  
N. P. Joannes  
a S. Antonio  
Vicarius Ge-  
neralis.**Româ nostris  
accedit P. Jo-  
sephus a SS.  
Sacramento.**Confessorius  
Card. Aguirre.**Adfert SS.  
Martyrum  
geliqias.*

XI. Demum in Autumno hujus anni nonagesimi tertii ad novam hanc messem nostram in operariorum subsidium Româ Viennam délatus est P. Josephus a Sanctissimo Sacramento, qui cùm Romæ plurimis annis moram ficeret Eminentissimo Cardinali Josepho Saénz de Aguirre ex Ordine S. Benedicti viro Doctissimo & multis editis voluminibus commendato aliquandiu a sacris confessionibus fuit. Ne autem piissimus ille vir incomitatus ab urbe veniret, sacra Sanctorum Martyrum Lipsana secum ad Ecclesiæ nostræ Viennensis ornatum attulit; partem videlicè cruris S. Placidi Martyris, & S. Fortunatæ similiter Martyris e cœmetorio S. Calipodii eruta & vindicata, atque recognita Viennæ ab Illustrissimo D. Joanne Baptista Mayr Vicario Generali & Officiali 10. mensis Decembris. Quibüs ritè per seriem memoriarum posteriorum commendatis a prolixioribus aliquantò hujus anni commentariis submovemur.

1694.

## C A P U T II.

## Initium Patakiensis Fundationis in Hungaria.

*Quæcunque  
bona gratitu-  
dinis causæ  
sunt referen-  
da.*

I. **K**alendis Januariis anni millesimi sexcentesimi nonagesimi quarti fausta dies Ordini nostro videbatur illuxisse, quamvis hæc sors non admodum diurna fuerit, nec pari successu fructuosa que finis initio responderit. Dandum est scilicet temporum injuriis, quæ lætissimas spes in ipso quasi flore corruerunt, & eventum suo principio adeò dissimilem parturiere. Neque nos decet ea præterire silentio, quæ optima voluntate cœpta, sinistro autem posteà novercantis fortunæ casu convulsa fuerunt. Ipsa sanè gratitudo postulat, ut memoriarum posterorum litteris sollicitè commendemus, quæ alii pro Ordinis nostri augmentatione laudabiliter decreverunt, licet ea emergentibus finistris casibus prohibiti opere complere nequiverint. In præsenti verò, cum felic-

feliciora tempora jam pridem vulneri cicatricem obduxerint, potissimum tamen, ut beneficiis quibuscumque receptis, licet jam antiquatis aliquam pro modulo nostro rationem habere contemnatur, sequentia omnium pace commemoranda veniunt.

1694.

II. Comes Franciscus Ragoczius & Juliana Barbara soror ejus, quemadmodum superiore capite præmisimus, pia & laudabili intentione ducti, ut Apostolico, & sacrâ locis quondam florissimo Hungariæ Regno, nunc autem per seditiones, bella, & hæreses multum attrito consulerent, ejusque ruinas aliquo-modò resarcirent, e singulari devotionis affectu, quô in sanctissimæ TRI-UNIUS DEITATIS Mysterium & in Ordinem nostrum hoc gloriosò agnomento insignitum, eidemque coniunctum Redemptionis Institutum ferebantur, in Saros Patak civitate & arce ad fluvium Bodrogum piscibûs abundantem Diœcesis Agriensis & Comitatûs Zempliniensis die prima Januarii orientis anni millesimi sexcentesimi nonagesimi quarti P. Josepho a Matre Dei (qui negotii hujus transfigendi potestatem acceperat) scripturam in pergameno patenti folio, sigillis e zonis pendentibûs, & subscriptionibûs munitam, tradiderunt, cuius vigore in eadem civitate cœnobium Ordinis nostri condunt & instituunt. In congruam Religiosorum sustentationem super prædia sua Patak, Borfi, Tokai, & Regecz sex & viginti florenorum Rhenensium millia assignata, quotannis ad ultimam mensis Martii ex iisdem prædiis mille trecenti floreni per modum censûs exolvendi consti-tuuntur. Quæ obligatio, quamvis tunc non plures quam duo religiosi adessent, in proximo hujus anni mense Martio erat sumptura principium, ac deinceps in perpetuum duratura.

Diploma  
Fundationis;

Summa Ca-pitalis.

Census annu.

III. Assignatus præterea fuit locus pro cœnobio & Ecclesia contruendis, domus nimis lapidea a defuncta quondam Principe Susanna Lorantffii ædificata pro familia filii sui Domini Sigismundi Ragoczii, dum Principem Electoralem, Dominam Henrietam Palatinam Rheni, connubiali sibi fœdere junxit. Porro structura Ecclesiae, ac cœnobii ex communibus Fratris & Sororis possessionibus æquali sumptu erat perficienda. Domum illam sub idem tempus incolebat Cæsareus annonæ Praefectus. Ne autem cœnobium situs angustis laboraret, adjunctæ fuerunt aliæ duæ vicinæ ædes cum platea, quæ vetus quoddam & semidirutum palatum a dicta domo lapidea dividebat. Similiter in rerum domesticarum usum & subsidium concedebatur allodium iure perpetuo possidendum, assignatis præterea quinquaginta orgyis lignorum in singulos annos recipiendis. Ad hæc universa finè defectu præstanta per easdem Litteras se, hæredes suos, successores & Legatarios, ut vocant, in perpetuum obligatos esse voluerunt, & defacto se obligarunt; atque ut hæc conventione tantò majus robur obtineret, firmiusque confisteret, decre-tum fuit, ut hujus Fundationis Litteræ regia auctoritate confirmarentur, liceretque nostris Patribus, si quis superiùs expressa tempore quocunque imposterum præstare recusaret, median-te quodam ordinario regni Judice integrum satisfactionem

Ecclesiæ &  
Cœnobii fa-brica.

Allodium.

Ligna.

Obligatio.

Confirmatio.

Actionis  
facultas.

1694. postulare , tam quoad summam principalem , quām etiam ad intermissum , neglectūmque censum , interdicta præscriptionis lege , ac quacunque contradictione sublata.

*Jus patronatūs.*

IV. His providè præjactis , cautisque , parili utrīnque consensu sancitum fuit , ut Comes Franciscus Ragoczius & Juliana Barbara soror ejus , hujusque maritus Ferdinandus Gobertus Comes Aspermontius in prædicto Monasterio jure Patronatūs gauderent , ita tamen , ut prædictus Franciscus Ragoczius , ejusque Successores primi & præcipui Patroni censerentur , Domina verò Juliana Barbara , ejusque Successores perpetui quidem hujus coenobii Patroni dicerentur , non tamen primarii ; Comes autem Ferdinandus Gobertus in sua tantum persona , non item hæredes ejus , aut successores , nisi ex Domina Juliana Barbara stirpis progeniem ducerent , Patroni titulum obtinerent.

*Insignia.*

V. Conclusum tamen fuit , ut omnia harum familiarum Insignia in Ecclesiæ porticu & principis aræ facello affigerentur , néque alteri cuiquam iis in locis insignia apponere liceret. Erigentur quoque ipsis in Presbyterio ad latus Evangelii sedilia , aliisque præminentiis , cæremoniis & privilegiis tanquam veri Ecclesiæ Patroni perfruerentur. Odeum quoque singulare in superiore Ecclesiæ loco eis addictum fuit , ubi Divinis officiis interesse possent , hac tamen conditione adjecta , ut ab Odeo Religiosorum disjunctum esset , neque his ullus ingressus ad Patronorum Odeum concederetur. Insuper , ut sepultura pro Patronis esset infra majus Sacellum , neque quisquam alias absque eorum licentia ibidem sepeliri posset , facultate nihilominus Patribus relicta , minora Sacella unà cum sepulturis , quibuscumque vellent idoneis personis in Jus Patronatūs tradendi , & in Ecclesia , sacrario , claustro ac cryptoporticu loca pro fidelium sepulchris destinandi & commodandi. Statutum pariter fuit , ut Patroni & Successores eorum tanquam genuini Ordinis fratres omnium orationum , bonorum operum & spiritualium exercitiorum , que tam in communi , quām in particulari a Religiosis prædicti coenobii peragentur , participes evadant.

VI. Item omnibūs diebūs Dominicis solemne , seu , ut vocant , conventuale Sacrum pro iisdem Patronis , eorūmque Successoribus vivis & defunctis applicetur. Ubi verò innotuerit , quendam ex Patronis , vel eorum Successoribus ex hac vita defessisse , illō tantum , quō decessit anno , triduanæ exequiae , cantatō præviè ex officio defunctorum uno Nocturnō , cum solemnissimæ sacrificio celebrentur. Solitis temporibūs pro iisdem æra campana sonent , & solemne toties in Ecclesia ad erectum cenotaphium Responsorium decantetur , illoque triduo singuli Sacerdotes prædicti coenobii pro defuncti requie sua DEO sacrificia offerre teneantur. Sumptus autem ad ceram comparandam , & cenotaphium erigendum a Patronis suppeditentur , eisque libera dispositio remaneat suis expensis funebrem pompam augendi. Cæterūm assignabitur stata quotannis dies ab ipsis Funderitoribus eligenda , in qua pro omnibus Patronis defunctis

*Odeum singularē.*

*Precium & donorum omnium operum participatio.*

*Sacrificia.*

*Esequiæ.*

fo-

solemnes & anniversariæ in perpetuum celebrentur Exequiæ, in quibus unus Nocturnus, solemne Sacrificium & Absolutio decantetur: tali æquè die omnes rursus Sacerdotes hujus cœnobii pro eorundem animabus sacram hostiam ad aras DEO offerent. 1694.

VII. Ultimò demùm hic fundatus Conventus frui & gaudere poterit omnibūs & singulis privilegiis, exceptionibūs tam de jure communi, quam particulari. Insuper valeat possidere bona propria immobilia sive emptione, sive donatione, vel aliō quōvis justō titulō acquisita: si verò illa bona decimis, aliisque tributis, aut vectigalibus fuerint obnoxia, conventus quoque ad eadem præstanda maneat obligatus. Si verò immunitatē a talibus oneribus habuerint, cum iisdem libertatibus & exemptionibus Bonis illis uti, frui & potiri valeant absque ulla contradictione.

VIII. Hæc ultrò citrōque inter partes fideliter conventa, pœta & ratificata fuere in septemdecim articulis, ac propriis subscripta nominibūs, & sigillis munita eodem die & anno, ut superius expressimus. Rectè, benéque omnia & legitimè firmis semper ac deinceps valitatis litteris fuere bellè constituta. Verum enim verò, ut pietatis operibus plerūmque infestæ sunt temporum injuriæ, hæc præclara molima, quorum absque animi mœrore meminisse non possumus, peste, & pestis lue nocentio re bello post annos non multos exolevère, morte sublati ibidem religiosis omnibūs. Illa igitur in ipso quasi ortu suo emarcuerunt, lugubrēmque duntaxat pulcherrimæ spei memoriam aliquamdiu nobis reliquam fecerunt. Vacuus demum locus cessit Patribus e Polonia evocatis, his quóque revocatis pristina successit solitudo. Tandem paucis abhinc annis, ut in fine libri decimi memorabitur, idem locus sinè succo & sanguine vix umbra sui in Residentiam sex vel septem Religiosorum transit. Nunc etiam die 12. Martii anni 1737. in communi civitatis conflagratione haud levia incendii damna persensit; quid ex rebus afflictis indè boni posteris sit accessurum, soli DEO notum est.

Privilégia  
hujus cœnobii.

Interit fune  
datio ob tem  
porum injuri  
as.

Resuscitatur.

Incendium  
cessat.

### C A P U T III.

#### *Cœnobium Illaviense Archi-Episcopali Diploma te fundatur.*

I. F<sup>EL</sup>iciore, ut ajunt, fidere sequens hujus anni mensis, Februarius, nobis illuxit: siquidem D. Georgius Szechenius Archi-Episcopus Strigonensis & Primas Regni Hungariae memor pollicitationis nobis factæ fidem suam magnificè solvit. Augustissimi LEOPOLDI Cæsaris exhortatione inductus, & alioquin erga Ordinem nostrum optimè animatus, statuit denique residuis bonis ac fortunis suis in Hungaria aliud cœnobium fundare. Neque segnius egit, ac cogitaverat; etenim confessis donationis tabulis aditum nobis ad insigne monasterium ædificandum aperuit. Cùm verò hoc Diploma rationes prolixè

Illaviense cœnobium me liore successus fundatur.

1694. adducat, quibūs Archi-Episcopus ad hoc propositum suscipiens  
dum inductus fuerat, nequaquam extra oleas vagabimur, si  
illud huic loco inseruerimus, quod ita sonat:

NOS GEORGIUS SZECHENT MISERATIONE DIVINA  
Ecclesiae Metropolitanæ Strigonensis Archi-Episcopus, Locique ac  
Comitatus ejusdem supremus ac perpetuus Comes, Primas Regni  
Hungariae, Legatus Natus, Suminus Secretarius, & Cancella-  
rius, Sacrae Casareae Majestatis Confiliarius intimus, &c. Memo-  
ria commendamus tenore praesentium significantes, quibus expedit,  
universis. Quod posteaquam sepius cum lacrymis considerassemus,  
quam luctuosa sit & acerba conditio miserorum Christianorum, qui  
in diram funestamque immanissimum Christiani Nominis hostium  
gentilium captivitatem illabuntur; unde fit, ut propter longissi-  
mam itineris distantiam, ac pressum, & durante hoc potissimum  
longiori belli tempore Regnum ac Ditionum Sue Majestatis Sa-  
cratissima statum, extremamque inter homines vigentem pauper-  
tatem vix centesimus eorundem eliberationem congruam assequa-  
tur, imò inter tetros carcerum squallores plurimi ipsorum fame pe-  
rire, & a vermis miserabiliter consumantur, vel vero in despe-  
rationem acti gentiles fieri cogantur; nec mirari potest, quod mi-  
lites tam pauci ad bellum conscribantur; siquidem acerbò memo-  
ratorum miserorum captivorum exemplò, dubiā alioquin alea pre-  
existente deterrentur; ut igitur hoc in passu toti Reipublicæ Christia-  
ne opportunè consulatur, & provideatur, prærepetitique miserrimi  
captivi ( quorum multi ex abductis per Turcas & Tartaros sub ob-  
sidione Viennensi plus quam centum mille animabus adhuc non eli-  
berati gemunt ) pridem desideratam consolationem accipient, Re-  
verendos Patres & Fratres Ordinis Sanctissimæ TRINITATIS de  
Redemptione captivorum in Apostolicum hoc Hungarie Regnum  
( ubi nunquam hactenus fuerunt ) benignè & singulariter suadente  
idipsum Nobis Sacratissima Majestate introducimus, & in Bonis Illavienibus in comitatu Trenchiniensi existentibus, ac anno  
proximè prateritò ab Excellentissimo Domino Comite Sigisfrido Chri-  
stophoro Breüner pro summa octuaginta millium florenorum Rhe-  
nenium per Nos comparatis paternè instituimus, & fundamus. Ita  
tamen, ut iidem juxta laudabile ipsorum Institutum ratam ter-  
tiam partem omnium proventuum ex antelatis Bonis Illavienibus  
qualitercunque obvenientium in Redemptionem præprimis quidem  
captivorum Christianorum ex Ditionibus ad sacram Regni Hunga-  
rie Coronam spectantibus natorum, & originem trahentium, ac  
de-

Fundationis  
Diploma.

Rationes &  
causæ Funda-  
tionis.

Numerus ca-  
ptivorum ab  
obfidiōne  
Viennensi.  
Olim non  
fuisse Ordinem  
xostrum in  
Hungaria af-  
firatur.

Fundationis  
suum.

Hungari redi-  
mantur.

demum iis non reperibilius in aliorum quorumcunque eliberationem convertere teneantur: In quo Admodum Reverendi Patris moderni Generalis, ac omnium Successorum ipsius, pariter & Priorum\* & Sub-priorum in antelato Monasterio Illavensi pro tempore futurorum conscientias oneramus. Quod si autem successus temporibus propter revolutiones bellicas ( quod DEUS clementissime avertere dignet ) aut alias legitimas & prægnantes rationes prædicti Reverendi Patres & Fratres Ordinis Sanctissimæ TRINITATIS de Redemptione captivorum stabilem in praefato Dominio Illavensi permanzionem habere nequirent, ex tunc presentem Fundationem nostram liceat ipsis ad locum tutiorem intra gremium hujus Regni transportare, ubi verò nec ibi permansio & salus patarent, liberum erit in alia quoque regna & provincias transferre. Ita nihilominus, ut pace affulgente, & aditu aperto existente domum in Hungariam redire, & cursum præsentis Fundationis modo præmissò prosequi obligentur. Si verò evolutò decenniò dictus Excellentissimus Dominus Comes Breüner aut Heredes & Posteritatis ejusdem deposita simul & semel antelata octuaginta millium florenorum summâ, & effectuatîs juxta contractum effectuandis universis, Bona hac Illavensia redimeret, ex tunc hujusmodi capitalem summam, & aliorum æquè utilium, ac in Regno Hungarie situatorum Bonorum coëmptionem convertere, aut ad secundum interesse dotare; denique redditum illius non in alios usus, quam præsenti Fundationi Nostræ conformes usus modalitate supra specificata impendere obligentur. Præterea statuimus, ut Insignia Nostra ex marmore exsculpta Monasterio prædicatorum Patrum & Fratrum super portam appendantur, & in sacris Missæ sacrificiis ac orationibus, non solum ab iisdem, verùm & per ipsos redimendos captivos Christianos frequens animæ nostræ memoria habeatur. Humillimè itaque Suis Sacratissimis Majestatibus moderno nimirum & Futuris Hungariae Regibus, & Augustissimis eorundem Heredibus supplicamus, ut hanc piam Fundationem nostram erga Benignam Recommendationem potissimum institutam clementer acceptando, & confirmando ulterius quoque gratiōsè fovere & conservare dignentur. In cuius fidem & firmitatem perpetuam præsentes Litteras Nostras Privilegiales & Fundationales propriæ Manus Nostræ subscriptione, & pendentis Authentici Sigilli munimine corroboratas toties memoratis Reverendis Patribus & Fratribus Sanctissimæ TRINITATIS de Redemptione captivorum extradendas

1694.  
Onerature  
conscientia  
Superiorum.

\* Ministri  
vocantur no-  
stri Superioris,  
quod hæc  
ignotum erat  
Archiepisco-  
po, non Prio-  
res.

Transferri po-  
test fundatio-  
ad alia loca  
propter cau-  
tas.

Tota summa  
deponi debet.

Emi possunt  
alia bona vel  
locari ad cen-  
sum.

Insignia Fun-  
datoriæ ex  
marmore su-  
pra januam  
conobii affi-  
gantur.

Preces Reli-  
giosorum &  
captivorum  
expetuantur.

Ad Reges  
Hungariae  
commendatio  
tanquam Pro-  
tectores hujus  
Fundationis.

1694. duximus & concedendas. Datum Posonii in Curia Nostra Archi-Episcopali die vigesima mensis Februarii, Anno Domini millesimo sexcentesimo nonagesimo quartō. Archi-Episcopatus verò nostri anno nono.

GEORGIUS SZECHENY  
Archi-Episcopus Strigoniensis.

Aurea Bulla  
aureis subinde  
scripta litteris,

Ad testam-  
tum verba  
codicilli.

II. Hactenus Aurea Bulla Fundationis nostri cœnobii Illavienensis, quam idcirco *Auream* appellare placuit, quia in principio, & subinde per decursum aureis litteris scripta fuit. Cæterum hoc Diploma non nisi post piam mortem Divi Archi-Episcopi Fundatoris nostri, sequenti nimirūm anno, effectum obtinuit. Illud verò, magnum ad stabiliendam hanc Fundationem momentum attulit, quod Archi-Episcopus in supremis vi-tæ diebus ad confessi testamenti sui codicillum, ut uberioris mentem suam, ultimāque voluntatem declararet, hæc verba signatè addiderit: *Illavienia Bona lego Patribus Sanctissimæ TRINITATIS de redimendis captivis.*

## C A P U T IV.

*Viennensis Ecclesiæ nostræ ichnographia designatur;*  
*pro fabrica conquiruntur facultates. Duo ex nostris*  
*Fratribus studiorum causâ in Hispanias mittuntur.*

Templi ma-  
joris fabrica  
designatur.

I. Inter hæc tam auspicata rerum initia, non modica Viennen sis cœnobii parte jam absoluta, & in commodam habitationem redacta, altius sese nostræ cogitationes erigebant, magnoque molimine gravidæ stabilem quandam augusti templi streturam parturiebant: ne autem res inter steriles duntaxat deliberationes subsisteret, operi manus proprius admotæ, & in fundo illo, a Cæsare nobis non pridem donato, ad tectonicæ artis regulas lineæ ductæ fuerunt. Fixis proinde tensisque funiculis dimenso situ, & in latiore charta accuratè delineato, longitudo quidem congrua prodivit, latitudo tamen ædificii symetriæ nequaquam respondit. Sed cum vicina platea latitudine sua magnum structuræ additamentum offerret, loci angustia exiguum nobis solitudinem faciebat, quod spes esset non dubia, urbiculum Magistratum pro sua benignitate aliquam nobis terræ portionem pro dilatanda Ecclesiæ fabrica cessurum, quia id absque ullo publici transitus detimento facile fieri poterat.

Sumptus  
conquiruntur.

Spes in Re-  
ginam Vi-  
duam Hispa-  
nie,

II. Major itaque premebat cura de parandis sumptibus, qui tenuitatem facultatum nostrarum nimium superabant, non tamen spem & in DEUM fiduciam tot experimentis hactenus comprobatam. Occurrebat menti alias inter manus adjutrices Serenissima Regina Domina MARIA ANNA de AUSTRIA Vidua, pie-tatis operibus unicè dedita, Mater CAROLI II. Regis Catholici

&

& Soror Augustissimi LEOPOLDI I. Cæsaris, quæ fervente affectu Ordinis nostri incrementis studebat, ejusque propagacionem in Austriam effictim desideraverat. Hanc etiam in Hispanias usque accedere consilium fuit Excellentissimæ Matris nostræ Comitis Harrachiæ, quæ ejus obsequiis cæteras inter nobiles virgines quondam deputata spem largæ eleemosynæ consequendæ nobis fecerat. Tam opportuna ærarii augendi ratio minimè negligenda videbatur. Delectus proinde fuit P. Maurus a Conceptione Captivorum Redemptor, ut in Hispanias profisceretur, Regiæque Viduæ Clementiam & liberalitatem ad nostram inopiam sublevandam imploraret. Nec tergiversatus est ille, sed tanto promptius hoc iter longinquum suscepit, quanto de optimæ Reginæ pietate erat securior, & de ejus benignitate certior. Abiturientem Augustissimus Imperator LEOPOLDUS, ut nullam occasionem nobis favendi prætermitteret, sequenti ad Serenissimum CAROLUM II. Regem Catholicum scriptâ epistolâ comitari gratosissimè dignatus est.

1694.

*Compertum quidem est mihi, quò locò apud Majestatem Vestram sint Patres Trinitarii ob singularem in Christianos ( quorum redemptioni ex durissima Barbarorum servitute ex Instituto præsertim student ) charitatem, ita ut de munificentia, propensioneque in illos Regia, nullum mihi superfit dubium, eâ tamen non obstante comitandum, hisce, obnixèque commendandum duxi Patrem Maurum a Conceptione ad implorandam, experiendamque Pietatem Regiam in subsidium Ecclesie Conventusque ante portas Regiæ hujus Meæ exstruendi ( cui proximo vere principium dare intendunt optimi Patres ) a Superioribus in Hispanias expeditum, ut imprimis Majestati Vestre constet de Mea etiam singulari propensione, gratiâque in sacrum hunc Ordinem ; Et si quid porro commendationis apud Majestatem Vestram ultra propriam in eos Beignitatem egerent, mea suppleant officia, quæ dum hisce majore, quâ possum, efficaciâ interpono Majestati Vestre ad paria affectus Fraterni studia me offerens, integerrimam constantemque valetudinem cum prosperrimis eventibus ex animo precor. Vienne 20. Martii 1694.*

Cæsaris Epis-  
tola ad Re-  
gem Hispaniæ.

Lætior exinde P. Maurus, cùm suum propositum Cæsareis literis suffultum videret, in viam se dedit : gaudebat etiam opportunitatem nunc sibi oblatam fuisse patriam revisendi, & Majoribus Ordinis statum Religionis nostræ in Germania coram exponenti, eorumque simul consilia, de iis, quæ proxime peragenda instabant, exquirendi.

III. Commodissima hæc videbatur occasio, quâ duo ex junioribus Religiosis nostris studiorum causâ in Hispaniam deduci

Duo religiosi  
studiorum  
causâ mitten-  
di in Hispa-  
niam seligun-  
tur.

1694.

possent; quemadmodum proximō ab hinc anno similiter alii duo ex Polonia eadem de causa profecti in Complutensi nostro Collegio studiis litterarum jam vacabant. Delecti sunt igitur Fr. Conradus a Sanctissima Trinitate Austriacus Viennensis, & Fr. Eustachius a S. Josepho Italus Modiensis, qui sub idem tempus Viennæ Philosophicis disciplinis operam dabant, & non uno ingenii specimine singularem ad capessendas litteras aptitudinem præseferebant. Hi adjuncti fuerunt P. Mauro, ut in ejus Societate Hispaniam adirent, re tamen prius, ut par erat, Nostro Patri Joanni a S. Antonio intimata, qui sub idem tempus ob spontaneam Antecessoris renunciationem Vices Majoris & Generalis Ministri obibat. Huic Decreto Viennensium Patrum pondus addidit Excellentissima Domina Comes Mater nostra Harrachia, quæ datis ad eundem Nostrum Patrem Litteris idipsum, tanquam rem Ordini nostro summè proficuam, prolixè suasit, suaque Auctoritate, cui omnes Ordinis nostri Patres plurimum deferebant, facilè persuasit. Quanta verò hujus Dominæ universim in nostra sacra Religione fuerit existimatio, clarissimè elucescit ex epistola responsoria Nostri P. Joannis a S. Antonio, quæ ex Castellano idiomate in Latinum translata sic sonat:

N.P. Vice-  
Generalis re-  
sponso.

*Excellentia Vestra tanquam Ministra Generalis totius Trinitarii Ordinis disponere, ac mandare potest cum universis filiis suis & subditis pro suo arbitrio, & mecum quidem imprimis, qui profiteor, & glorior, esse me filium primogenitum; primus enim eram, qui ea in Regia Urbe ingentibus ejus olim perfruebar favoribus, quos placeat continuata serie Religiosis nostris ulterius exhibere. Hi vertuntur in linguis, quin satis eos queant referre, aut suam gratitudinem satis declarare. De omnibus Excellentiae Vestre infinitas rependo gratias. Ceterum cum Sua Excellentiae placeat, ut P. Maurus cum duobus illis Angelis Germanis veniat in Hispanias, volupe mihi fuerit, ut Excellentiae Suae protinus obtemperetur. Veniant igitur cum Bono DEO, & benè veniant fratres illi Clerici, Primitiae magnorum fructuum, quos Ordo Sanctissime TRINITATIS, ut equidem spero, in Augusto, Maximoque illo Imperio proferet. Opto autem, ut Divina Majestas Excellentiam Vestram tantam Dominam & Matrem nostram in multos conservet annos, pro cuius incolumente DEUM orare nunquam desinam, Madriti 3. Martii 1694. Quamprimum hæc epistola Viennam delata fuit, P. Maurus cum supra memoratis Sociis Fratribus die 20. mensis Martii iter in Hispaniam feliciter est auspiciatus.*

CA-

## C A P U T V.

1694.

*URBIS & ORBIS Decretō Missæ & Officia SS.*

*PP. NN. JOANNIS & FELICIS de  
præcepto recitanda ad universam Ecclesiam  
extenduntur aliisque memorabilia  
recensentur:*

I. **L**ongis controversiis disceptata causa, quæ de Officiis Sanctorum Patriarcharum nostrorum ad Universam Ecclesiam extendendis sub ancipiti judicio diu pependerat, felici tandem eventu coronata fuit; etenim Sacra Rituum Congregatio mature, ut solet, libratis rationum momentis, iisdemque tam in Martio, quam Majo, hujus anni mensibus, saepius discussis, Decretoriam tandem sententiam in nostrum favorem protulit. Plurimum ad hoc contulit ratio quædam inter postremas quidem proposita, sed efficaciâ suâ nulli inferior: exponebatur nimirum Curiæ Romanæ, officia SS. Patriarcharum nostrorum JOANNIS & FELICIS in toto ferè orbe Catholicò sub Ritu duplicis minoris ad libitum celebrari, inusitatō sanè exemplō, cum omnia alia officia ad libitum sub Ritu semiduplici celebrari soleant. Quamobrem ut exoticum hoc & nulli alteri Sancto concessum privilegium celerrimè tolleretur, restituereturque Ecclesiastica uniformitas, decretum fuit, ut Officia Sanctorum Patriarcharum nostrorum juxta morem, quod aliorum Sanctorum Fundatorum festivitates celebrari consueverunt ad Ritu Duplicis Minoris per universam Ecclesiam sublimarentur. Sacra itaque Rituum Congregatio piis Cæsareæ Majestatis precibus de Officiis SS. Patriarcharum nostrorum JOANNIS de MATHA & FELICIS de VALOIS Sacri Nostri Ordinis Fundatorum ad Universalem Ecclesiam Catholicam per totum Orbem diffusam extendendis, quatenus in posterū ab omnibus tam Sæcularibus, quam Regularibus utriusque sexū personis Ecclesiasticis, quæ ad Horas Canonicas persolvendas obstringuntur, sub Ritu Duplicis Minoris de Præcepto recitarentur, annuendum censuit. Quod, ut amplius, firmiusque constet, juvat ipsius Decreti verba in medium producere.

Ratio urgens  
ut officium &  
Missa SS. NN.  
Fundatorum  
de Præcepto  
decernantur.

**URBIS ET ORBIS.**

*Ad pias Majestatis Cæsareæ preces per Excellentissimum Principem de Liechtenstein Ordinarium apud S. Sedem ejusdem Oratorem SS. D. Nostro porrectas, Sacre Rituum Congregationi remissas, & ad perquam humillimas P. Fratris Petri a JESU*

Decretum  
Sacre Rituum  
Congregationi  
remissas.

Z z 2

Proch-

1694. *Procuratoris Generalis Ordinis Discalceatorum Sanctissimæ Trinitatis Redemptionis captivorum Instantias ab Eminentissimo & Reverendissimo D. Cardinali Judice relatas benignè eadem Sacra Congregatio posse concedi censuit, ut Officium Sanctorum Joannis de Matha & Felicis de Valois, dicti Ordinis SS. Trinitatis Fundatorum, habetens in toto ferè Orbe Catholico sub Ritu Duplici minori ad libitum ex pluribus concessionibus Apostolicis recitatum, in posterum singulis annis sub eodem Duplici minori in diebus eorum Festerum ab omnibus tam Secularibus, quam Regularibus utriusque sexus, qui ad Horas Canonicas tenentur, in Ecclesia Universali de Precepto recitetur; si Sanctissimo Domino Nostro placuerit. Diebus XXVII. Martii, & XV. Maii 1694.*

*Facta igitur deinde Sanctissimo Domino Nostro per me Secretarium relatione, Sanctitas Sua benignè annuit, die XL. ejusdem mensis Maii, 1694.*

A. Card. Cybo

Loco + Sigill.

B. Inghirami. Sac. Rit. Congr. Secret.

Gratia fin-  
gularis inter-  
ventu Cæsa-  
ris Ordini ob-  
tentia.

II. Erat hoc sanè pulcherrimum Beneficium, quô Sanctorum Patriarcharum Nostrorum in terris cultus, & accidentalis in cœlo gloria augebatur, sacróque Ordini nostro grande decus & ornamentum afferebatur, per quatuor sœcula, & quod excedit, aut neglectum, aut desideratum; demum ad instantes preces Augustissimi Nostri LEOPOLDI I. Cæsar, ac favore Sanctissimi INNOCENTII XII. Pontificis Maximi hòc anno tantò plausibilius impetratum, quanto difficilius similes gratiæ temporis processu a Sacra Sede Apostolica sperantur, aut evincuntur, præsertim circa ea, quæ universalem Ecclesiam concernunt; ideoque prolixius commendandum, quod sub ipso ferè ingressu Ordinis nostri in Austriam, & quasi in ipso limine propagationis nostræ decus hoc progerminaverit, quô velut prodromô aliorum favorum portendebantur gratiæ, quæ nobis ex Austriacorum Principum Benevolentia erant deinceps crebrius obventuræ, quemadmodum non sinè gratiæ mentis significatione, & tenera quadam animi voluptate sœpius a nobis memorabitur, studioseque in suis locis exponetur, quantum universim tota exalceata Familia nostra Augustissimorum Cæsarum patrociniis debeat.

Regula &  
Constitu-  
tiones Ordinis  
imprimitur.

III. Prætereà quia Sacrarum Legum observatio unicum est stabilimentum Ordinis; ne verò ex codicu[m] paucitate excusationem obtendere possit ignorantia, aut palliare desidiam, Ordinis Regulæ & Constitutiones Viennæ hòc eòdem anno formis typicis excusæ fuerunt, additis in calce Bullatis Litteris INNOCENTII Papæ XII. & Declarationib[us], quæs, ut supra retulimus, Ordini nostro in Provinciis transalpinis facultas conceditur, descendentes ab heterodoxis parentibus ad solemnem votorum

Pro-

Professionem admittendi. Hæc editio ut chartæ bonitate & typorum pulchritudine cæteris elegantior in lucem prodiverat ; sic expedita magis in Poloniam primò , ac etiam in Italiam & Hispanias se diffudit : Nostris autem vel maximè congruebat initii & primis fundamentis , quibus perquam solerter superstrueretur Ordinis & propagationis ejusdem firmitas , nam ut rectè monet Cicero : *Nihil tam aptum est ad Jus, conditionemque naturæ, quam lex, sine qua nec domus, nec civitas, nec gens, nec hominum genus, nec rerum natura omnis, nec ipse mundus stare potest.*

Cicero lib. 3.  
de Legibus.

IV. Pariformiter cum non satis popolorum devotioni , atque desiderio consultum esse videretur , Libellum pro Sodalium directione anno superiore Latino idiomate vulgâsse , nisi pro plurimum commodo in vernaculum sermonem verteretur : quamobrem , ut is ipse codex Legum , Privilegiorum , atque Indulgientiarum , quibûs Archi - Fraternitas Ordinis nostri Sanctissimæ TRINITATIS a plurimis Summis Pontificibus concessis gaudet , nunc etiam patriâ lingua legeretur ab universis , hōc eodem anno Viennensis cœnobii sumptibûs prodivit . Qui ut clarissimus niteret , Excellentissimorum Comitum Harrachiorum Nomen pro munimine , & Insignia Nobiliissimæ Gentis pro scuto tulit .

Libellus pro  
instructione  
confratrem  
Ordinis typis  
datur in idio-  
mate Germanico.

V. P. Maurus , quem in Hispaniam profectum fuisse paulò ante dixeramus , iter cum duobus sociis suis feliciter absolvit . Postquam autem Madritum pervenissent , duo illi juniores Religiosi studiorum causâ ad Solanense Collegium concederunt , ut Philosophicis disciplinis ingenium excoolerent ; P. Maurus vero in Aula Regia substitit , ut negotium , cuius gratiâ advenerat , suâ industria ad optatum finem perduceret . Accesit itaque imprimis D. MARIAM ANNAM de AUSTRIA Reginam Matrem Viduam , cui Litteras Dominæ Comitis Harrachiæ olim & nunc perseverantis clientulæ suæ submississima veneratione obtulit ; überisque fructus a nova hac Ordinis colonia productos , triplicesque in Turcia & Tartaria peractas Redemptiones prolixè exposuit . Hæc cum piissima Regina faventissimis auri- bûs exciperet , & alioquin propensissimô animo Ordinis nostri incrementis studeret ad futuram Ecclesiæ nostræ Viennensis fabricam regiæ liberalitati paria contribuit subsidia . Cujus munificentiâ celeriter Viennam prescriptâ , quum huic nonnullæ pas- sim a diversis submissæ eleemosynæ accederent , atque adeò domesticæ facultates succrescerent , protinus conducti sunt operarii , qui ante hyemem pro jaciendis novæ Ecclesiæ fundamen- tis humum eruerent , & designatum sequentis anni laborem , opusque hoc veluti progymnasmate anticiparent . Secunda igitur die Novembbris horâ post meridiem tertiat ligonibûs & bipalii humus erui cœpit ; convenientibus etiam , & ad laboris so- cietatem , Magistri sui permisso , alacriter ad voluntibûs Novitiis , fratribûs omnibus , & plerisque aliis cœnobitis , qui conductis operariis permixti ingenti fervore novi templi structuræ

P. Mauri in  
Hispania ne-  
gotiatio.

Impetrat a  
Serenissima  
Regina Vidua  
subsidia pro  
aedificanda  
Ecclesia Vien-  
nensi.

Pro funda-  
mentis hu-  
mus effodi-  
tur.

1694.

auspicatum dedere principium. Idem deinde labor continuatus fuit, quamdiu per mitiora tempora licuit.

Festum S. P.  
N. FELICIS  
prima vice per  
omnes Ecclesias de pre-  
cepto cele-  
bratur.

VI. Porrò cùm Anniversaria solemnitas S. P. N. FELICIS VALESII ad vigesimam Novembris propius instaret, omnibus Ecclesiis & Monasteriis tam intra, quām extra urbem constitutis mature intimatum fuit Sedis Apostolicæ Decretum, quō mandabatur, ut Festum hujus Sancti, sicut & primi Fundatoris nostri S. JOANNIS de MATHA deinceps *de Precepto*, ut ajunt, celebraretur. Quod sanè nostri peculiari affectu præstiterunt exterioribūs etiam publicæ lātitiae signis, artificiosis nimirūm ignibūs præcedente nocte succensis, aliisque hilaritatis demonstrationibūs editis. Demum IV. Nonas Decembris in S. Damasi Papæ & Confessoris die P. Maurus a Conceptione duobūs rursus sociis Sacerdotibūs auctus, quos in novam Ordinis messem secum ex Hispania adduxerat, salvus & in columis Viennam attigit, omnēsque Religiosos nostros Viennē impendiò exhilaravit. Peracta sunt postmodum CHRISTI Nascentis Festa magnō nostrorum solatiō, nec finē fausta spe futurorum successuum; atque inter hasce alternantis fortunæ vicissitudines præsentis anni quarti & nonagesimi periodum feliciter conclusimus.

P. Maurus  
cum duobus  
Sacerdotibus  
Viennam re-  
dux.

1695.

## **C A P U T VI.**

### *Obitus D. Georgii Szechenii Archi-Episcopi Stri- goniensis, Nostri Illaviensis cœnobii Fundatoris, & succincta ejus vitæ narratio.*

Postrema  
ægitudo &  
obitus Archi-  
Episcopi.

I. **S**uccedit annus post DEI Filium in carne de Virgine natum millesimus sexcentesimus nonagesimus quintus, rerum fœcundus, eventu varius & memorabilis. Mense Februariō ingravescens potius ætatis inclinatione, quām vi morbi ad extrema lento gradu processit mortalis vita D. Georgii Szechenii Archi-Episcopi Strigonensis, Fundatoris nostri cœnobii Illaviensis, donec tandem XII. Kalendas Martii inexorabili necessitatī succubuit, animā tam insignis Præsulis ad capessendum cœlestis gloriæ bravum evolante, ut ingentium meritorum suorum præmium a Divina manu (ut piè credimus) reciperet. Aptissima fese quidem hic nobis offerret occasio de singularibus tanti Viri virtutibus longam texendi panegyrim, sed quia labor iste magis volumen desiderat, nos eorum morem secuti, qui uno in circulo paucisque ductis lineis totum orbem terrarum describunt, de multis pauca duntaxat delibabimus.

Eius ortus &  
Natales.

II. Natus est hic Pater Patriæ, Munificentie Prodigium, Virtutis omnis compendium, Magnorum Præsulum Idea, & sæculi nostri Decus Gyöngyöslini, superioris Hungariæ oppidō non ignobili, Comitatus Hevesiensis, anno CHRISTI millesimō sexcentesimō sextō, annis ferè novem postquam Discalcea- ta Trinitaria nostra Familia sive institutionis a CLEMENTE VIII.

Sum.



D. GEORGUS SZECHENI Strigoni: Archi-  
Episcopus, Primas Regni Hungariae &c. Coenobii Illari-  
ensis Ord. Exc. SSS. Trinitatis Redemptionis Captivorum Mu-  
nific. Fundator. Pie in Domino obiit Posonii. a. 1695. die. 18. Febr.

Hic vultus venerandus erat Szechenius olim;  
Sed Mens, et Manus est pulchrior ante Deum.



Summo Pontifice approbationem consecuta fuisset, Venerabili P. Nostro Joanni a Conceptione Ordinis Restauratori septem circiter annis coetaneus. Parentes habuit, si fortunae bona specentur, parum divites, ut ea tunc tempora ferebant, assiduis Turcarum excursionibus & depopulationibus calamitosa. Juvenis, quantum conjicere licet, in patrio gymnasio (quod sub idem tempus per totam Hungariam ferè unicum celebrabatur) humanioribus Litteris operam dedit; illud extra controversiam eit, eum, cum ad sacram Clericalem militiam Superum instinctu aspiraret, Viennæ Pazmanniano Hungarorum Collegio primos inter alumnos vivente adhuc Fundatore, Cardinali Petro Pazmanno e Societate IESU Archi-Episcopo Strigonensi, adscriptum fuisse die XVI. mensis Februarii, anno millesimo sexcentesimo vigesimo quinto. Hoc autem Collegium ingressus est anno etatis suæ decimô nonô, idque post absolutam Rheticam, ut ipsam propriæ manus scripturâ testatum reliquit, quam vide in ejusdem Collegii Albo sive Matricula, ut ajunt; e qua etiam plura sequentia decerpfi: Eodem anno die nonâ Maji solitum juramentum (pro more Alumnorum) coram Patribus Henrico Lamormainio Viennenisis Collegii Rectore, & Christophoro Majero Collegii Pazmanniani Praefecto depositum. Philosophiae emensus curriculom Sacro-Sanctæ Theologiae incubuit. Annô ejusdem saeculi vigesimo nonô XIV. mensis Aprilis Subdiaconatus, & IX. Julii Diaconatus Ordines suscepit. Annô verò sequenti XX. Decembris Presbyter ordinatus est. Tandem anno saeculi hujus primô & trigesimo die XXIV. Augusti ad Petrum Pazmannum Cardinalem Archi-Episcopum missus Domestici Sacellani munus apud eum obivit. Dicuntur extare litteræ, quibus a P. Joanne Hmyrrha Pazmanniani Collegii Praefecto Eminentissimo Cardinali Pazmanno his ferè verbis commendatus fuit: Georgium Szechenium in Collegio doctrinâ & virtutibus ita profecisse, ut dignus censeatur, qui aliquando in Archi-Episcopatu ipse Cardinali succedat. Quod etiam reapse evenit, ut paùlo post sumus visuri.

III. Elapsis deinde in minoribus Ecclesiasticis muneribus aliquot annis Ecclesiæ Vag-Uiheliensis Praepositus renunciatus, ejusdem loci Parochiam fervente studio & flagrante animarum zelô laudabiliter administravit, meritus, ut anno CHRISTI millesimo sexcentesimo quadragesimo quartō Quinque-Ecclesiensi Mitrà ornaretur; sub idem tempus Cæsarei Exercitus in Hungaria constitutus est in spiritualibus Vicarius Generalis. Labente novenniō, anno videlicet ejusdem saeculi tertio & quinquagesimo, ad Vesprimiensis Ecclesiæ Cathedram electus, decennium in ea exegit; anno verò sequenti, tertio & sexagesimo, Jaurinensis Antistes creatus est. Fama deinde virtutum ejus quotidie magis increbescente anno septuagesimo octavō ad Archi - Episcopatum Coloczensem sublimatur. Verum hæc nondum erat ultima meta ejus meritis præstituta; supremis siquidem virtutibus suprema Regni Tiara debebatur, unde & anno millesimo sexcentesimo

Studia in pa-  
tria.

& Vienna.

Matricula  
Collegii Paz-  
manniani  
pag. 9. &c.

Ordines sacri.

Sacellani  
Arch-Epi-  
scop: agit.  
Vaticinium  
de illo.

Praepositus  
Vag-Uiheliens-  
sis.

Quinque-Ec-  
clesiensi Epi-  
scopus & Vi-  
carius Gene-  
ralis Exerci-  
tus.

Vesprimien-  
sis & Jauri-  
nensis Epi-  
scopus.

Coloczen-  
sis Archi-Epi-  
scopus.

1695. *Arch-Epi-  
Scopus Strigo-  
niensis.*  
*Eius elogia.*  
octogesimô quintô XXI. die mensis Maji plures inter competitores a LEOPOLDO I. Imperatore Rege Apostolico Archi-Episcopus Strigoniensis, Loci ac Comitatûs ejusdem Supremus & Perpetuus Comes, Primas Regni Hungariæ, Legatus Natus, Summus Secretarius & Cancellarius ejusdem Regni renunciatus fuit. Felix Clerus & Populus, qui tantum meruere Præsulem & animarum Pastorem! Omnibus ipse honoribüs superior ea gessit, fecitque, quæ omnem humanam eloquentiam superant; non solum Dispensator fidelis, verùm etiam ad auctoramentum gloriæ Restaurator industrius, Disciplinæ Ecclesiasticæ Vindex, sanctæque nostræ Fidei Propugnator, hæresum Osor, veræ Religionis, intaminataeque Doctrinæ Cultor, nec non Virtutum omnium Implantator. In eo certè Ambrosium quandam, aut Chrysostomum, vel alium veterum Sanctorum Patrum aliquem revixisse arbitrarere parem spiritu, & temporum eorum calamitatibus etiam superiorem.

*Eius virtutes.*  
*Castimonia.*  
*Frugalitas &  
Parsimonia.*  
IV. Qui eum Archi-Mystam ad aras, aut domi, forisque Pastorem intuiti sunt, se antiquæ pietatis exemplar vidisse etiamnum fatentur. Ubiunque demum agebat, individui eidem adhæsere comites vitæ Puritas, & Sanctimonia, Justitia, Charitas, Misericordia, Pietasque; item in discernendis rebus Sapientia, in perficiendis Dexteritas, Fides erga Principem, Amor in subditos, Commiseratio erga afflictos, Liberalitas adversus inopes, Divini Numinis cultus, & in pristinum statum rediendæ Religionis studium. Castimoniam, quæ virtus nobile ac singulare Sacrorum Præsulum Decus est, per omnem vitam ita semper excoluit, ut cum altero sexu nullò unquam familiaritatis nævō, aut minima suspicione laboraverit; quinimò eodem candore, qua veritate de se aliquando dicentem audivere: *Mamus bac nunquam tetigit fæminam.* Memorabile profectò castissimi Præsulis de se ipso testimonium, aureis litteris in cedrina tabula scribendum. Hinc siebat, ut tenerimè erga illos afficeretur, quos e Clero noverat esse sui similes, quosque pudor & verecundia ab illa tetra venereæ contagionis scabie fecerat remotissimos; hos ille impensiùs colebat, cum illis familiariùs conversabatur, his nobiliora Sacerdotia conferebat, eosque pro viribus suis provehere & exaltare studebat.

V. Castimoniam vitæ blandò consortiò comitabatur frugalitas, quæ tam in victu, quam vestitu, cæteroque Præsulis famulatio insigniter relucebat; juratissimus siquidem osor erat luxus, a quo internecinò odiò dissidebat, dicere solitus: auream mediocritatem & parsimoniam omni pompe, mundanoque fastu esse preferendam. Lautiora convivia subinde quidem in gratiam Magnorum Hospitum adornabat, sibi verò ipsi bellaria nulla, aut cupedias indulgebat, sed levi oleris obsoniò famem sedebat. Cibus illius ita erat comparatus, ut vires reficeret, corpus non gravaret, inde ei vitæ longævitatis obtigit, & mens ad altiora quævis Ecclesiæ, ac Reipublicæ negotia, tum aggredienda, tum confienda expedita. In corporis cultu ut luxum vita-

vitabat, ita aversabatur fordes; illum duntaxat corporis ornatum probans, qui non dedeceret Virum Ecclesiasticum, & Summi DEI in terris Ministrum. Famulos nutriebat non multos, sed bonos, longo usu cognitos, & exploratae fidelitatis, ratus ostentationem esse noxiæ prodigalitati affinem, & mundanum, nescio quid, nimiùm sapere, nec convenire perfectiori Præsum statui, quem ad CHRISTI normam & Ecclesiæ Canones exactissimè, Forma gregis factus, exprimere satagebat. Non defuere, qui eidem persuadere nitebantur, ut pro splendore ditioris Mitræ, lautioris quoque vitæ genus sectaretur: verum ille caute quavis Marpesia firmior nullis unquam adduci potuit rationibüs, ut ab indictæ sibi justæ moderationis lege vel unguem deflecteret, veritus, ne minus in alios beneficus foret, si rigidus sibi esse desineret.

1695.

VI. Procul tamen ab ejus parsimonia abfuerunt fordes omnes servilis avaritiæ; non enim aurô replere studuit loculos, quos anxius custodiret, sed quos avidius dispensaret in Patriæ ac Reipublicæ commodum, pristinæque felicitatis restorationem tot bellis & sectis labefactatæ. De ipso optimo proinde jure elo- gium illud prædicari poterat, quod Marcus Tullius, qui in arce stetit Romanæ eloquentiæ, de Rabirio Posthumo protulit, quando dixit: *In studio rei amplificandæ non avaritiæ prædam, sed instrumentum bonitati quæsivit.* Huic nimirūm fini ancillabantur amplissimi proventus & œconomicæ industriæ, ut benefaceret, aliósque ditaret, non verò ipse ditesceret. Majori solicitudine quæsivit, qualiter expenderet, quam acquireret opes: sementes spargebat aureas, ut Regno succresceret aurea prosperitas; in commune bonum sic fuit intentus, ut sui etiam immemor esset. Hoc testantur tot opera publica ejus munificentia aut excitata, aut restituta: & ut ea singillatim recenseam a Sacris ordiri libet: Monasteria diversorum Ordinum condidit septem, octo autem alia utriusque sexus restauravit, & proventibus auxit. Insuper Societati JESU, quam in salutem animarum natam esse probè noverat, Budæ in ipsa Regni Metropoli, prætereà Strigonii, Jaurini, Ginsii, & Quinque-Ecclesiis nova exstruxit Collegia, largissimis redditibus ditata. Agriensem domum in Collegium evexit. Ad juventutis institutionem, unde salus Reipublicæ plurimū dependet, fundavit Budæ scientiarum Universitatem, cui adjunxit duo Seminaria, contubernales nempe domos, alteram pro Clericis, alteram pro studiosis sacerdibus. His accessere alia ad eundem finem ædificia Jaurini, Leutschoviæ & Trenchinii ipsius sumptibus excitata, & dotata. Tempa plura restauravit, sacrâque supellectili ornavit. Hospitalis domos pro vulneratis militibus Pesthini, ubi nunc amplissima invalidorum Domus surrexit; & Posonii condidit, quæ postrema cessit Ordini militari Crucigerorum cum rubea stella, easque amplissimis proventibus dotavit. Cantoribus, Ecclesiarumque Ministris auxit stipendia, aliasque quam plurimas memorias in diversis Templis fundavit; quæ omnia peculiariter in folio descripta ad

*Ejus liberalitatis opera.**Cicero Orat.  
pro Rabirio  
Postb.*

1695. manus habeo ; minutim autem recensere longum nimis & operosum foret. Satis sit pro ejus munificentia declaranda dixisse , ipsum vicies & quinques centena millia florenorum Rhenensium in hujusmodi opera pia & publica expendisse. Quanta verò ex tam profusa liberalitate in Christianam Rempublicam utilitas emanaverit, facile subducto calculo intelligere poterit, qui singula ad rationis bilancem appendere voluerit. Quarè cum ea Purpuratis Romæ Patribus innotuissent, res adeò insolita universos in admirationem rapuit , ut unanimi voce Szechenium Strigoniensem Archi-Episcopum *Munifcentiae Prodigium* prædicaverint : de quo illud salva veritate dici potuisset, quod olim affen-tatoriō calamō Poëta Claudianus de alio scripsit :

*Claudianus de  
Probinī & Oly-  
brii fratrum  
Consulatu. v.  
43.*

*Hic non divitias nigrantibus abdidit umbris,  
Nec tenebris damnavit opes : sed largior imbre  
Sueverat innumeras hominum ditare catervas.*

*Fundator no-  
stri Illavien-  
sis monasterii.*

*Jacobonus in  
Hymno de  
mundi vani-  
tate,*

*Precibū Pa-  
trum ejus vi-  
ta protogatur.*

VII. Porrò nefas crederem, & inexcusabilis piaculi loco ducebrem, si ignavò silentiō hic præterirem, quod huic narrationi occasio-nem dedit, Monasterium videlicet Illaviense Sacro nostro Ordini ab eodem Archi-Episcopo supremis jam vitæ annis munifcentissimè fundatum : altius namque, canā experientiā edoctus, in animum demiserat Prudentissimus Archi-Præfus ærumnas & calamities innumeratas, corporis & animæ pericula , cum quibus miseri captivi sub Turcico servitutis jugo gementes conflictantur. Quamobrem ut nullum hominum genus ejus Beneficentiam effugeret , & ut nulla esset inopia , aut necessitas , cui ipse opportunè non succurreret , & provideret secundùm familiare suum dictum , quod à piissimo illo Fratre Jacobono mutuaverat , & ei penè in proverbium abiverat : *Fac bonum omnibus , quamdiu po-  
teris*, hinc Religiosos nostros , qui redimendorum captivorum profitentur Institutum , cùm eos suo munere laudabiliter fungi didicisset , benevolentissimè complexus est , nihilque non egit , quamvis depontana jam senectute gravaretur , ut eos amplissima Fundatione in Apostolico Hungariæ Regno stabiliret. Sed quia timebat , ne præpropera mors optimo huic proposito intercederet , & senilis corporis vires ante opus consummatum penitus fatiscerent , nostros Patres idipsum metuentes etiam atque etiam rogavit , vellent suis precibūs ab Omnipotente DEO vita prorogationem in paucos menses sibi impetrare. Enim verò Patrum orationes , & præcipue captivorum gemitus , quorum id maximè intererat , pondus habuisse , vel indè claruit , quod Di-vina Majestas tam utilem , omnib[us]que proficuam vitam hujus servi sui per annum , & quod excedit , conservaverit , donec hoc propositi sui negotium transegisset. Arbitror autem Cle-mentissimum Numen Archi-Episcopi liberalitatem hâc gratiâ etiam in hoc mundo remunerari voluisse , priusquam ei æternam in cœlo pro tot rebus præclarè gestis mercedem rependeret. Interim nulla obliterabit vetustas , nulla delebit oblivio , & intimis

fem-

1695.

semper infixa medullis hærebunt illa memorabilia verba, quæ literis Illaviensis Fundationis superiùs allatis inferuit, in quibus ingenuè fatetur, se non sinè lacrymis sæpiùs considerasse, quām luctuosa (ut ipsiusmet verbis utar) & acerba sit misericordia captivorum conditio, qui in diram funestamque immanissimorum Christiani Nominis hostium captiuitatem labuntur. Subjecto deinde longo misericordiarum catalogo adjectit verba omnibus Christianis Principibus consideranda, quod nimis: Eorum captivorum plurimi inter tetros carcerum squalores fame pereant, & a vermis miserabiliter consumantur, vel verò in desperationem acti gentiles fieri cogantur. Nec mirari potest (animadvertisit ipse) quod milites tam pauci ad bellum conscribantur, siquidem acerbō misericordia captivorum exempla, dubia sortis alea præexistente, deterrentur. Quarē, ut toti Christianæ Reipublicæ opportunè consulatur, & illi pridem desideratam accipient consolationem, Reverendos, inquit, Patres & Fratres Ordinis Sanctissimæ TRINITATIS de Redemptione captivorum in Apostolicum Hungariae Regnum benigne & singulariter suadente id ipsum Sacratissima Majestate, induxit, eoque in Bonis Illavienibus paternè instituit & fundavit. Nec dubium est, si prius hoc saluberrimum institutum ad ejus notitiam pervenisset, aut ipse aliquot annos in hac mortali vita superstes mansisset, illum plura nobis in Regno Hungariae cœnobia fundatum, Ordinemque Iatiū propagaturum fuisse, ut afflictis Christianis captivis copiosiora pararet redemptionis subsidia, e quibus ad corporis animaque salutem tot Reipublicæ commoda scaturire noverat.

VIII. Satagebat demum Præstantissimus Archi-Præsul, quod non minus frequenter in ore habebat, quām opere demonstrabat, ut nimis provideret bona coram DEO & hominibus. Idque liberè, candidè & confidenter. Ratus suarum esse partium invigilare Religionis, Regis & Regni commodis. His ille studiis curas omnes suas, consilia, auxiliaque dicavit: de universis optimè meritus, sive Sacrorum Præses, sive Reipublicæ Administer, sive Populorum Rector, in quolibet horum undequaque Magnus; quidquid enim dixit, fecitque, Magnum erat & Principe dignum. Hunc LEOPOLDUS I. Cæsar ob gestorum Magnitudinem omni Jure Magnus Imperator, accuratiusque Virorum ac Virtutum Arbitrus, & Censor, honoris gratia PATREM compellavit, sequi que FILIUM dixit, quō amoris & fidei monumento, nescio, si quid illustriū excogitari queat. Rarò aut nunquam solet esse in cæteris sinè invidia virtus; hæc tamen in eo rara felicitate ita eminuit, ut nec hiscere, nec mutire contra eam auderet quisquam adversariorum, quantumvis ille potens esset, & viribus tumidus. Lucem Soli noctuae non minus invident, quām fugiunt. Scilicet Justitia & inculpata vitæ integritas contra quoslibet novercantis fortunæ insultus triumphant. Ipse porrò juratissimus vitiorum hostis inimicos Fidei & Crucis CHRISTI Auctoritate sua & Nominis dignitate ita percellebat, ut eos arenâ

Verba me-  
morabiliaBonī publici  
studiosissimus  
Princeps.Imperator se  
ipsius Filium  
dixit; ipsum  
Patrem com-  
pellavit.Fidei hostes  
persequitur.

1695. *decedere, & palmam relinquere coegerit.* Hos ille insectari nunquam desit, eosque nullibi locorum consistere passus est, sed vires omnes ingenii sui eò contulit, ut latebras illorum de- tegeret, robur elideret, restitantes Regno exterminaret, ac profligaret, contempto etiam quovis propriæ vitæ discriminè; nihil enim publicæ tranquillitati æquè infestum asserebat, ac hæresim. Decantatam conscientiæ libertatem nihil aliud esse, quam effrenatam licentiam vitæ, morum corruptelam, ex qua innu- mera scaturirent dissidia, animorum aversiones, similitates & civium seditiones, tantorum hucusque in Hungaria malorum causæ ac iliades.

*Ejus facta  
dicitaque asti-  
mantur.*

*Regem coro-  
navit.*

*In extremo  
morbō codi-  
cillum testa-  
mento addit,  
& subscribit.*

*Ausonius in  
Diogenis su-  
mulum.*

**IX. MORIBUS ANTIQUIS** (ut *RES EST ROMANA*) inhærens, quidquid vel publicè, vel privatim dicebat, ratio- num pondere, & verborum efficaciâ stabilivit, cordibusque au- dientium impressit adeò, ut effata ejus Oraculi locò haberentur: nihil tamen ex abrupto, sed benè priùs apud semet- ipsum æqua lance trutinatum dixit, fecitque; hinc eadem di- cendi, agendique libertas, quo candore imbutum erat peccatus; in omnibus Regina Prudentia sensum moderante. Id quidem in pluribus occasionibus eluxit, præcipue tamen in forte felicis- sima, quæ ipsi suo tempore obtigit, coronandi Serenissimum JO- SEPHUM Regem Apostolicum hujus Nominis Primum. Hæc felicitas sicut non omnibus Archi-Præfulibus in manus venit, ita singularis fuit nostri Szechenii honor & gloriæ auctoramen- tum; ille siquidem die IX. mensis Decembris anno Domini 1687. adstantibūs duodecim Episcopis, quatuordecim Abbatibūs & Præ- latibūs, ac reliquo ornatissimō Clerō, præsentibūs quoque cunctis Regni Statibūs & Ordinibūs Novi Regis verticem inter Missarum Solemnia Posonii Sacro Diademate redimivit, coronationisque cæremoniis perfunditus pro recepto more ad nobilissimum suum Auditorium luculentam habuit orationem, quæ hactenus extat apud Lunig *Parte 3. Orat. 206. pag. 30.*

**X. Octenniō ab hac Coronationis solemnitate elapsō mor- talis vitæ cursum absolvit Magnus Archi-Episcopus ad cœlestē tendens bravium, & ætate confectus, propè nonagenarius, im- mortalitati natus est, sedatō pridem sensuum tumultu, abiit- que ad meliorem, ut piè credimus, vitam ingentibūs meritis cumulatus. Illustrius in suo occasu resplenduit; si tamen ille occumbere dici potest, qui oritur æternitati. Supremus lan- guor in labascente sensim corpore nec fuit gravis, nec diutur- nus, ut solet iis ex Ausonii mente evenire, qui *abeunt, non obeunt*, & migrantes transferuntur in Patriam. Urgente autem morbō supremō simul & fatigente senili corpore curas suas omnes eò convertit, ut inchoatum de sublevanda Christianorum capti- vorum calamitate negotium inconcussis basibūs stabiliret: unde, ut ultimæ voluntati suæ firmius robur adjiceret, languente licet dextera, vires tamen suppeditante charitate pro Testamenti cor- ronde hæc verba exaravit: *Illavienſia bona lego Patribus Sanctissima Trinitatis de redimendis captiuis.***

XI. Ex-

XI. Exactis demum conscientiae rationibus fere totum in  
Divinam voluntatem resignans Sacrum accepit Viaticum,  
in supremam quoque luctam sacrô unctus oleo Posonii die  
XVIII. Februarii anno saeculi hujus nonagesimo quinto de-  
cessit in pace, ingenti apud omnes desiderio sui relicto. Ju-  
stis persolutis in Collegiata Sancti Martini Episcopi civita-  
tis ejusdem Ecclesia Patribus appositus universalem expe-  
ctat resurrectionem. Elapsis deinde paucis diebus solemini  
exequiarum apparatu iterum tanto Archi - Praesuli parentatum  
fuit. Igitur ad hanc funebrem pompam quatuor ex nostris co-  
nobii Viennensis Religiosis Posonium concederunt, gratum ani-  
mum totius Ordinis nomine piissimo Fundatori testaturi, sua-  
rumque precum subsidiô ac Sacrificiis ejus animae opitulaturi.  
Nos ultra Imaginem tanti Viri moderno-antiqua methodo, sty-  
loque lapidario in perpetuam gratitudinis memoriam exaramus  
sequens Epitaphium.

1695.  
SS. Sacramen-  
tis munitus  
obit.

D. M. G.

NATUS IN PUBLICUM BONUM

REDIVIVÆ PANNONIAE STATOR,

PATER PATRIÆ,

INCONTAMINATA VITÆ ARCHI-PRÆSUL

D. GEORGIIUS SZECHENIUS

MORUM INNOCENTIA, PRISCO CANDOR

GREGIS COMMISSI CURA

NEMINI SECUNDUS.

FUIT.

SOBRIUS. JUSTUS. SANCTUS. CONTINENS.

PER VIRTUTES PRINCIPE DIGNAS

AD SUPREMAM REGNI TIARAM

GRADUM SIBI STRAVIT.

SUCCESSIVE

V. ECCLESIEN. VESPRIMIEN. JAURINEN. EPISCOPUS.

ARCHI-EPISCOPUS COLOCZEN. ET STRIGONIEN.

ANNIS LI.

ECCLESTARUM PASTOR ET RECTOR,

VILLICUS UTILIS,

CUJUS MEMORIA IN BENEDICTIONE CLUET.

QUIA

REGEM SACRO DIADEMATE REGNO COPULAVIT,

HUNGARIÆ SPLENDOREM RESUSCITAVIT,

TEMPLA, MONASTERIA, NOSOCOMIA, COLLEGIA PLURA

EXCITAVIT, RESTAURAVIT, ORNAVIT.

URBES MOENIBUS CINXIT,

BUDÆ UNIVERSITATEM FUNDAVIT,

MARTIS ET PALLADIS ARTES

SUBLIMAVIT.

QUEM ROMA MUNIFICENTIE PRODIGIUM MIRATA

LEOPOLDUS I. ROM. IMP. PATREM COMPELLAVIT,

SE FILIUM ADDIXIT.

1695.

VIRO INCOMPARABILI  
OB PIO SUMPTU ILLAVIÆ INSTITUTUM COENOBIUM.  
AD REDIMENDOS CAPTIVOS.

XII. KAL. MARTIAS AERA **X** M. DC. XCV.

POSONII CORPORIS VINCULIS EXSOLUTO  
AD ÆTERNA MERITORUM IN COELIS PRÆMIA  
EMIGRANTI  
IN POSTERORUM MEMORIAM  
MONUMENTUM HOC ÆTERNITATI  
SACRUM  
FUNDATORI SUO BENE MERITO  
PERENNES POSUERE CLIENTULI  
FF. ORD. SSS. TRINITATIS  
REDEMPTIONIS CAPTIVORUM.

Insignia Ar-  
chi-Episcopi.

*Moral. lib. 4.  
ad. 2.*

Et ne quis jure nos insimulare valeat, tanquam aliquid ad præsentem materiam pertinens a nobis prætermissum fuisset, etiam Gentilitiæ hujus Archi-Episcopi columba in cœruleo campo oleaginum sertum ore gerenti, & de trium verticum monte in cœlum subvolitanti breve subscribimus Hexastichon; nam dignum laude *Virum Musa vetat mori*. Nos itaque pedum involucrō compeditos Christianos & simul Trinitarium Redemptio- nis Ordinem Munificentissimo Mæcenati uberiū his versibūs de- vincimus.

Hoc olea sertò SZECHENT candida gesta  
Cœlum subvolitans Alba Columba docet;  
Captivis reducem dum nunciat illa salutem,  
Mox surgit TRIADOS Fratribus Alma Domus.  
Eruta de mortis tenebris jam libera Turba.  
Corde Columbino Lauroea ferta capit.

Aliud ejus Imagini in Aula Communitatis Viennæ subscripte- ram.

Szechenii 1.  
or 2. syllaba  
conveniens ex  
terris posita.

Præfule SZECHENIO non est præstantior ullus,  
Munificus Populo munificusque DEO.  
Hic Pater est Patriæ, cuius venerabile Nomen  
Vulgatum terris & super astra sonat.  
Aureus Antistes plusquam celebrabitur aurum,  
De quo Christicolis aurea dona fluunt.  
Illaviam TRIADOS Patribus Largissimus ornat;  
Hinc captivorum vincula solvit adhuc.

CA-

1695.

## C A P U T VII.

*Illaviensis nostri cœnobii Fundatio in effectum  
deducitur.*

I. **O**pus præclarè institutum , ut quām maturimè sortiretur effectum , & piè defunctus Fundator suprema voluntate decrevit , & præsentissima Ordinis necessitas postulavit ; omnis enim mora in talibus negotiis suò non vacat periculō ; cùm infensissimus omnis boni osor diabolus nunquam non similia pietatis opera ( si possit ) disturbare satagat , nisi versipelli astutiæ ejus tempestivè occurratur. Scilicet noctis semper differre paratis , & ut Togatissimus Cato cecinit : *Fronte capillata est , a tergo occasio calva.* Ne itaque elapsam nobis tam bellam occasionem frustra aliquando deploraremus , Testamenti tabulas & Foundationis Diploma paulò post obitum suprà laudati Archi-Præfulis ad Augustissimum LEOPOLDUM I. Romanorum Imperatorem & Hungaricæ Regem detulimus , enixissimis precibüs flagitantes , ut Sua Majestas supremam Optimi Fundatoris nostri voluntatem ratam habere , eāmque Regia sua Auctoritate confirmare dignaretur. Gavisus est Clementissimus Imperator suam Epistolam ( quam superiùs adduximus ) apud Archi-Episcopum pondus habuisse , novāmque sibi de Ordine nostro benē merendi occasionem oblatam gratulatus , jussit quamprimum Regias Litteras expediri , eisque supradictas Foundationis Tabulas inseri , quas ratas , gratásque declaravit , & benignissimè approbavit , suóque Decretō confirmavit ; id est , Ordinis Introductioni , contentæque Institutioni & Foundationi Regium præbuit Assensum , ut latius patet in Cæsareo diplomate dato Viennæ Austriæ die XXII. Martii , Annō , in quem præsentia commentamur , quintō & nonagesimō currentis sæculi.

Urgetur ex-  
ecutio Illa-  
viensis Funda-  
tionis.Cato in diffi-  
cillis morali-  
bus.

II. Quoniam verò præfata Illaviensia Bona Jure Hæreditatio pertinebant ad Excellentissimum D. Sigisfridum Christophorum Comitem Breünerum & Successores ejus , proinde Ordini nostro inscriptio duntaxat jure tradi poterant , sicut per modum Hypothecæ oppignorata fuerant ad decennium ; nunc verò nobis ad sequens residuum octennium concessa sunt , vel donec credita nomina a prædicto Comite dissoluta fuissent . At quia rurallium prædiorum œconomia viris Religiosis , & præsertim novis in Regno hospitibus minimè congruere videbatur , tanquā res plurimis mentis evagationibus obnoxia ; hujuscemodi enim curis animus a cœlestium rerum contemplatione avocatur , ut jam nihil loquar de aliis non paucis incommodis , quibus in regione nobis peregrina expositi eramus , rerum & regionis experientiâ etiamnum destituti , ideo adnitentibus potissimum Comitibus Breünerianis , & ad repetendam possessionem Bonorum anhelantibus , cùm illi nobis præter constitutum censem , etiam

Reservatō  
annuō censu.  
Patres se bo-  
nis abdicant.

1695. situm pro ædificando templo & cœnobio , aliisque plura emolumenta pollicerentur , seseque Compatronos hujus cœnobii efficere vellent , facile Patribus persuasum fuit , ut se Bonorum Dominio abdicarent certis anni censūs proventibūs contenti . Transactum est igitur inter utramque partem certis quibusdam conditionibūs , temporum tamen injuriis postmodūm non mediocriter convulsis , & Illaviense Dominium cum Jure Possessio- nis transcriptum est Breünerianis Comitibus , eorumque Successoribus per Litteras subscriptas die VI. mensis Aprilis ejusdem anni nonagesimi quinti .

Acceptata Bonorum possessio & sub pacatis conditionibus rursus abdicata.

III. Porro recti ordinis & solidæ transactionis ratio postula- bat , ut pro majore firmitate hujus mutuae conventionis prius a nostris Patribus piæ Legationis titulō Bonorum Possessio publi- cis & consuetis solemnitatibūs iniretur , ac deinde parili ritu eo- rundem Dominium abdicaretur , hinc P. Josephus ab Angelis Commissarius Generalis P. Josephum a Sanctissimo Sacramento , & alterum P. Josephum a JESU Maria eo tempore in nostra Conventu Viennensi tyronum Magistrum , utrumque natione Hispanum & Fr. Jacobum ab Angelis vitam activam professum , patria verò Austriacum Viennensem , cum requisitis facultatibus Tyrnaviam ablegavit , eisque in mandatis dedit , ut porrecto supplici Libellō pro Regni more a Venerabili Metropolitano Stri- goniensi Canonicorum Capitulo peterent Ordinem nostrum ad possessionem Bonorum Illavensium introduci , & facultatem evin- cerent eadem sub certis conditionibus mox rursus abdicandi . P. Commissarius Generalis , ad quem Ordinis nomine pertinebat , propria in persona his actibus adesse , dum supradicti Religiosi Tyrnaviae hoc negotium urgent , ut XVIII. die ejusdem mensis Aprilis alteri non minus nobili functioni , videlicet Primi Lapidis pro fundamentis novae Viennensis nostræ Ecclesiæ Colloca- tioni ( de qua sequenti capite nobis erit sermo ) assisteret , re- quisita interim disposuit . Tyrnaviae autem productis legitimis documentis & comprobatis omnibus Patres ad nutum impetra- verunt universa . Ablegatus fuit continuo è canonicorum Stri- goniensium gremio Illustrissimus & Reverendissimus electus Epi- scopus Almisiensis , Praepositus S. Thomæ de Monte Strigonien- si , D. Ladislaus Biber , ejusdem Metropolitanæ Ecclesiæ Cano- nicus & Curio civitatis Tyrnaviensis , ut nomine Strigonensis Capituli introductioni , traditioni , & abdicationi Bonorum Illa- viensium pro more assisteret , qui etiam XXI. ejusdem Aprilis cum supra nominatis Patribus Illaviam pervenit . Sequenti die P. Jo- sephus ab Angelis Commissarius Generalis cum P. Emmanuele à S. Maria properato itinere Illaviam attigit . Aderat ibidem quo- que Excellentissimi D. Sigisfridi Christophori Comitis Breüneri Ablegatus procuratorio nomine . Promulgatâ itaque eorum ad- ventus causâ , facta fuit ab Illustrissimo & Reverendissimo Epi- scopo Nobilium Virorum convocatio , ut si quispiam Introduc- tioni præsenti Patrum jure quid opponere posset , potestatem haberet reclamandi , suamque protestationem intra præfixum tem-

1695.

temporis terminum palam faciendi : nemine vero contradicente itum est ad propositi negotii executionem , & praemissis de more cæmoniis die XXIII. dicti mensis publico presente Notario Patres pacificam Illaviensium Bonorum Possessionem acceptaverunt, & eodem die sub certis pactis & conditionibus eadem Bonna Excellentissimo D. Comiti Breünero resignaverunt , iisdem ferè ritibus , quibus eorum Dominium paulo ante susceperant. Sumpta postmodum meridiana refectione concio dimissa fuit. Demum in pectorum vicem & initium per Ablegatum D. Comitis Compatroni in novam Fundationem Religiosi nostri solemniter introducti sunt , accedente quoque Illustrissimi & Reverendissimi D. Blasii Episcopi Nitriensis Diœcesani & Ordinarii Facultate. Assignatus est locus Religiosorum habitationi in palatio exterioris arcis versus Vagum fluvium ; arx enim interior propter ruinas & parietina vitia nemini tutam stationem promisit. Religiosis nostris ibi degentibus sub Præsidis nomine praefectus fuit P. Josephus a Sanctissimo Sacramento , Vir laudissimis moribus conspicuus , & vitae Sanctimoniam commendatus. Quibus ritè peractis Pater Commisarius Generalis, relicto ibi P. Emmanuele a S. Maria , cum P. Josepho a JESU Maria tyronum Magistro Viennam remeavit, quò III. mensis Maji feliciter pervenit , reliqua Ordinis negotia ibidem curaturus.

*Primus Prae-  
fes cœnobii  
Illavensis.*

## C A P U T VIII.

### *Primus lapis in fundamentum pro Ecclesia nostra Viennensi solemnni ritu ponitur.*

I. **P**Ostquam hyems deserviisset , & amœni Veris propinquitas mitiorem aërem reddidisset , resumptus est fodendorum fundamentorum pro nova Ecclesia nostra Viennensi labor , & continuatum fuit opus, donec fossores octodecim pedes geometricos profunditatis affecuti fuissent , viamque ad ima per æquabilem declivitatem excavatam & satis latam aperuissent, quæ ut descendentes commodius admitteret , tabulis infernè constra ta , atque ex utroque latere benè fulta & coagmentata fuit , ne quid telluris in scrobem rueret. Calcis , arenæ , lapidumque apparatus aderat non modicus ; quibus omnibus ritè dispositis , Cæsareæ Majestati humillimis precibus supplicavimus , vellet ad hoc DEO gratum , & nobis pro immortalí beneficio futurum officium sese demittere , ac primum pro prima in Austriacis Hæreditariis Regionibus Ordinis nostri Ecclesia Lapidem ponere. Has preces Cæsar consueta Benignitate exceptit , & peragendæ adeò memorabili celebritati XVII. Aprilis diem præfixit , quæ eō annō incidit in feriam II. secundæ post Pascha hebdomadis. Hæc illuxit solito serenor , totaque cœli facies ad publicam hilaritatem tam aptè se composit , ut candidis nutibüs instanti solemnitatì suffragari videretur.

*Fundamenti  
pro nostra Ec-  
clesia Vien-  
nensi fossa.*

*Invitatur Cæ-  
sar ad I. po-  
nendum lapi-  
dem.*

1695.  
Dispositio ad  
ponendum  
lapidem.

II. Eodem die manè juxta latè hiantis fundamenti fossam Crux magna erecta fuit; ipsa verò fossæ latera, per quæ patebat descensus, pretiosa ambiebant peripetas mata. Propè ingressum ad ipsam fossam mensa in modum aræ consistebat candidis coperta linteis, in qua Crucifixi Salvatoris nostri effigies duos inter ardentes cereos prostabat. Ad ejusdem Crucis pedem Lapis albus marmoreus in quadratam formam redactus jacebat, in cuius medio concavitas orbicularis magnum nummum aureum decem aureorum Hungaricorum pondere continebat Cæsaris liberalitate donatum. Nummus parte una Imperiale bicipitem Aquilam præferebat, ex altera sequentem inscriptionem ostentabat:

**LEOPOLDUS I. ROMAN. IMP. SEMPER AUG.**

*CEU*

**ALTER JACOB PRIMUM LAPIDEM HUIC TEM-  
PLO COLLOCAVIT IN TITULUM.**

**DIE XVIII. APRIL. M. DC. XCV.**

Porrò foramen illud, quod aureum hunc nummum suo sinu excepérat, plumbeā claudebatur lamellā, cui sequentia verba in sculpta visabantur:

LEOPOLDUS Primus Augustus me locavit:  
Romanam Sedem justè moderante  
Duodecimō INNOCENTIO, atque sacravit  
Pietate ipsius fidem comitante:  
JOSEPHO Primō, quem Cæsar generavit,  
Romanas faustè habenas jam captante.  
TRIADOS Redemptionis Excalceatis  
Per Joannem Sancti Antonii moderatis.

*Die 18. Aprilis 1695.*

In eadem mensa sive ara partem unam occupabat Ecclesiastico rum Rituum volumen, alteram situla lustralis undæ cum asper gillo ex viridis hyssopi herba.

Loci & pri-  
mi lapidis be-  
nedictio.

III. Præstitutâ horâ adfuit Celsissimus Princeps Ernestus Episcopus Viennensis sacras cæremonias peracturus. Hic itaque Pontificalibûs vestibûs ornatus ad erectam Crucem, quam diximus, cum ministris accessit, & elata voce Antiphonam: *Signum salutis pone Domine.* inchoavit. Hac absolutâ *Psalmus 83.* *Quam dilecta tabernacula tua Domine virtutum,* alternatim recitatus fuit, dum interea religiosa Communitas nostra in suppli cationis formam ordinata præcedente cœnobii cruce locum ædificandæ Ecclesiæ circumivit, quam proximè cum suo Reverendissimo Clero subsecutus est Princeps Episcopus, situm & designata fundamenti loca lustrali undâ respergens, eisque consuetis

juxta

juxta Romanum Pauli V. Pontificis Rituale precibūs benedixit; deinde pariformiter Primum Lapidem in fundamenta ponendum peculiari benedictione sacravit. 1695.

IV. Hac functione ad calcem perducta, paulò post advenierunt Eminentissimus Cardinalis Kolloniczius, Illustrissimus & Reverendissimus Nuncius Apostolicus, Legati Hispaniarum Regis, Venetæ Reipublicæ, Ducis Sabaudiae, aliisque plures aurei Cæsareæ Proceres Suæ Majestatis adventum præstolaturi, quos undans innumerabilem civium Viennensium multitudine cingebat. Aderant quoque non pauci e diversis Regionibus adveniæ, quos rei novitas ad infrequens spectaculum exciverat. Post horam nonam cum dimidia splendida multorum Magnatum turbâ stipatus adfuit Augustissimus LEOPOLDUS Imperator cum Serenissimis JOSEPHO Romanorum & Hungarorum Rege Filio, & MARIA ELISABETHA Filia Archi-Duce Austriae: Augusta tamen ELEONORA in hac occasione ad nos non venerat, verita fortassis, ne si ipsa quoque compareret, longo nobilissimi gy næci syrmate, quod pro statu dignitate post se traxisset, exiguum parvæ Ecclesiæ nostræ spatium nimium completeretur.

V. Rebūs omnibūs ritè comparatis Augustissimus LEOPOLDUS Imperator, & JOSEPHUS Rex Filius cum paucis Aulæ Ministris præcedente Principe Episcopo in angustam fundamenti fossam descenderunt. In hac postquam Celsissimus Præsul Ecclesiasticas cæremonias absolvisset, præcipuus fabricæ architectus cæmentum in ornatam trullam receptum super terram effudit, cui Augustissimus Cæsar Primum construendi templi Lapidem immersit, tribūs i&tibūs in honorem Sanctissimæ TRINITATIS argenteō malleolō impactis. Quō factō tympanotribæ cum tubicinibus faustum in omen hilariter applausere, & festivo sonitu omnium corda in multiplicia jubila permoverunt. Primus iste Lapis ibi jacet, ubi hodiè altare S. Annæ conspicitur. Opus in hunc modum magnificentissimè cœptum muratores alacriter prosecuti sunt. Inde cum Principe Episcopo & Sacris Majestatis longo, decentiè ordine Religiosa nostra Communitas præcedente cœnobii cruce, ovantium more, per substratas tabulas, pontem vulgo nominant, ad veterem sacram ædicolam nostram perrexit, ibidemque post solemniter decantatum Hymnum Ambrosianum Missæ Sacrificium ab eodem Antistite inter concentum palatinæ symphonie peractum fuit. His circa meridiem ad finem perductis, P. Josephus ab Angelis Commissarius Generalis Religiosorum cœtu stipatus ad Ecclesiæ Januam Augustissimum Cæsarem LEOPOLDUM & JOSEPHUM Regem, atque MARIAM ELISABETHAM Serenissimam Archi-Ducem Austriae exeuntes præstolabatur. Quibūs in transitu subsistentibūs P. Commissarius Generalis gratias prolixè dedit omnibus singillatim pro speciali hoc favore nobis exhibito, simul & rara quedam munuscula singulis obtulit, nimirūm Imagines JESU NAZARENI pretiosè ornatas, & urceos e decumanis Indiæ juglandibus artificiose laboratos, suisque argenteis & deauratis circulis, ansulis

Confluxus  
Aulæ Procer-  
rum cum Cæ-  
fare, Rege Fi-  
lio & Archi-  
Duce Filia.

Imperator  
primum lapi-  
dem ponit.

Offeruntur  
munusculæ.

1695.

*Ovid. Fast. I.*

& operculis decoros. Hos Domina Comes Mater nostra Harachia ex cimeliarchio suo depromptos nobis in hunc finem suppeditaverat. Dictis xeniolis additus fuit parvus liber castellanis versiculis concinnatus, quō Religiosa Gratitudo Cæsareo devincta favore publicum edidit applausum. Nam *dicenda bono sunt bona verba die*. Atque hoc pactō solemnitas adeò memorabilis finem sortita est. Ipsa verò templi structura ingenti calore properata magis quotidie ex imo eluctabatur.

## C A P U T IX.

*In Comitiis Generalibus Ordinis separatur Gubernium Germaniae a Polonia. Situs templi Viennensis beneficio Magistratus ampliatur.*

*In Comitiis  
Ordinis Gene-  
ralibus P.  
Jeannes a S.  
Antonio eligi-  
tur Major, ac  
Generalis Mi-  
nister.*

*Primus Mi-  
nister Viennae.*

*Separatur  
Gubernium  
Germaniae a  
Polonia.*

*Redemptor  
captivorum.*

*P. Josephus  
Ordinis Prae-  
fecturam recu-  
fat admittere.*

I. **P**ridie Kalendas Maji Sabbatō ante quartam Dominicam post Pascha juxta dispositionem Sanctae Regulæ Ordinis nostri Patres Toleti in Hispania Generalia celebraverunt Comitia, in quibus noster P. Joannes a S. Antonio, qui post sponte depositam a Nostro P. Raphaële supremam Ordinis dignitatem, ut jam meminimus, Vicarii Generalis nomine ferè per sesqui annum Ordinem gubernaverat, consonis suffragiis Major, ac Generalis Minister salutatus fuit. Debebatur hic honor tanti viri meritis, qui nuper Ordinem nostrum Poloniæ invexerat, ejusque in Austria, nunc feliciter succrescentis, stabiendi primam curam suscepérat.

II. In iisdem Comitiis primus cœnobii Viennensis Minister electus fuit P. Josephus ab Angelis prorogato eidem Commissarii Generalis munere in ditionibus tamen duntaxat Cæsareis, in quibus occurrabant tres constitutæ Domus, Viennæ nimirum, Patakini & Illaviæ. Ille hucusque & Germaniae & Poloniæ conventibus sub Commissarii Generalis nomine præfuerat, quod hi verò ab illis distarent longius, pro Polonia electus fuit alter Commissarius Generalis, P. Maurus a Conceptione, qui sex Ordinis nostri conventus in illo Regno fundatos, Leopoli videlicet, Varsaviæ, Casimiriae ad Cracoviam, Stanislaoviæ, Beresteski, & Vilnæ in Lithuania eadem potestate gubernaret; translato ab illo Redemptoris captivorum munere in P. Joannem a S. Augustino, Præsidis officio in Viennensi cœnobio prolixè perfunctum. Acceptavere quique delatas sibi provincias excepto P. Josepho ab Angelis, qui plurimum tergiversabatur; huic enim tam gravis accidit electio, ut aliquot diebus mœrotis magnitudine absorptus publico abstinuerit. Demum a Patribus seriò monitus tantam in parendo difficultatem ei haudquaquam esse decoram, tandem ne Divinæ voluntati ultrò adversaretur, aut sibi, aliisque periculum crearet, humeros oneri subjicit, mente tamen in resignationis proposito ita obfirmata, ut certum haberet delatum Magistratum quamprimum abdicare, quod etiam paulò post reapse præstítit, & ardentissimis preciis Majores Ordinis tam diu

diu fatigavit, donec missionem impetrasset; quamvis nunquam  
liquidò explorari potuerit, quas ille rationes allegaverit, ut in-  
gratam honoris sarcinam ab se excuteret. Id tamen DEO di-  
splicuisse ( si conjecturæ locus est) ex variis calamitatibus colli-  
gitur, quæ ipsi e vestigio supervenerunt.

III. Crescebat interim novi templi ædificium quotidianis augmentis, & ex una parte, quæ adhæret cœnobio, suis fundamen-tis innitens jam e solo emergebat. Ex adversa parte juxta pa-rallelismum prosequi ædificium opus erat. Cùm verò augustius templum meditaremur, quām fundus noster patiebatur, & vi-cinum ad Orientalem plagam spatiū, templi lateribus exterius adhærens, satis amplum esset, ut proinde absque publici trans-fitū detimento aut incommodo magna terræ portio detrahi posset, quam designata Ecclesiæ latitudo efflagitabat; ideo sup-plex libellus civico Magistratui oblatus, & facultas postulata fuit situm prorogandi; præcipue cùm vacuum illud plateæ spatiū ob reverentiam templi nec domibus ædificandis, nec aliis ali-quando usibus posset deservire. Audit sunt nostri in senatu, qui confestim duos viros ablegavit, ut loci situm sollicitè inspi-cerent, & quid? quantūmque plateæ spatiū absque publico incommodo detrahi posset, ad Senatum referrent. Re deinde in Magistratū consilio ventilata hoc responsum prodivit: *Fundum illum Ecclesiæ superaddendum pretiō pensandum esse.* Quia ve-rò instantiū Patres illum donō sibi dari postulabant, eò quod ad dilatationem templi in honorem Sanctissimæ TRINITATIS ædificandi hic fundus peteretur, adeoque pietati tanti Magistra-tūs conveniret, ut eum pro amplificanda Divina gloria gratis concederet, polliciti, se hoc beneficium suis precibūs cumula-tè pensaturos, suasu tandem Illustrissimi urbis Consulis Sena-tores emolliti fuerunt, & ex dicto illo fundo publico nobis quantūm petebamus, pedes Geometricos nimirūm centum sexaginta qua-tuor in longitudine, & viginti in latitudine gratuita benignitate attribuēre. Precariæ hujus donationis Decretum expeditum est VI. mensis Junii currentis anni quinti & nonagesimi; quod deb-itæ gratitudinis ergò in hoc loco commemorare volui, quatenus tam insigni beneficio suus honor & memoria habeatur, quem-admodūm in aliis occasionibus a nobis observatum fuit, ac dein-cepit observabitur.

## C A P U T X.

*Illaviæ res in cœnobii formam reducuntur. Exemplaris Religiosorum ibidem vita, & Sanctissimæ Eucharistiæ collocațio.*

I. **A** Pud Illavienses , dum rudia rerum initia in meliorem ordinem rediguntur , præcipuam sibi curam vendicavit strutura facelli , in quo pro loci opportunitate Divina officia peragerentur ; nam hucusque Patres Parochiale templum quotidie

E e e access

Situs templi  
Magistratus  
beneficii ampliatus.

Sacellum in  
arce disponi-  
bile.

1695. acceſſerant, ut Missarum Sacrificia ibidem celebrarent. Prominebat in caſtro Illaviensi angularis quædam turris noſtræ habitationi contigua, angusta quidem & paucorum hominum capax, decens tamen, in qua ſecundūm primitivam exigentiam ara poſita fuit. Sacrarum uestium paramenta, & argenteum calicem nobiſ donō dederunt Reverendi Patres Societatis JESU Trenchinenses, a quibus ea priūs muſuati fueramus, quod rurſus ex gratitudinis titulo referimus. Primum Missæ Sacrificium, ut felix ſimul auſpicium accederet, in diem trigesimam Maji delatum fuit, in quam eō anno incidit Dominica Sanctissimæ TRINITATIS, Festum totius Sacri noſtri Ordinis Titulare. Ut autem hæ Sacrorum Primitiæ ob ſolemnitatis ſplendorem tanto celebriores evaderent, invitati ſunt quidam magni nominis hospites, in quorum præſentia tres Ordinis noſtri Sacerdotes Missas celebaverunt, quamvis eventus expectationi non ſatis responderit, cum præter illos pauci omnino eſſent, qui Sacellum adirent, majori ſcilicet incolarum parte Lutheri dogmate infecta, qui ne conſtituta die Illaviæ reperirentur, fors ex composita fraude Trenchinium, duabūs inde leucis diſſitam urbem, ex odio Sacrorum Catholicorum diſceſſerunt, ſuæ ſectæ minifteſtum ibidem audiuti: rarus proinde fuit, qui ea die in oppido cerneretur. Heris autem longius absentibūs famuli, ut fieri ſolet, domi inſolentiūs agebant, quorum incuria eadem die duabūs post meridiem horis exortum fuit domorum incendium, quō totum oppidum conflagravit, parochiali duntaxat templo, & arce, in qua Religioſi noſtri habitabant a flammaram ſevitie intactis, quod plerique in pœnam oppidanorum ob aversionem erga res Catholicas eveniſſe interpretabantur.

Duo Religioſi adveniunt Illaviam in ſubſidium.  
Ad alteram arcis partem ſe noſtri transferunt.  
Tyrocinium Ordinis.

II. Vigefimā mensis Julii acceſſerunt Illavienſibus noſtris in ſubſidium P. Adalbertus a S. Andrea & Fr. Joannes a S. Felice Clericus. Cæterūm quamvis eo tempore quinque ſolūm Religioſi Illaviæ degerent, universa tamen, quæcumque poterant, Ordinis exercitia accuratè obibant: obſervabatur itaque inviolabile jejunium, rigidum colebatur silentium, duæ quotidie mentali orationi horæ impendebantur, & Divinum officium ſuīs temporibūs in choro recitabatur. Quod ſupererat tempus studio, aut ſpiritualium librorum lectioni tribuebatur. Porro ut vitæ Regularis normam perfectiūs ſequerentur, in altera arcis regione dispositæ fuerunt ſeorsim parvæ mansiunculæ aſſeribūs discretæ, ac ſimplici opere in Religiosarum cellarum formam aptatae; Sacelli vices explebat decentior locus in altera conſimili turri paulò majore. Quibus accessit poſteā coenaculum æquè tumultuario opere exstructum, aliæque officinæ, quæ Religioſis ultima Octobris patere cœperunt. Inducta ſimul fuit novæ habitationi exactiſſima vitæ Regularis disciplina; duobūs etiam aggregatis tyronibūs, quibus ad Ordinis instituta formandis deſignatus fuit Magiſter P. Emmanuel a S. Maria. Duo illi tyrones cum aliis duobus recenter profeffis, alter namque Viennâ non ita pridem advenerat, cum ſuo Magiſtro, ut moris eſt, in ſejunctam a cæte-

PP. Societatis JESU in Illavienses noſtris benefici.

Illavia in- cendio con- flagrat.

1695.

cæteris habitationem reclusi , arctioris vitæ posuere fundamen-  
ta. Fidem superat , quanto spiritus fervore illi in hoc recessu  
virtutis tramitem sedati fuerint : a creaturis omnibus abstracti,  
cœlestibus & Creatori DEO solum intenti orationi , vel medi-  
tationi continuè vacabant , aut manuali quodam opere exerce-  
bantur. Adhibita demum sunt omnia , quibus secundum per-  
fectæ ascœdos methodum sensus tam interni , quam externi edo-  
mantur , & spiritui subjiciuntur. Licet autem inter illas angu-  
stias perpetuis incommodis conflictarentur , nefas tamen puta-  
bant vel solum oculos levare , blandamque viridianum campo-  
rum faciem intueri , clavô etiam obfirmatis fenestrâs , ne vide-  
rent , quæ foris sunt , & ne ab exteris viderentur ; hoc enim pro-  
pius piaculo censebatur. In omnibus pariter elucebat summa  
paupertas , animis omnium tanto fervore ad perfectionem an-  
helantibus , ut necessariis etiam haud gravatè carerent. Totius  
loci ornatus erat parva Crux lignea cum Dominicæ Passionis in-  
signibus : Beatisimæ Virginis DEIPARÆ Icon designabat odeum ,  
coram qua in genua provoluti consueta obibant spiritualia sua  
exercitia. Quò versus tyrocinii januam transitus patebat , ex  
utroque cellarum latere uncialibus litteris inscriptæ fuerant plu-  
ribus in locis sacræ Scripturæ , Sanctorūmque Patrum senten-  
tiæ , crudis arborum corticibus in quadrum marginatis , ut ea-  
rundem lectione mens jugiter ad DEI amorem , & mundanarum  
rerum contemptum excitaretur. Hæc inter regnabat tranquilla  
pax , reciproca charitas & omnium voluntatum concordia. Pro-  
priæ cognitioni unicè intendebant , unde siebat , ut quisque opi-  
nioni sue cedere , & alter alterum humilitate vincere studeret ,  
& vinci gauderet. Non murmur , non querimonia , nec lamenta  
inter asperrimos etiam labores audiebantur. Neque ullus in-  
ter eos mœstus , aut pusillanimis videbatur ; mens omnibus una  
hilaris , promptaque cupiditas multò plura pro CHRISTO Re-  
demptore sustinendi. Vita profectò horum Religiosorum ange-  
licam vivendicationem referebat , utpotè quorum tota conversa-  
tio erat in cœlis ; & gestus ipsi , motusque omnes DEI Præsen-  
tiam , eorum oculis obversantem , testabantur. Paucis : Priscos  
eremi Patres hac nova in Thebaide , si non superabant , æqua-  
bant saltem , aut æmulabantur. Hoc vitæ genus quamquam  
privatos inter parietes ita occultaretur , ut soli DEO notum esse  
ipsi crederent , Fama tamen , ut est vocalis , virésque acquirit  
eundo , longè latéque divulgavit , & complures nobiles adolescen-  
tes allexit , ad idem vivendi institutum ambiendum : quinimò  
inter Heterodoxos Sanctimonia Illaviensium Religiosorum in ve-  
neratione fuit , passimque , ut quidpiam insolitum , per ora plu-  
rimorum celebrabatur.

III. Esuriebamus tamen hactenus in Eucharisticis speciebus Pa-  
nem Angelorum. Suavissimus animæ cibus & dulcissimus Dominus ,  
Præsidium & Custos , Pastórque noster desiderabatur ; proinde P.  
Præses intenta solicitudine in id incubuit , ut votorum nostrorum  
Quamprimum compotes efficeremur. In hunc igitur finem

*Rigida Illa-  
vienium Ke-  
ligiosorum  
vita.*

*Venerabilis  
Eucharistia  
7. Novembris  
collectus.*

1695.

elegantis operis conditorum (tabernaculum vocant) coloribus, auróque obductum, quatenus tantus Hospes decentius in eo exciperetur, fieri curavit, cuius utrinque latera ambiebant opere statuario Sanctorum Patriarcharum Nostrorum effigies, quos tanquam Nostros in cœlis Patres & fidissimos apud DEUM Intercessores filiali affectu venerabamur. Licentiā tandem ab Illustrissimo Nitriensi Episcopo (cujus jurisdictioni Illavia subest) obtentā die VII. Novembris, quæ erat XXIV. Dominica post Pentecosten, cùm Evangelica parabola de bono semine legeretur, ipse loci Præses P. Josephus Sanctissimum Eucharistiae Sacramentum sacro conclavi primitus intulit, nulla quidem, aut certe permodica exteriore pompa adhibita, majore tamen, quantum fieri potuit, cordis affectu & devotionis sensu. Huc deinceps cunctis studiis fuit accedere frequentius, de genibus cœlestem sub faris specie DEUM adorare, largius fundere preces, ingeminare pia suspiria, horulas aliquot nocte diéque usitatis occupationibus suffurari, easque in obsequium Divini Numinis impendere, spiritualibus animum pascere deliciis, pietatis & religiosi sensum acuere, cœlestibus igniculis mentem fovere, sacro calore pectus succendere, de consortio Domini exultare, gestire, ovare. Et hæc quidem fuere præclara primorum Illavienium nostrorum exordia, norma subsequentium, nobilèque virtutis religiosæ prototypon, ad quod futuri hujus loci incolæ nunquam non oculos reflectere deberent.

## C A P U T XI.

### *Quarta Redemptio captivorum rursus Belgradum destinatur.*

Utraque manu laboratur  
& in templi  
fabrica, & in  
redemptione  
captivorum  
promovenda.  
2. Esdrei 6. 4.

I. **V**iennæ interea quamvis præcipui conatus nostri tenderent ad promovendam novi Templi structuram, nihil tamen in spirituali ædificatione prætermissum fuit; neque enim ædificandi studio nos adeò immerseramus, ut non identidem mente versaremus qualiter misericaptivis Christianis opitularemur. Renovabatur tunc in nobis veteris Testamenti Historia, quâ refertur, Israëlitas in restauratione Templi Hierosolymitani una manu laborasse, altera vero gladium tenuisse, ut hosticas incursionses arcerent. Idipsum a nobis fiebat, qui altera manu templi structuram urgebamus, altera autem spiritualem gladium exerebamus, quatenus viva CHRISTI membra ab infidelium iuriis vindicaremus. Quamobrem neo-electus Redemptor P. Joannes a S. Augustino, ut primùm conventus Viennensis Præfecturam deposuit, e vestigio consilia sua & cogitationes omnes eò consultit, ut novam iterum Redemptionem perficeret, quæ foret in serie quarta.

Quarta Re-  
demptio pro-  
mulgatur.

II. Conquisitiis itaque ad hoc propositum maturandum subsidiis, tum in foro, tum in templis causa profectionis a P. Redemptore fuit euulgata, simulque edictum, ut si qui sive con-

1695.

consanguineos, sive notos vel amicos in Belgradensi tractu habebant, quos redemptos vellent, eorum nomina indicarent, aut opem aliquam in tam pium opus conferrent. Eminentissimus Cardinalis Kolloniczius re intellecta quindecim mancipia Turcica pro Christianis permutanda submisit, agitatumque fuit in Cæsareo Bellico Consilio, qua ratione cæteris omnibus tam hoc, quam superiore bello in captivitatem abductis Christianis, non modò Turcicorum mancipiorum permutatione, verùm etiam collatitiis pecuniis libertas conciliaretur. Quod ut facilius perficeretur, P. Redemptori hanc in expeditionem propediem abiurienti commendatum fuit, ut omnium captivorum computum Belgradi faceret, ac notatis singulorum nominibūs, ætate, patria & dignitate accuratum eorum syllabum reportaret. Eadem negotio supra laudatus Cardinalis solerter intentus, Belgradum ad Turcum Gubernatorem litteras dedit perquam officias, quibus rogabat, ut, cum Redemptio captivorum in utriusque gentis commodum cederet, Gubernator ipse omni sua ope ac industriâ tam salutare negotium adjuvare, & in communem causam sedulò incumbere vellet; his adjecit: non pauca inter Christianos Mahometicæ stirpis mancipia reperiri, quæ nostri pro suorum libertate afferenda haud inviti essent permutaturi, cæteros autem tolerabiliter pretiō Turcis vendituri.

III. Hæc epistola spem magnam fecit hosticam tellurem penetrandi, ac intra Albæ Græcæ mœnia cum ipsis barbaris de lytro, & de mancipiorum utriusque gentis permutatione transfigendi. Cæterum, ut res tanta ad votum succederet, inchoatunque Redemptionis negotium tanto citius ad felicem exitum perduceretur, opus erat Auctoritate insignis cuiusdam viri, qui P. Redemptorem suis consiliis fulciret, & ad rem opportunè conficiendam manuduceret. Hæc secum volventi primus occurrit Excellentissimus Dominus Baro Nehmius Cæsareus ad Turcarum limites Castrum Petro-Varadinensis Gubernator. Huic itaque P. Redemptor missis literis suam intentionem exposuit, eundemque interrogavit: quis modus servandus esset, ut bonâ adversæ partis venia Taurunum adire liceret? addidit quoque, sibi persuasum esse, id facile impetrari posse, si Turcico Praefecto significaretur, varia Mahometanæ gentis mancipia pro Christianis permutanda Belgradum adductum iri, & imposterum adducenda esse non sine magno utriusque gentis commodo, & luculenta ambarum Nationum utilitate. Egit per expeditos nuncios Excellentissimi Viri solertia, ut Gubernator Belgradensis votis nostris annueret rescripta ad hanc propositionem epistolâ, quæ ex turcio idiomate in latinum versa ita sonat:

*Postquam Populi in Jesum credentis Columnen nostrum honorandum sincerumque vicinum & Amicum Generalem Varadinensem, cuius extrema sint felicia, scisitati sumus, quomodo valeat, & erga nos affectus sit; amicè significatur: quod Litterarum nobis*

*Agitur de impetrando ingressu Belgradu-*

*Operi Gentilis de Nehm.*

*Responso  
Turca Guber-  
natoris,*

*Fff alla-*

1695. allatarum tenorem ritè perceperimus, noverimusque duos Religiosos unà cum duodecim suis mancipiis orthodoxæ fidei cultoribus Varadinum appulisse, & indè hac intentione se huc Albam Græcam conferendi licentiam petere, ut captivos fideles cum Germanis permutent, verùm aliundè constat, quod non nisi tabellariis dediditis, vel captivis vadimoniò datò instructis in utriusque partis confiniis hinc indè redire, ac venire liceat. Si autem re taliter se habente Religiosi apud vos detineantur, & captivi fideles datis idoneis vadibüs ad has partes mitterentur, isti a suis hic loci existentibus, & lytrum eorum solventibus exacto tempore & hora Divina favente gratia a captivitate liberabuntur; & si econtra quis ex hic locorum servituti addictis Germanis hic non existeret, sed ad aliam provinciam abivisset, Vestri tamen vicini & amici, nostri gratiâ expresse quis expedietur, & liberatio ipsius omni studio procurabitur. Interea DEUS Benedictus & Excelsus largiatur constantem amicitiam: Et Salus super illos qui sequuntur viam salutis.

In Præsidio Belgradensi.

Animadver-  
siones in pre-  
cedentem E-  
pistolam.

IV. Hæc Turcici Gubernatoris epistola primò Petro-Varadini ad Nehmum, indè Viennam missa, et si partim grata, non tamen ad rem, nec ad propositum, nec etiam secundum rei veritatem, & in pluribus obscura fuit, tantum abest, ut votis P. Redemptoris perfectè responderit, idque propterè, quia Turca rem aut non intellexit, aut intelligere noluit; nam cùm opes Turcarum in mancipiis consistant, providè cavere voluit, ne illorum numerus propalaretur; tum etiam, quia nonnulli Turcarum reperiuntur, qui mancipia vendere recusant, nec ad eorum venditionem jure adigi possunt. Idem de permutatione mancipiorum sentiendum est. Vocat Turcos captivos orthodoxæ fidei cultores & subinde fideles, idque more suo, & secundùm sectam Mahometricam; Christianos enim omnes ut infideles & gentiles idololatras aversantur, idque ex suis Mahometricis erroribus. Præterea de licentia Belgradum adeundi a P. Redemptore petita tam ambiguis verbis agit, ut nihil certi indè erui possit, quinimò voluisse videtur, ut Christianorum captivorum liberatio internunciorum operâ & vadimoniis perageatur, quod rursus nostro proposito e diametro adversabatur. De duodecim tantum mancipiis Turcicis mentionem fecit, forte quia tria reliqua postea primò accesserant. Opponebatur autem veritati, Patrem cum mancipiis Petro-Varadini detineri, cùm adhuc Viennæ responsum præstolaretur. Epistola utprimùm per expeditos veredarios Viennam perlata fuit, P. Redemptor, utut res se haberet, de Divina providentia confisus itineri se accinxit, & assumptò sociò fratre Ildephonso a S. Josepho post solitas

in

in Ecclesia factas comprecationes in ipsa brumalis coeli inclem-  
tia viam ingressus est XV. mensis Decembris, ductis secum  
pariter quindecim mancipiis Turcicis. 1695.

V. Quantò verò longius itinere suo ab urbe discesserant, tan-  
tò clariùs P. Redemptor, ejusque socius agnoscere cooperunt, Cura ne fu-  
gerent mag-  
cipia.  
quosdam ex Turcicis mancipiis perfidæ gentis more clandestinam  
fugam moliri, avidéque opportunitatem captare quâ vi, quâ  
fraude ad suos evadendi. Horum propositum subodoratus P.  
Redemptor, ut eorum consilia enervaret, vigiles adhibuit, qui  
eos diu noctuque diligentissimè custodirent. Alia deinde ratione  
eos aggressus, & de æterna salute illorum solicitus tentavit fe-  
rocia peccatora cicurare hac eis conditione proposita, ut si ani-  
mum inducerent ad abjurandam Mahometanam superstitionem,  
& salvificam CHRISTI fidem amplectendam, ipso factò a servitu-  
tute absolverentur, & libertati restituti facultatem haberent ad  
quascunque voluissent Christiani orbis provincias se conferendi:  
illis autem pervicaciter tam salutarem conditionem respuentibûs,  
eosdem arctiore fræno & majori adhibitâ curâ in officio conti-  
nere studuit. Tandem rebûs omnibûs salvîs Budam Hungariæ  
Metropolim feliciter tenuerunt. Cùm autem P. Redemptor ani-  
madverteret, se ob custodiam mancipiorum in suo itinere re-  
tardari, simûlque metueret, ne inter vastas solitudines & deser-  
ta loca, quæ eis peragranda nunc erant, perfidæ gentis immani-  
tate, ac perditorum hominum conjuratione ipse ac tota Redem-  
ptio periclitaretur, & scelerati Mahometani parcidali scelere ad  
cupitam grassarentur libertatem; quid enim non audet hostilis  
animus loci, aut temporis opportunitate adjutus, & dulci spe  
ingentis prædæ allectus? maluit impendentia discrimina providè  
avertere, quâm eorum formidine diutiùs torqueri. Egit itaque  
cum Præfecto Budensi, impetravitque ex supra dictis rationibus,  
ut mancipia tam diu in arce hujus civitatis custodirentur, donec  
occasio sese offerret ea pro Christianis commutandi. His itaque  
transactis P. Redemptor assumptis secum aliquot militibûs, qui  
se in via adversus latronum incursions tuerentur, iter suum  
tantò celerius deinceps est prosecutus, quantò liberior erat a mo-  
lestissimis curis, quibûs priùs ob Turcicorum mancipiorum ver-  
sipellem calliditatem perpetuò vexabatur. Petro-Varadinum de-  
latus ipse laetabatur minimè dubia, salvi conductûs litteras a Gu-  
bernatore Belgradensi accipiendo, atque adeò Redemptionis nego-  
tium proximè auspicandi. Ast inania fuere Patris vota; vix  
enim Petro-Varadino pedem intulit, dum protinus certis nun-  
ciis intellexit, iisdem diebûs, quibûs ipse Petro-Varadinum pro-  
fectus fuerat, alium Belgradi Gubernatorem priori successisse.  
Nova suboritur curarum fæges, eoque difficilior evadit conatus,  
quò minus exploratus erat novi Gubernatoris animus. Quæ in-  
ter consilia postremi dies anni quinti & nonagesimi ad finem  
pervenerunt.

1696.

## C A P U T XII.

*In diversis locis occasiones fundandi Cœnobia Ordini  
se offerunt, sed operariorum defectu præpediuntur.*

Bona fama  
Patrum Vien-  
nensium facit,  
ut Ordo ad  
piura loca  
evocetur.

Conventus in  
Hungaria.

Alter in Mo-  
ravia.

Tertius in  
Styria.

I. **D**um interim in principio hujus anni millesimi sexcentesimi nonagesimi sexti P. Redemptorem in præsentis Redemptionis negotiatione ad Petro-Varadinum pro viribus luctari, zelare, & agonizare sinimus, ad alia quædam nascentis nostræ Provinciae momenta expedienda stylum animumque convertimus. Jam pridem plerosque in amorem & admirationem rapuerat Patrum Viennensium sanctitas & eruditio insigni modestiae conjuncta. Suspiciebant præsertim homines in eis accuratam regularis vitae disciplinam, laudabilem cum exteris conversationem, & indefessam in redimendis captivis solitudinem, ut proinde non pauci reperti fuerint, qui idem Institutum suis regionibus implantare, & in plures Ordinem colonias deducere effictim discuperent. Præprimis autem Eminentissimus Cardinalis Kolloniczius, anno superiore pridie Idus Julias in Hungaria orbatæ per mortem D. Georgii Szechenii Metropolitanæ Strigoniensis Ecclesiæ dignissimus suffectus Archi-Præsul, crebrius cum nostris sermonem contulit de novo in eodem Hungariæ Regno Ordinis Cœnobia condendo. Parili desiderio exarist Excellentissimus D. Philippus Christophorus Comes Breünerus Præfidii Spilbergensis ad Brunam Moravorum Præfctus, Vir Trinitario Ordini nostro adeò devotus, ut, quemadmodum superius insinuavimus, albō palliō, quō frequenter utebatur, rubram cæruleamque ordinis Crucem pro more veterum (ut fama tulit) Trinitariorum Equitum assui curaverit. Hic itaque repetitis precibüs aliquot Ordinis nostri Cœnobitas sibi concedi postulavit, quos eadem in urbe Brunensi totius Moraviæ celeberrima stabiliret. Græcum, quæ Metropolis est Ducatus Styriæ, parem in nostros fovebat devotionem: morabatur nimirum ibidem quidam e primoribus illius urbis, qui commodum indicabat locum a Magistratu facile impetrandum, & condendo Monasterio aptissimum, pollicitus, se suò suffragiō, quod erat instar plurimorum, effecturum, ut hujus loci compotes efficieremur. Vivebat sub idem tempus ibidem Nobilissima Vidua e Comitum Monroyorum Familia, quondam MARGARITÆ Imperatricis, primæ LEOPOLDI Imperatoris Conjugis, Assecla honoraria, quæ ejusdem foundationis in effectum perducendæ desiderio ardebat, atque in hunc finem e suis opibus sex florenorum millia illis juvandis initii destinaverat. Locus hic est in monte ad Græcum, in quo Ecclesia Virginis DEIPARÆ, sub titulo Consolatrix afflitorum, consecrata visitur, magnaque affluentis undique populi religione ob plurimas impetratas gratias frequentatur, quæ postea Religiosis Patribus S. Pauli primi Eremitæ attributa fuit, qui ibidem celebre sui Ordinis monasterium condiderunt. Ad Imperii Ditiones, Rothenburgum nimirum, civitatem Neccaro fluvio assidentem,

pari-

pariter evocabamur feliciore voto quām successu, nostris cunctantibus Templum & coenobium cessit Patribus de Monte Carmelo. Urebant equidem anxiam mentem has inter tam beatas opportunitates omnibus satisfaciendi desideria, sed obstabat messis ubertati operariorum penuria; Patres enim, qui ex Hispania in Austria per venerant, numerō erant pauci, & insuper per varia loca dispersi, ut potè quorum alii Viennæ, alii Patakini, alii verò Ilaviæ degebant, nec revocari facile a suis stationibus finè incommodo aut detimento poterant, cùm eorum præsentia ibidem ad ritè formanda nascentium coenobiorum initia summè foret necessaria; etenim, ut communī fertur adagio: *Non convenit unum a sacerdoti spoliare, ut alterum ornetur.*

II Imò, quòd res nostras maximè affixit, & Ordinis progressum sufflaminavit, P. Josephus ab Angelis coenobii Viennenis Minister, & tam hujus, quām aliorum in hac Provincia Conventuum Generalis Commissarius, penè quem rerum summa maximò Religionis emolumētō hactenus fuerat, non modò de munere suo extricare sese, verùm etiam in Hispanias remeare anhelabat, ut proinde omnia sensim in pejus ruerent, & Ordinis propagatio haud vulgarem cladem acciperet. Aderant quidem Religiosi ex Germania oriundi, sed hi velut recentiores plantulæ studiis litterarum distinebantur, & ob ætatis imbecillitatem gravioribus negotiis per agendis impares censebantur. Unicum supererat remedium, ex Hispania in subsidium laborantis Provinciæ accersere viros pietate, ac doctrinā præstantes, qui ad hujusmodi expeditiones idonei possent præsenti necessitati frontem objicere. Qua de causa Excellentissimus Comes Harrachius, qui sacræ nostræ Familiæ his in oris stabilimentum & propagationem velutì rem suam propriam considerare solebat, ad nostrum Patrem Joannem a S. Antonio Majorrem & Generalem Ministrum ferventissimi zeli plenas dedit litteras, quēs urgentissimam strenuorum operariorum necessitatem exposuit, & Religiosos novæ vineæ excolendæ aptos in Germaniam submitti postulavit. Hanc epistolam, quæ veritatem dictorum ubertim comprobat, & propensissimum Excellentissimi Viri studium erga Sacram Religionem nostram ostendit, ex idomate Castellano in Latinum iisdem ferè verbis, et si neglecto Latinitatis cultu transvertere congruum duxi, & subtexere. Ecce illam:

### REVERENDISSIME PATER.

*Cognoscens magnum Reverendissimæ Vestre zelum in propagatione Sacre sue Religionis, utpotè qui primus in has oras venerat ejusdem dilatandæ causâ, non possum non eidem exponere plures esse in hac Aula & in his Regionibus prime Nobilitatis Magnates, qui Religiosis Hispanis singulariter afficiuntur; plerique illorum a P. Ministro expetunt Patres, ut eosdem ad sua deducant oppida, vel civitates sive Sacrum Ordinem propagandi, fundandique plura Cœnobia, & Hospitia. Verùm quia dictus P. Minister eorum paucitatem*

1696.  
Quartus in  
Imperio ad  
fluvium Ness-  
catum.

Nihil sit ob  
defectum  
operariorum.

P. Josephus in  
Hispanias re-  
dice postulat.

Comes Harr-  
achius ex  
Hispania evo-  
candis Reli-  
giosis operam  
dat.

Epistola Co-  
mitis Harr-  
achii ad N. P.  
Generalem.

causatur, negatque, integrum sibi esse, aliquos dimittere, nisi alii veniant ex Hispania; itaque ad meam recurrunt intercessio- nem, ut id solatii, me opitulante, consequantur. Ego vero eis obsequi cupiens, similque de commodo & augmento hujusmodi Cœ nobiorum solicitus in considerationem Vestrae Reverendissimæ pono, widelicet, in hisce principiis de Conventu isto Religiosos Hispanos extrahere, idem esse ac eundem destruere; sunt enim propter exemplum & religionem suam admodum necessarii; ita quidem, ut sint Aulae hujus objectum, ex quo mihi non modicum vane gloriae subna scitur, quia in eorum primo adventu illis serviendi mihi obvenerat felicitas, ac propterea, sicut & ob peculiarem devotionem eosdem magni astimo. Profectò, ut Reverendissimæ Vestrae probè cognitum est, sine Religiosis idoneis Religiones in notitiam non veniunt, nec propagantur. Hæc autem, ut spero, non exigua capiet incrementa, quia tot sunt, qui meum comitantur affectum. Unde cum Patres Hispani tantam sibi nominis existimationem pepererint, dubitare non licet, eos multas Fundationes consecuturos. Ad hunc autem fi nem obtainendum judico, ut Reverendissima Vestra aliquot huc submittat Religiosos; quos enim hic habemus, pauci sunt, & pro isto Conventu necessarii. Germani, quamvis juvenes, multæ tamen sunt expectationis. Qua de causa Vestram Reverendissimam etiam atque etiam obtestor, velit hoc negotium expendere, nosque consolari aliquos Patres submittendo doctrinâ & eruditione, ceterisque dotibus ornatos, quos his Sacrae suæ Religionis cœnobiis censuerit convenire, oroque, ut DEO meam commendet Familiam. De fidero, ut Dominus DEUS noster Vestram Reverendissimam Pa ternitatem in plurimos annos conservet. Vienne 31. Januarii 1696.

Bonaventura Comes Harrach.

Unus solum  
mittitur ex  
Hispania Re  
ligiosus.

P. Maurus  
ex Polonia  
Viennam re  
sis.

III. Cæterum expectationi & justis desideriis Excellentissimi Comitis eventus minimè respondit; cum enim celeritate opus esset, & repentinus faciendus delectus, ne forte tantæ Supplicationi, quæ imperii loco erat habenda, Noster Pater Generalis Minister nihil deferre videretur; unum solummodo Patrem in Germaniam allegavit, donec plures seligeret, quos opportuno tempore in eandem vineam mitteret operarios. Evidem hoc postea præstítit, sed parcè nimis & tardè, calva plerūmque occasione. Hæc inter P. Maurus a Conceptione, quem anno superiore Commissarium Generale pro nostri Ordinis in Polonia cœnobiis creatum fuisse diximus, post paucos in Sarmatia exactos menses Magistratum ab dicavit, & primo Vere hujus anni se Viennæ reddidit spe messis fors uberioris, aut quia speratum ex Hispania subsidium tardiùs advenire videbat.

CA-

## C A P U T XIII.

*P. Josephus ab Angelis Commissarius Generalis  
& Vienensis nostri Cœnobii Minister periculosō morbo  
laborat; sanitati restitutus in Hispaniam tendit.  
Quædam ejus dotes referuntur.*

I. **F**requenter morborum symptomata, priusquam in alia corporis membra descendant, caput infestant. Id usuvenire cernimus in omnibus ferè hujus mundi Rebuspublicis, cujus Moderatores dum animo non recte valent, haud procul a civibus periculum distat; indè sequuntur tot lugubres rerum vicissitudines, & publici statū convulsiones, qui nutante capite raro firmis pedibus consistit. Eodem tempore, quō res nostræ florere maximè videbantur, Primicerius noster P. Josephus ab Angelis molestō ac periculosō morbo impetus aliquot hebdomadis ingentes inter corporis cruciatus decubuit, a præstantissimis tamen Archiatris & Cæsaris Chyrurgo dexterrimè, unāque feliciter restitutus pristinam sanitatem recuperavit. Hac infirmitate superata, magnum in eo exarsit patriæ repetendæ desiderium, ut proinde instantissimis precibüs missionem apud Ordinis Majores urgere nunquam defierit, causatus regionis auram & frigidius cœli clima suæ saluti adversari. Impetravit tandem, quod tam ardenter flagitaverat, sed non sinè maximo Ordinis nostri, in Germania tum primò veluti nati, incommodo, ne dicam detimento, cùm eo tempore vel maximè tali opus esset Pastore, quō meliorem substituendum nemo sperabat; erat enim vir ille non solum generis nobilitate conspicuus, sed etiam religione, sapientiâ & doctrinâ vix alicui suō sœculō secundus. Prælegerat olim magno omnium plausu Fratribus nostris Vallisoleti Philosophiam, ac deinde Salmanticæ Theologiam. Utriusque facultatis speculationes integrè consecutus ita exhauserat, ut in qualibet materia, omnique eventu non minus aptè, quam copiosè differeret. Accidit aliquando, ut e Polonia redux Olomucium, celebre illud scientiarum Athenæum in Moravia, pertransiret; diversorum ibi naētus est apud Virum principem ejusdem civitatis, & munificum Musarum Mæcenatem, cui non ita pridem Theses quædam Theologicæ nuncupatae fuerant. Accidit autem prorsus opportunè, ut Pater ea die Olomucium perveniret, quā dictæ Theses certamine litterario ventilandæ erant. Officiosè itaque ad hunc actum scholasticum invitatus fuit, rogatusque, ut, si quid ei adversus illas propositiones in mentem veniret, proponere non gravaretur. Paruit vir modestissimus, quod tamen potissimum fecit, quatenus benignissimi Mæcenatis hospitalitati gratam vicem rependeret. Lyceum itaque ingressus, postquam aliquot argumenta audivisset, cœpit tanta subtilitate, doctrinâ & eruditione disputare, ut Magistros universos & discipulos in magnam admirationem rapuerit, fassique sint non semel (idque paulò postquam hoc accidisset, cùm in congressum eorum

Morbi pridè  
caput infec-  
stant.

P. Josephus  
graviter segre-  
tat.

Sanitati re-  
stitutus in Pa-  
triā redire  
cupit & obti-  
net.

Eius dotes.

Olomucii re-  
pente invita-  
tus promptè  
& cum laude  
disputat in  
Universitate.

1696. fortuitò venissem , qui huic certamini litterario interfuerant ) se haec tenus ei similem nunquam audivisse , addebatque , sibi visum fuisse , ac si quendam e numero veterum Sanctorum Patrum in tuerentur , & coram disputantem audirent . Universitatem quoque Viennensem saepius ad amicorum preces scholasticis concertationibus honoravit , quas Doctissimorum Virorum applausus semper exceptit . Hic ei crebrius ultrò delata fuit Doctoris Laurea nullis ejus sumptibus capebenda , idque suadebant amici , & importunis precibus urgebant , ut tantum decus huic Universitati affererent ; quibus tamen ipse minimè acquievit , sed modestissimis verbis oblatum honorem constanter repudiavit , sanctissimas Ordinis sui Leges opponens , ad quarum prævaricationem nulla ratione induci potuit Vir religiosissimus . Corpus illi fuit obesulum quidem , solidum tamen , atque vividum & venerandam præferens pulchritudinis Majestatem , ut in pulchro corpore pulcherrima mens diversari haud obscurè notaretur . Magnis quibuscumque rebus agendis simul & perficiendis idoneus & expeditus : affabilis erga omnes , facundus , promptus , benignus , in cunctis prudens & circumspectus , perspicax circa cætera ; singularis fuit ei quoque in verbis gratia , & in gestu modestia .

Nostris Principibus gratius.

II. Has ob eximias tum naturæ , tum gratiæ dotes , præstantiamque ingenii LEOPOLDO Cæsari apprimè notus , eidemque in pretio fuit , nec non Serenissimis Filiis JOSEPHO Regi & CAROLO Archi-Duci in veneratione versabatur , ut haec est Austriae Principibus erga bonos & pios innata clementia . Apud alios Proceres & Aulæ Optimates singulari pollebat gratiâ & Autoritate , cujus imago non sine jucunda tanti viri recordatione omnium mentibus obversatur , quibus felicitas obtigit ejus consuetudine familiarius perfruendi . Adeò denique sibi hominum corda devinxerat , ut memoria ejus plurium annorum intervallô obliterari nequiverit . Profectò si , ut communi sermone jactatur : *Principibus placuisse viris non ultima laus est* , hanc ipse non sine multorum invidia cum majore nominis sui gloria consecutus est .

Eius abitus minimè consultus Ordinis propagationi.

III. Intempestivum verò discessum abituriensi dissuadere conatus est Augustissimus Imperator LEOPOLDUS disertis verbis contestans , eum hac sua præmatura demigratione Ordini grande damnum accersitum , cujus ipsum aliquando frustra poenitudo esset subitura . Ex Apollinis tripode hæc verba processisse videri poterant ; adeò sagaciter Prudentissimus Imperator futuros eventus præfigerat . Id ipsum suadebant , & inculcabant omnes ejus amici , quibus unicè in votis erat tanti viri præsentiam diutiùs retinere . Ast surdo fabula cantabatur ; ipse enim animum suum in abeundi proposito tantoperè obstinaverat , ut etiam reclamantibus plurimis in Augusto Viennâ excesserit . In cujus locum alter P. Josephus a Matre DEI successit , qui Patakinô evocatus Commissarii Generalis & Ministri Viennensis munus aliquamdiu sustinuit .

Mediolani & Alexandria domos visitat.

IV. Dictus autem P. Josephus ab Angelis in Italiam perrexit , ibidemque Mediolanum & vicinam Alexandriam adiuit , ut quasi tran-

transunter novas in Lombardia Ordinis colonias iussu nostri P. Ministri Generalis lustraret, recognosceret, ac minutim omnia in Hispaniam perscriberet. Romam indè delatus subsistere pauplisper decreverat, urbis amplitudine, Templorum magnificentia, Sanctorumque memoriis & copiâ, ut arbitror, illectus; sed non multò post supervenientibus novis mandatis in Hispaniam avocatus, summo ibi honore exultus fuit, utpotè, qui in proximo Generali Patrum Conventu Salmanticensis Minister renunciatus, & postea suæ Provinciæ (quæ ab Immaculata Beatæ Virginis Concepcionem titulum obtinet) Præfecturam consecutus est, gessitque præterea una alteraque vice munus Definitoris Generalis. Reliquam vitam suam calamo devovit, Generalis Ordinis Chronographus effectus, in quo ille officio, quod muneris ratio postulabat, patrio stylō in uno volumine expressit vitam & res gestas P. Josephi a S. Maria, qui communis fama nuncupabatur *Sanctus Minister Vallisoletanus*. Hoc autem opus ejus inter manuscriptos codices etiamnum delitescit.

V. Non tamen propterea, quod sine compassionis sensu reffere nequeo, calamitates illas effugere potuit, quas ei amici ipsius dudum vaticinati fuerant; suborta namque lugubri illa Regnum in Hispania convulsione, quæ duo potentissimi Reges de legitimo Imperio armis inter se disceptabant, ipse, cum suæ Provinciæ singulari omnium solatio & utilitate præcesset, variis imprimis suspicionibus & æmolorum dipteris impetratus, tandem alterius factionis odio crescente militari manu comprehensus, & cum duobus aliis nostri Ordinis Religiosis Pamplonæ absque ulla culpa sua in teturum carcerem compactus fuit, ubi præter plurima militum ludibria, innumeræ alias miserias & frequentissimas mortis minas invicta patientia & excelsô prorsus animo pertulit. Causas tanquam satiæ ubique notas sciens volensque silentio prætero. Istud duntaxat dico: si culpa queritur, alia illi imputari non potuit, quam quod Germaniam deseruerit, & Hispaniam adiverit importuno prorsus tempore præcedente, & pejore postea succedente. Ob id etiam, redditum nempe suum, in quaestione vocatus vir cæteroquin vitae integrimæ, & ab omni crimine immunis; qualis demum post longam in squalido ergastulo macerationem agnitus & absolutus fuit. Verum jam ad alios ex instituto nostro properamus captivos, & alia ex causa incarceratos.

1696.

Romam ve-  
nit.

Munera in  
Hispania.

Ob regni vi-  
cissitudines  
carceres susti-  
net.

## C A P U T XIV.

### Quarta Redemptio Belgradi multis superatis diffi- cultatibus ad finem deducitur.

I. PETRO-Varadini P. Redemptor a principio mensis Januarii nullum non movit lapidem, ut a Turca Belgradensi Gubernatore, qui priori in officio subrogatus fuerat, publicæ fidei Litteras extunderet, quarum præsidio Belgradum tutò adire, &

Difficile Re-  
demptionis  
negotium ad  
Belgradum.

H h h

ibi.

1696. ibidem tum de mancipiorum permutatione, tum de aliorum Christianorum lytro coram tranfigere liceret. Sed actum agere vi-sus est; & ut fertur proverbiō, *Aethiopem lavare, apud hominem egregiè barbarum*, juxtaque suspiciosum. Belgradum tamen assi-duè mittebantur, remittebanturque nuncii. Verùm tota hæc tractandi ratio nî nisi iurgia & altercationes parturivit. Illud ve-rò P. Redemptori molestissimum fuit, quod ad alias Ottomanici Imperii provincias divertere non posset, quia Turcica mancipia, quæ secum adduxerat, ut plurimū e tractu Belgradensi erant oriunda, atque adeò alibi eorum permutatio exiguum com-modum allatura videbatur, ut proinde præsens negotiatio non si-nè magno temporis dispendio, ac perpetuā litterarum & tabellario-rum missatione peragenda fuerit. Mittebantur quidem subinde ad P. Redemptorem emendi captivi, sed pretiō tam enormi, ut necesse fuerit, eos re infecta e vestigio remittere; captivi enim, quibus id maximè in votis erat, ut quam celerrimè ab impotenti tyrannide crudelissimorum hominum liberarentur, imprudenter spondebant, P. Redemptorem pro eorum libertate grande lytrum gratanter persoluturum, sed cùm iste nollet eos tanti emere, nec Turcæ de pretio quidquam minuere vellent; hinc Turcarum clamo-res & lamenta captivorum libertatem suspirantium confusè audiabantur, ad quæ non si-nè magno tamen cordis dolore aures fuerant obdurandæ, ne inconsultè lytrum prodigeretur, & pretium, quod tribus aut quatuor captivis redimendis sufficeret, pro unius fortè redemptione profunderetur. Ad heros itaque suos constan-tet sunt remissi, donec in pretium justum descendissent.

*Inst̄o pretiō  
nus altérve  
redimitur.*

II. Intellecta proinde Patris mente remissi captivi heris suis renunciaverunt, P. Redemptorem justō pretiō velle convenire, in-justum perinde aversari, ac immodicam eorum avaritiam: hinc novæ ex moris subortæ sunt moræ & comperendinationes, utra-que parte in sua opinione obfirmata, cùmque nullus alteri cedere sustineret, tempus inutiliter terebatur, & tædiosis frustrationibüs Redemptionis negotiūm sæpius suspendebatur, donec tandem unus, altérve captivorum glaciem fregisset, qui pretiō satiis inode-ratō in libertatem asserti fuerunt. Universim tamen magna opus erat cunctatione ad emolliendam Turcarum pervicaciam.

*Pro 15 Turcis  
8. Christiani  
permittantur.*

III. Non minori disceptatione res agebatur de permutatione captivorum; Turcæ siquidem tria, aut quatuor suæ Nationis man-cipia unicō solūm captivō Christianō licitabantur, tantique facie-bant unum Christianum, ut eum tribus, quatuórve Turcis æqui-pararent, atque adeò ostenderent, quam vilia censerent gentis suæ capita. Ex adverso autem P. Redemptor tota mentis contentio-ne in id incubuit, ut singuli Christiani pro singulis Turcis per-mittarentur: Sed Hylam inclamavit, ut potè, qui post diurnas ver-bivitationes ægrè tandem im petravit, ut pro quindecim illis Tur-cis octo manumitterentur Christiani. Tandem post longam alter-cationem, quinque & quadraginta Christiani redempti fueront. Horum quinque solūm erant Austriaci (plures enim hujus Natio-

*In omnibus  
45. captivi re-  
dimuntur.*

Nationis, quidquid Pater conniteretur, obtinere non poterat) Hungari tredecim, cæteri verò e diversis Germaniæ Provinciis oriundi.

1696.

IV. Reliquum erat, ut, quod P. Redemptor ab Eminentissimo Cardinali Kolloniczio, & Consilio Bellico in mandatis habebat, catalogus texeretur omnium Christianorum captivorum in Belgradensi territorio existentium, quemadmodum superiùs insinuavimus. Verùm procul absuit, ut hac in re mos ei gereretur, cùm panicus timor ex inani suspicione ortus multos jam pervasisset, atque adeò nemo præsumeret captivorum calculum inire; interpretabantur enim meticuloſi Turcæ, Christianos hac arte eorum facultates scrutari, & res domesticas velle explorare, cùm eorum divitiæ præsertim consistant in mancipiis Christianis, & ille censeatur locupletior, qui plura possidet mancipia; quorum operâ pecuariam & agriculturam exercent, gens ipsa, si militiam demas, otio supra modum dedita; captivos autem tenui vilique victu, & nullis ferè sumptibus alunt, ac sibi lucrosis laboribus premunt. Ideoque nihil prorsus hac in re perfici potuit.

*Cur captivo-  
rum Indicem  
non potueris  
consequi.*

V. Mense Mayo Redemptionis negotiò ad finem jam vergente, postquam P. Redemptor quinque mensium intervallô innumera devorasset tædia, sustinuisse incommodates & ærumnas, Frater socius ardente febri correptus in discriminem venit importuno prorsus tempore: fuit hoc périnde, ac quod comuni fertur adagiò: *Inter casu & porrecta aliquid oneris addere.* Verùm id etiam DEO disponente P. Redemptori pro exercitatione patientiæ & meritorum augmento evenisse putandum est. Paucis diebus F. Ildephon-sus socius febris malignitate per momenta crescente ad extrema pervenisse videbatur, adeò, ut suscepit Ecclesiæ Sacramentis, quæ moribundis conferri solent, muniri debuerit. Non est facile dictu, quantoperè Patris animum inopinata hæc socii calamitas affixerit; ea sanè tam gravis illi accidit, ut priorum miseriarum penitus oblivisceretur, sensu toto præsentis mali imagine absorpto. Humanò itaque consiliò destitutus ad preces configit, quo asyli genere se semper contra novercantis fortunæ assultus tueri consueverat. Clementissimus autem DEUS, ut Rex Prophetarum loquitur: *Mortificat & vivificat, deducit ad inferos & reducit.* Vel, ut ipse P. Redemptor in suis ad hanc Redemptionem notis scriptum reliquit: *Minatur ut justus Iudeo, indulget ut piissimus Pater,* Fratrem socium graviter ægrotantem brevi temporis intercapidine pristinæ sanitati restituit; quod penè prodigium videbatur iis, qui paucis diebus antè illum cum morte luctantem conspexerant.

*Fr. Socius  
ægrotat.*

VI. Gratiis pro tanto beneficio Salvatori Numinis persolutis alacriter cum Redemptorum hominum manipulo Viennam repeterunt; quamvis in via, ubi nunquam absunt, non pauca ipsis incomoda exantlanda occurserint, quæ tamen omnia auxiliante Numine feliciter superaverunt. Igitur III. Nonas Julii in festa luce S. Barnabæ Apostoli e nostro Viennensi cœnobio ritu supplantium longo, decentique ordine ad persolvendas Sanctissimæ TRINITATI gratiarum actiones, ducta est processio, quæ cùm

*1. Reg. cap. 2.  
v. 6.*

*Sanitati mil-  
rabiliter resti-  
tuitur.*

*Viennam re-  
vectuntur.*

*Processionalis  
ordo & nova  
norma.*

1696.

in quibusdam circumstantiis diversum quid a prioribus habuerit, ut in rerum principiis fieri consuevit, ubi pro cuiusvis arbitratu res in varias formas finguntur, donec successu temporis constantior norma stabiliatur, paucis referre necessarium duxi. Praecedebat elata cruce puerorum & puellarum innocens turba, quæ in honorem Sanctissimæ TRINITATIS dulcissima carmina modulando spectatores universos tenerrimo quodam devotionis affectu imbuebat; parvolorum agmen sequebatur P. Redemptor labarum Redemptionis portans: post hunc gradiebantur redemptæ mulieres proles suas in ułnis gestantes, viri demum redempti omnes alta voce alternatim Beatissimæ Virginis DEIPARÆ, Matris Redemptoris, laudes e precatoriis globulis (Rosarium vocant) persolventes. Hos excipiebat cœtus Religiosorum nostrorum, qui triginta erant numerò, & notissimum ac devotum JESU NAZARENİ simulacrum super pegma lucentibüs cereis decenter ornatum in suorum medio humeris bajulabant. Agmen clausit devota utriusque sexus multitudo. Hoc ordine præcipuas urbis plateas transeuntes, postquam ad Colossum Sanctissimæ TRINITATIS in foro herbario pervenissent, omnes simul substiterunt, ubi rurus P. Isidorus a Visitatione noster ad circumfusam, spectaculi causâ, populi multitudinem magna cunctorum Auditorum approbatione elegantem patrio idiomate dixit orationem. Demum Hymnus Augustino-Ambrosianus ibidem inter exquisitos phonascorum modulos fuit decantatus, consuetisque precibus absolutus. Deinde nubibus obducto æthere densa pluvia ex alto decidit, ac si ipsum coelum pias fidelium devotionis sensu aliquatas lacrymas imitari voluisse: unde tota processio, eodem, quô venerat, ordine in Cathedralem S. Stephani Proto-Martyris Basilicam, indè non longe distantem se ad modicum tempus recepit, donec aëri nativa sua serenitas redivisset, qua succedente omnes tandem in forma supplicationis ad nostrum coenobium remeârunt.

Quidam heterodoxi convertuntur.

Regi Roman. nomina dedi- cantur.

Imperfecta pars cenobii Vicana perficitur, & novitii admittuntur.

VII. Hos inter redemptos septem fuere Lutheri, plures autem Calvini dogmatibus a puerō innutriti, qui hoc insigni charitatis opere commoti, & illustrati Salvificam CHRISTI veritatem maturius examinantes, fidem quoque Catholicam sunt amplexi; tres reliqui signa dederunt proximæ conversionis. Omnes tandem non contemnenda stipe in viaticum donati parentes & amicos revisuri, in patriam suam discesserunt. Nomina captivorum, e Turcarum servitute hac occasione liberatorum, inscripta sunt Serenissimo JOSEPHO I. Romanorum & Hungarorum Regi, eique pro hostimento nostræ gratitudinis oblata. Et sic quarta hæc Redemptio ad Sanctissimæ ac Individuæ TRINITATIS gloriam & honorem optato fine coronata fuit.

## C A P U T XV.

*Varia memorabilia hujus anni sexti & nonagesimi.*

I. **S**picilegium reliquorum hujus anni memorabilium eventuum inituro primò occurrit structura nostræ Ecclesiæ Viennensis, quæ cùm ob subsidiorum defectum lentiùs aliunde procederet,

super-

1696.

superveniente posteà graviore necessitate penitus ad tempus intermissa fuit; nonnulli enim e saeculo melioris notae adolescentes, dum Ordinis Institutum afflante DEO complecti discuperent, illis autem recipiendis numerus cellarum non sufficeret, eminentior ædificii pars, quæ haec tenus solum in magistralibus muris ruderiter consistebat, ampliandæ communi habitationi adaptata fuit, quatenus tyrones, quamprimum fieri posset, commoda haberent domicilia, in quibus spiritualis vitæ rudimenta condiscerent. Atque hoc pacto veterani Patres futuræ Ordinis successioni satis prospectum esse rebantur.

II. Ibidem memorato anno Liber, Ecclesiasticos Ordinis ritus in se continens, qui a nostris usitatè vocabulo *Manuale* dicitur, postquam ex Hispano in latinum idioma translatus fuisset, tandem hypothetarum operâ in lucem prodivit. Codex quoque, qui *Officia propria Festivitatum & Sanctorum* Ordinis nostri complectitur, eodem hoc anno typis Aghelianis excusus fuit, ut multiplicatis horum librorum exemplis multitudini fratrum quot annis magis accrescenti consuleretur.

III. Inter anni hujus infesta sequens eventus jure sibi locum postulat. Illavia temere quispiam Ordinis tyrocinio se adjunxit, corvus inter columbas, vestem, non vitam mutaverat dyscolus & refractarius; nullis amicorum precibüs, contubernalium exemplis, nec Superiorum piis monitis ad meliorem frugem reduci potuit, sanioris disciplinæ impatiens. Excusso tandem non post multos dies suavi CHRISTI jugo ad priorem redivit vitæ licentiam, & contemptis salutaribüs consiliis sclera sceleribüs auxit. Nec tamen diu vindicem Divinæ Nemesis manum effugit, sed paulo post in atrocibus flagitiis comprehensus, justo DEI, hominumque judicio, ut poenas criminibus commensas lueret, ad mortem damnatus, & ultimò affectus supplicio, corvis in escam cessit; idque in ipso juventutis flore, vix annos viginti natus. Nec novum hoc quis mirabitur, nisi qui hospes sit in Historiis; docuit enim frequens experientia, vocationem etiam qualemcumque temere deseruisse, raro bonum finem habuisse.

IV. Item apud Illavienses eodem anno recenter professis fratribus Collegium Philosophiae instituitur: Praeses vero hujus Cœnobii P. Josephus a Sanctissimo Sacramento, qui a limine fundationis singulari religiosæ conversationis exempli præfecturam gesserat, cum subesse potius, quam præesse cuperet, quæ erat insignis hujus viri humilitas, missionem flagitavit, quam tandem post iteratas preces ab Ordinis Majoribus extorsit potius, quam imperavit, in cuius locum successit alter P. Josephus a JESU Maria, qui Viennæ tyronum Magistrum haec tenus egerat; hic cum ad suos Illavienses Fratres plenas paterni amoris litteras præmisisset, in principio mensis Novembris Collegii regimen est auspicatus. Has inter blandientis, interdum autem sœvientis fortunæ vicissitudines præsens annus saeculi sextus & nonagesimus ad finem decurrit.

Ordinis Manuale & officia propria typis mandantur.

Vocationem deferentis supplicium.

Qui deferit vocationem raro bonum finem consequitur.

Illavia Philosophia prælegitur.

Collegii Praeses unus resignat, alte succedit.

1697.

## C A P U T XVI.

*Augustissima Domus Austriaca Viennæ Albo Confratrum nostri Sacri Ordinis adscribitur.*

Nostræ Confraternitati  
adscribuntur  
Augustissimæ Ma-  
jestates.

I. **I**Nsequitur annus CHRISTI millesimus sexcentesimus nonagesimus septimus, in cuius exordio sub hybernis frigoribus, quæ hōc anno vehementius inhorrerant, & diutiū asperitatem suam protraxerant, calor tamen pietatis in cordibus fidelium magis etiam exarsit, & inter frequentia domi consilia non vacabant foris nostri a negotiorum studiis. Accessit autem in ipso hujus anni ferè vestibulo insigne decus Ordini nostro, Augusta nimirum nomina Augustissimæ Domus Austriacæ, syllabo confratrum Ordinis nostri addita; LEOPOLDUS siquidem I. Gloriosissimæ Memoriæ Romanorum Imperator nativa propensione in omnem pietatem pronus, quæ ei non minus agnomentum PII, quam gestorum præstantia MAGNI peperit, ut Sanctissimæ TRINITATIS favoribüs largius perfunderetur, Ordinis Trinitarii Confrater effici voluit. Nec privata sua erga hoc Divinissimum Mysterium devotione contentus, totam Augustissimam Domum, Stirpemque Suam ad id consilium suscipiendum permovit, quatenus TRIUNIUS DEITATIS Majestas, cujus se humilem servum alibi in publico urbis loco scripserat, consona Austriacæ Familiæ religione amplius, uberiorisque glorificaretur. Hōc igitur anno die XXIV. mensis Februarii, quæ primam Quadragesimalis jejunii Dominicam Ecclesiæ induxerat, Augustissimus Imperator Augustissimæ Dexteræ Nomen suum cum Tesseræ magno Confraternitatis nostræ Libro inscrisit; quam pietatem omnes, qui sub idem tempus ex Augustissima Stirpe & Progenie aderant, secuti sunt, ut videre licet in peculiaribus ejusdem Libri foliis sequenti formâ.

Confilio & Industriâ.

LEOPOLDUS.

Fortunante DEO.

ELEONORA MAGDALENA THERESIA.

Amore & Timore.

JOSEPHUS.

Patrum Virtute.

CAROLUS.

Pietate & Charitate.

MARIA ELISABETHA.

MARIA JOSEPHA ARCHI-DUX AUSTRIÆ.

MARIA MAGDALENA ARHI-DUX AUSTRIÆ.

MARIA ANNA ARCHI-DUX AUSTRIÆ.

II. Hæc Magna Nomina in uno eodemque dicti Libri folio, elegantibus picturis & Cæsareis Insignibus ornato exarata conspi- ciuntur: in alio vero folio variis similiter picturis conspicuo pa- rili pietatis ardore nomina sua scripserunt alii Augustæ hujus Stir- pis Surculi, & imprimis quidem Serenissima D. ELEONORA Im- peratoris LEOPOLDI I. Soror, Regina Poloniarum, & eo tem- pore Serenissimi CAROLI V. Dux Lotharingiae Vidua, ejusdém- que Serenissimi Filii in hunc modum:

1697.

Inscribunt se  
& cæteri Prin-  
cipes, qui ade-  
rant.

**In DEO Solatium.**

**ELEONORA.**

**DEO Duce, Virtute Comite.**

**JOSEPHUS LOTHARINGIAE PRINCEPS.**

**FRANCISCUS LOTHARINGIAE PRINCEPS.**

**LEOPOLDUS DUX LOTHARINGIAE.**

**CAROLUS DUX LOTHARINGIAE.**

Eandem pietatem ad hæc usque tempora nihil remissò devotionis studiò Augustissima hæc prosapia retinet.

III. Porro candidum illud tegmen bicolore Ordinis cruce insi- gnatum, quod scapulare vulgo nominant, tanquam genuinam & vetustissimam Tesseram Trinitariæ Confraternitatis Augustissimis Majestatibus, atque Serenissimis Confratribus, Sororibusque P. Joannes a Cruce noster singulari sanè felicitate consuetis ritibus imposuit. Fortuna hæc fuit, & gratia cui similis nemini ad illa usque tempora Religiosorum nostrorum obtigit, cum nullus ante ipsum gloriari potuerit, se hujusmodi officium Imperatori Roma- norum exhibuisse; quæ gloriâ certè nulla major in terris Ordini potuit conciliari. Ex eo tempore statis illis quinque per annum die- bus, in quibus pro recepta Ordinis antiqua consuetudine, atque Sedi Apostolicæ privilegio *Absolutio Generalis Sacræ Religionis nostræ Confratribus impeditur*, nostri Cæsaream Aulam accedunt, & inter solemnes comprecationes Augustissimas Majestates, Serenissimos Principes & Archi-Duces tanquam Confratres & Sorores Or- dinis nostri omnium bonorum operum, Sacrificiorum, spiritua- lium exercitationum, laborum etiam pro redimendis captivis suscep- torum, aliorumque recte factorum & meritorum, quæ per DEI gratiam in Ordine nostro fiunt, juxta Privilegiorum Apostolicorum tenorem, ac Sanctæ Sedis Apostolicæ dispositionem participes effi- ciunt ad Sanctissimæ TRINITATIS honorem & gloriam.

Imponitur  
Scapulare te-  
gimen.

Absolutio  
Generalis im-  
peditur.

## C A P U T XVII.

*Illaviensis nostri Collegii visitatio, loci ejusdem in-  
commodis consulitur. In conflagrationis ibidem  
periculo mira DEI Protectio.*

I. Ineunte Vere, cum hybernum tempus rigorem suum jam re-  
misisset, & Cœlum mitiori aëre nostrum hemisphærium

Illavien-  
sis  
Collegii viii  
tatio.

1697. exhilarasset, P. Josephus a Matre DEI Commissarius Generalis, & Viennensis nostri cœnobii Minister Collegium Illaviense secundum Ordinis statuta visitare decrevit, quò cum exeunte Aprili pervenisset, ut spirituali fratrum suorum profectui consuleret, singulos cœnobitas singillatim accersit, ut eorum candida relatione disceret, quid in hoc loco corrigendum, quidve stabiendum foret. Comperta verò eorundem religione, ac pietate impensè illos est cohortatus, ut in via salutis constanter persisterent, & ad perfectiora se extendentes in omni virtutum genere magis etiam se exercent, sermone ad hunc finem usus efficace, prout ad cuiusvis genii aut virium diversitatem opus fuit. Domesticis deinde negotiis in discussionem adductis reperit præter alias plures molestias, quæ regularis vitæ disciplinæ incommodabant, summam loci difficultatem; illa námque habitatio, quam religiosi incolebant, temporaria solùm fuerat, videlicet usque dum alio in loco monasterium construeretur. Stabat in vicinia vetus castrum ob ruinas, squalorem & situm adeò deforme, ut reputaretur prorsus inhabitabile, soricum, glirium & vespertilionum tutum receptaculum, quod ingredientibus movebat horrorem, insuper & nocturnis lemurum ac spectrorum tumultibūs infame passim ferrebatur. Cæterūm quia locus intra oppidum struendo monasterio aptus nullibi reperiebatur, putabant aliqui, ædificium cœnobii in proximam camporum planitiem esse transferendum; sed & hic quoque absterrebant pericula grassatorum, quibūs locus ab oppido parūm remotior expositus manebat, atque adeò vel solo situ rapaces latronum manus ad opulentam prædam invitabat. Acuebat timorem, quòd sub idem tempus collectitia perditorum hominum turba cum suo duce diceretur inter nemorum recessus latitare, viatores tensis insidiis aggredi & spoliare, plerosque interimere, per omnem viciniam in ditiorum ædes grassari, parœcias nocturno tempore effractis postibūs perrumpere, & æruscandi causâ homines exquisitis tormentis subjicere. Quid autem de hoc solitario conventu fieret? si populus in seditionem concitaretur? si tumultus & bella orirentur? quæ mala in hac regione non sunt infrequentia; quod etiam clanculum per ora hominum circumferebatur, & quemadmodum flamma non procul abest a fumo, ita post paucos annos hunc rumorem subsecuta sunt prælia, pluriūmque cædes: igitur nunc eligendum esse, quod fuisset prævidendum. Tot difficultatum involucris præsentis quæstionis status erat circumseptus.

*Vetus castrum inhabitabile.*

*Pericula ob grassatores & imminentia bella.*

*Insuperabiles aliæ loci difficultates.*

II. Curâ deinde ad Religiosorum habitationem conversâ, P. Visitator, cùm singulos domus angulos perlustrasset, suîmet oculis vidi ingentes ærumnas, quibūs singuli in hoc malè materialo domicilio conflictabantur. Satis autem agnoscebat, fieri non posse, ut eas sinè aperto sanitatis detrimento, imò & vitæ discriminatione diutiùs toleraremus; siquidem Ordini cognata paupertas, aliæque austeriorates malum augebant, & hyberno præsertim tempore exitium nobis intentabant. Nam præter extimos parietes cætera tignis, tabulisque compacta vetustate & carie fatiscebant, frigoribus undi-

1697.

undique pervia sic, ut quandoque noctu lumen in mensulis ventorum afflatu extingueretur. Quocunque se quis verteret, præter alias perpetuas incommoditates exiguum aut nullum reperiebat adversus gelu munimen. Quamvis enim P. Præses lignum affatim suppeditaret, totaque die continuè fornax arderet, & sèpè ad instar candardis ferri exardesceret, frigus tamen juxta parietes prædominabatur, & fenestræ die noctuque glacie obductæ rigebant. Obsonium e foco in triclinium patellis delatum, subito calorem remisit, potus inter edendum vertebatur in glaciem, cuius crustas dentibus comminuentes (dictu mirabile) potum masticare, ac mandere potius, quam bibere videbamur. Vix dici, minus autem credi potest, quantas calamitates aliquot mensium decursu habitantes ibi pauperes CHRISTI invictò animo pertulerint. Nōrunt, qui etiamnum inter vivos agunt, & miserias illas coram intuiti fuerunt, me nihil per exaggerationem scripsisse, & fortassis parcìus, quam ærumnarum magnitudo postulabat, ejus loci difficultates enarrasse.

III. Cæterum licet nobis omnia adeò angusta & incommoda essent, nihil tamen de consueto Collegiorum rigore remittebatur, aut ratione quavis indulgebatur: tertia post mediam noctem horâ, cum vix quatuor vel ad summum quinque horis corpus necessariò somnò refocillasset, de strato surgere, & codicibus incumbere adigebantur omnes, nulla proficiente tenelle juventutis, aut diurni laboris excusatione. Divinæ solùm gratiæ & Clementissimæ protectioni Numinis tribuitur, quod in tanta vitæ austeritate nemo nostrum occubuerit, quinimò neque graviter decubuerit, sani omnes, etsi vultu non nihil palloris præferrent, constanter permanerant, parati plures pro DEO & sacra Religione labores & ærumnas tolerare. Nemo molliter ingemuit, nemo ad sæculi illecebras respexit, nemo in decurrendo virtutis stadio segnior evasit, tam magnò carnis edomandæ desiderio omnes æstuabant, DEO vires cœlesti munere mirabiliter suppeditante, qui athletas suos tantò copiosius supernis confirmavit deliciis, quanto magis illos avulserat a terrenis commoditatibus.

IV. Et sancè prodigo similis fuit aliquo in casu luculenta Superum tutela, ut nunc narrare aggredior. Kalendis Februarii, in ipso pervigilio festi *Candelarum*, sive DEIPARÆ Virginis Purificatæ ex fratribus quidam vitam activam professus eadem noctis horâ, quâ cæteri Religiosi lectulos somni causâ petebant, grandius conclave, Collegarum habitationi proximum, quod viride antiquitus nominabatur, pertransire necesse habuit. Servabantur ibidem præter alia utensilia candelæ, quibus adhærebat arcula, in quam reponebantur defluvia candelarum, quæ hic de sebo, seu boum pinguedine plasmatantur. Ex hac arcula dictus frater minutam candelæ particulam deprompsit, ut eâ accensâ lucem haberet, ne alicubi in tenebris impingeret. Negotiò absolutò, dum in redditu idem conclave perambulat, oris flatu lumen restinguuit, & candelæ reliquum in eandem arculam, ubi sebum collectum erat, projicit, ac deinde frigoris acrimoniâ victus festinanter in suam cel-

Regularis ob-  
servantia in  
pleno tigore.

Manifesta  
Numinis pro-  
tectione refer-  
tur.

1697. cellam contendit. Sed dum candelam, quam extinctam putabat, inconsultè projicit, in ipso jactu lychnus, etiamnum scintillans, a motu & ambiente aëre, quasi anhelitu adjutus, pristinum ignem concepit, & flammula resuscitata fuit, fratre id minimè adverte- te. Cæteri quiescebant jam omnes absque ulla sinistri alicujus even- tū suspicione, vel cura. Nec mora: ignis in sebo alimentum na- etus protinus vim suam exercere, & in ipsam ligneam capsam, tanquam aptissimum incendii pabulum grassari. Comburitur ita- que arcula, vicinæ verò candelæ, quæ in usum longi temporis denso ordine ibi asservabantur, flammæ calore liquefcunt, & de- fluunt. In cineres redactâ arculâ (quæ plùs damni dedisset, ni- si propitiâ fortunâ in muro stetisset) ligneum tamen tabulatum, olim pro musicis ad exhilarandos convivas constructum, quod supra combustam arculam prominebat, intactum perman- fit, nisi quòd fumus atra fuligine illud undique obduxerit. Carbo- nes tamen exustæ arculæ in pavimentum ligneum delapsi haud pau- lò plus damni & periculi creaverunt; pavimentum enim candelarum pinguedine largè perfusum ignem facile concepit, flammisque circumfusum sebum avidè lambentibûs, totum conflagravit. Huic subjecti erant lignei gradus, qui viam ad equile forinsecus pande- bant. Ad hos quoque flammæ deciderant & carbones; sed, quod mireris, inter fœnum & stramen, gradibus instratum, ardentes ad- huc manè carbones innoxii substiterunt; sopore nocturno Reli- giosis ex diurna lassitudine ità oppressis, ut nemo eorum fumi ni- dore expergisceretur, aut immane periculum adverteret. Ante autoram, dum fratres horâ consuetâ a somno excitantur, fortui- tò contigit, ut quidam ex nostris idem conclave pertransire vellet. Lucebant adhuc in tenebris ad terrorem ardentes carbones & pa- vimenti exustum foramen figurâ sphæricâ hiabat, scintillæ verò su- per inferiores gradus ligneos ad equile inter fœnum & stramen ja- cebant indemnes. Ad ignis periculum Religiosus ille attonitus in amphoris allatâ aquâ restantes carbones extinxit, atque hac ratio- ne ulteriori periculo obicem posuit. Misericordia Domini fuit, quòd ea nocte non omnia conflagraverint, aut gravius nullum damnum acciderit. Profectò ex tot periculorum indicis, quæ sub ortu diei clarius conspeximus, si unquam aliàs Divini Numinis, Divæque Virginis DEIPARÆ protectio patuit, quæ quidem in hoc Marianæ Solemnitatis pervigilio tantò evidentiùs resplende- bat, quantò tectiùs erat discrimin. Laudes sint Altissimo DEO Protectori nostro debitâque pro tutelâ beneficio gratiarum actio.

## C A P U T XVIII.

*Dum agitur de Illaviensis cœnobii in alium locum  
sive civitatem translatione, mirabiliter succedit vete-  
ris ibidem castri Donatio. Cœnobium construi cœ-  
ptum suberto tumultu interturbatur.*

Confilia de  
transferenda  
Illaviensis Fun-  
datione.

I. **I**gitur cùm P. Commissarius Generalis solicitudinum ponde- re pressus in varias abiret cogitationes, qua ratione, aut

mo-

1697.

modo tot malis opportunè mederetur, statuit aliorum consilia, ut securius in hoc perplexo negotio procederet, singillatim exquirere. Atque in hunc finem P. Præsidem Illaviensis Collegii secum Viennam adduxit, ad quem, velut immediatum Superiorem, de jure pertinebat quæstionem proponere, ac statum rei edocere. Coacto Patrum, ad hanc causam decidendam peculiariter electorum, conciliō istud præcipue in deliberationem venit, an Illaviensis Fundatio propter multas loci & sitū difficultates, ac deinceps complura emersura incommoda Posonium Hungariæ civitatem esset transferenda? Id suadebat imprimis locorum propinquitas, cum Vienna Posoniō vix unius diei itinere dispescatur. Accedebat ad statumen hujus opinionis Posonii nobilitas, tanquam Urbis Liberæ Regiæque, populo refertæ, Tribunalibūs, Magistratibūs, aliisque plurimis titulīs inclytæ, ut proinde omnes ferè in hanc sententiam manibūs, ut ajunt, pedibūsque concesserint. Unus dunt taxat repertus est, qui contrariæ opinionis patrocinium suscep- ret. Hic itaque multis rationibūs persuadere conatus est, Conven- tum Illaviā non esse dimovendum, cum Posonii fundatio novicœ- nobii haud difficulter impetrari queat. Hujus licet clara esset au- toritas, unus solùm ei adhæsit, sub hac tamen conditione, si al- terius Conventūs Posonii certior spes affulgeret. Reliqui, quod crederent, difficilius esse fundationem in hac urbe impetrare, quam ejus spe se lactare, in priore sensu suo perstiterunt. Veruntamen cum decretoria hujuscemodi negotiorum resolutio secundūm Or- dinis constitutiones ad nostrum Generale Definitorium de jure per- tineat, eò scripserunt, longaque epistolā rationes in utramque partem accuratè exposuerunt, ut Patres Definitores Generales plenam & perfectam hujus cause haberent cognitionem. Nemo dubitabat Definitorium Generale Conventūs translationi facile af- sensurum.

II. Sed, O! mira Superūm Providentia. Dum ferè omnes eò contendunt, & validissimis rationibūs evincere conantur, ut fun- datio Illaviensis Posonium transferatur, DEO, ut piè creditur, conatus intercipiente ( ille namque corda hominum pro libitu re- git, eorūque consilia, ubi, & quandocunque sibi placet, no- vit avertere ) omnia alia protinus evenerunt ; eadem siquidem die, quā Patres opinionum varietate maximè inter se depugnabant, ope cœlesti affulgente rei status mirabiliter immutatus fuit; cum enim mensibūs duobūs, & quod excedit, a Definitorio Genera- li expectandum esset responsum, idem P. Præses Illaviensis, suo sa- tisfacturus muneri, cogitavit ad hoc tempus interim Illaviam re- verti : prius tamen, ut par erat, invisere voluit, & officiosè ve- nerari Excellentissimum Comitem Breünerum Compatronum no- strum, eidēque sua obsequia deferre, ut si forte quid suis Illa- viam imperandum occurreret, sibi eò properanti posset insinua- re. Pater ad Comitis alloquium admissus singularis benevolentie signis excipitur : peractis salutationum officiis Comes sciscitatur, num brevi Illaviensis monasterii fabricam esset inchoaturus? Cui Pater respondit, se quidem impediō ejus rei desideriō tangi, sed

Repente mu-  
tantur consil-  
lia.

1697. cùm aliorum Patrum , ex quibus ille se minimum profitebatur , sententia huic proposito adverfaretur , sibi integrum non esse ab eorum voluntate desciscere. Quid igitur , replicat Comes , intendunt Patres ? Ad quod P. Præses , ut res erat , candidè reposuit , Fundationem , inquit , illam Posonium transferre volunt , atque ibidem in situ commodiore Monasterium stabilire. Inexpectata hæc prorsus fuit Comiti responsio , & peregrina novitas , utpote , cui nihil magè in votis erat , quām ut Patres nostri Illaviæ firmum domicilium figerent , cœnobiumque construerent. Ergo dum Comes perplexus hæsitat , & meditabundo similis aliquamdiu conticescit , P. Præsidi Numinis , ut creditur , inspirantis Clementiā egregium consilium in mentem venit , de quo ille priùs nunquam cogitaverat , sed neque tunc se consecuturum speraverat : ne tamē bellam adeò occasionem muginando negligeret , Comiti in hunc modum , utū res etiam cederet , suam mentem aperuit : Excellentissime Domine Comes , nonnè magnæ prærogativæ , felicitatis , atque privilegii habendum effet loco , si quis Princeps aut Dynasta in ipso suo domestico palatio possideret Religiosorum cœnobium , in quo Divinæ persolverentur laudes , & continuò pro ejus salute , ipsiusque Familiae prosperitate DEO preces funderentur ? Cui Comes : Exemplum hujusmodi est ignotum mihi , opinor autem , id difficile posse contingere. Ad quæ Pater insignem illam Cordubensis Philosophi sententiam argutè retor-  
anneta Epif. 104.  
 fit , atque ex ea sermonem suum ità pertexuit : *Multa , non quia difficultia sunt , non audemus , sed quia non audemus , difficultia sunt. Si veterem areem Illaviæ situ & squalore indies magis in ruinas vergentem Vestra Excellentia nobis cedere auderet , mibi haudquam effet difficile illam in elegans monasterium transformare , ubi Religiōsi pro salute Excellentiae Vestrae , totiusque Nobilissimae Stirpis temporali ac aeterna felicitate Divinam excorarent TRINITATEM.* Et alia , quæ ad hanc rem facere videbantur. Hæc propositio Comiti magnopere placuit ; jussit itaque confessim Excellentissimam conjugem suam accersi , quæ , cùm in ejus conspectum venisset , & rem intellexisset , ut & ipsa quoque nos Illaviæ retineret , in eandem protinus abivit sententiam. Nec post multa verba parili consensu Excellentissimi Comites in singularis favoris argumentum P. Præsidi , plusquā ipse petierat , aut sperare ausus fuerat , illam veterem arcem cum contiguis fossis , & vicino Dominorum horto liberally donaverunt. Iste verò latus in Conventum reversus , Patribus hilari animo exposuit , quæ nunc primū a Comitibus audiverat. Mirabantur omnes , & inopinatō nunciō attoniti , vix , & ne vix quidem præ gaudio se capere , aut credere poterant , sibi tam insigne beneficium obtigisse. Evanuit tunc subito disrepan-  
 tium sententiarum conflictus , & omissis ad Definitorium Generale litteris , in eandem Donationem prona universorum suffragia concederunt. Sequenti luce P. Commissarius Generalis duos Religiosos , videlicet P. Josephum a Sanctissimo Sacramento , qui anno elapsō , ut superius retuli , Illaviæ Præsidis munus refi- gnaverat , & apud laudatos Comites ob vitæ sanctimoniam ,

con-

1697.

conceptamque de ipsius præclaris virtutibus existimationem plurimum gratiam valebat, & P. Isidorum a Visitatione, primum ex Alemanis professum, nec non sub idem tempus in nostra Ecclesia Viennensi Concionatorem ad prædictos Comites alegavit, qui totius Ordinis nomine debitas pro tanto munere persolverent gratiarum actiones. Hos Religiosos nostros Excellentissimi Comites benevolè exceperunt, & promissæ arcis donationem plurimis verbis confirmârunt.

III. Porro ne feliciter, & benè cœptis mora in perficiendis periculum crearet, aut cunctatio, ut fieri afolet, nova producet impedimenta & obstacula; donatio enim huic innitebatur conditioni, si super arcis ruinas cœnobium construi posset, Pater Præses præcipitato itinere Illaviam contendit, ut arcis illius statum sedulò exploraret, & quid illa ruderum congeries utilitatis polliceretur, præsens cognosceret. Posonium pertransiens hominem investigavit artis Architectonicæ peritum, eumque secum Illaviam abduxit, cujus operâ in hoc negotio uteretur. Inspectis igitur muris, consideratis ruinis, lustratisque fundamentis, quid valeant? quid ferre recusent? aut quem usum novo ædificio exhibere possent? quid removendum? quid superstruendum? ad libellam & artis regulas sollicitè discutitur. Diebus omnino non amplius quinque veteris fabricæ, & novi superstruendi cœnobii, diversis, ut mos est, signis & coloribus ab Architecto celeriter confecta fuit Ichnographia. His peractis Pater, ratus ferrum esse cundendum, dum calet, & omnem moram bonis successibus perniciem afflare, cum eodem Architecto, alteroque Religioso in societatem viæ assumpto rursus Viennam properavit; maluit enim vir impiger ipse, quod incepérat, negotium perficere, quam alterius periculo rem maximi momenti committere. Ichnographicam ædificii descriptionem secum adfert, & alterum Comitis alloquium non gravatè impetrat, elucubratam Illaviensis cœnobii fabricam in ichnographicis tabulis exhibit, ac minutim exponit, quæ di-ruenda, quæ superstruenda, & quæ funditus sint excitanda. Omnia ista Comitibus probabantur, & quia hæc delineatio non magnos sumptus exigebat, Patris laudabant industriam, qui tantò compendiò utriusque partis œconomiae consuluerat; hōc nāmque pacto Comites ab alio, ut convenerat, situ assignando eximebantur, & arx indies magis ruitura ædificabatur in cœnobii formam, alias ad Kalendas Græcas, ut cum Octavio Cæsare loquar, restauranda. Sic demum facilius Comites voto suo, nostroque factum iri satis arbitrabantur.

IV. Per Quatrium tota res sèpiùs in examen vocabatur, & cum prudentibus ac rerum peritissimis de eadem consultabatur, donec omnes, quæ suboriri poterant, difficultates complanatae fuissent. Ad perpetuam igitur stabilèmque Donationis memoriam conceptis verbis, & insertis ultro citroque pactis Litteræ Donationis confectæ, signatæ & expeditæ fuerunt die XXX, mensis Maji, felici auspicio in festo S. Felicis Papæ & Martyris, quarum formam nunc subjicio:

Ex veteri arce  
conventūs  
idea formatur.

*litteræ  
donationis  
conficiuntur.*

Litteræ do-  
nationis con-  
ficiuntur.

1697.

Quandoquidem ad tenorem istius cum Admodum Reverendis Patribus Sanctissimae TRINITATIS de Redemptione captivorum initi & celebrati contractus Eisdem locus pro aedificanda Ecclesia, exstruendo Conventu & horto excolendo commodus & congruus dandus & assignandus esset, commodior autem, securiorque alias Arce interiori antiqua Illavia vix reperibilis; hinc ad majorem DEI gloriam eandem in sua circumferentia in Conventum efformandam, Ecclesiamque illi annexandam una cum horto Arci predictae contiguo damus & assignamus, reservatis tamen pro usu, necessitatique nostra, Posteriorum nostrorum fossato cellariò, granariò, & fonte seu putato, qui juxta conceptum Architecti Arci interiori minus deservire nequiret, hinc mentionati Reverendi Patres alium suis sumptibus pro usu Dominorum in arce exteriori fodiendum & exstruendum promiserant, seseque obligant, horum vigore & testimonio, manente ceterum primævo cum Patribus Reverendis facto contractu in omnibus suis punctis & clausulis inviolabiliter servandis ille so & illibato.

Viennæ 30. Maii Anno 1697.

(L.S.) Sigefridus Christophorus Breüner.

(L.S.) Maria Barbara Breünerin.  
Eine Gebohrne Breünerin.

Ad Illavia-  
nas cœnobii fa-  
briam omnia  
disponuntur.

V. Hæc uno mense feliciter peracta, imò paucis diebus præter omnium expectationem obtenta fuerunt, quæ multis annis aliæ haud sperare potuissemus. Et ô rem miram! Eo tempore, quo nostri de Illaviensis cœnobii structura aut translatione disceptabant, Divinæ factum est Providentiæ, ut ibidem paulò post diuidium cœnobium, & quod supereft, jam constructum viderent. Nemo erat, qui tam subitam rerum mutationem non aspiceret tanquam opus Dexteræ Excelsi, ut proinde hæc Donatio in omnibus Religiosis, primò Viennæ, Illaviæ deinde incenarrabile gaudium excitaverit, eosdémque ad ferventius persolvendas Sanctissimæ TRINITATI laudes & gratiarum actiones excitaverit. Nihil aliud jam restabat, nisi manum operi admovere, nec erat, quod ad auspicandam Illaviensis cœnobii structuram primum inclinatumque Patris Præsidis animum remorari posset. Viennæ igitur sarculis, ligonibus, bipaliis, & arietibus ad demoliendos inutiles parietes, ac omni reliquo muralium instrumentorum apparatu coempto Pater ad opus incipiendum confessim Illaviam properavit, eoque V. Junii pervenit, quem paulò post subsecutus est Architectus magnam operariorum manum secum adducens. His Illaviam delatis, Donatio veteris Arcis promulgatur, & quia novi cœnobii ædificium propedièm inchoandum erat, jubetur, ut celerius removeantur impedimenta; Arx enim tota repleta fuit oppidanorum utensilibus, quæ majoris securitatis ergo huc

com-

1697.

comportaverant. Cunctis itaque indicatum fuit, ut rebus suis intra breve tempus prospicerent; nam si ultra præfixum temporis terminum cunctarentur, culpæ suæ imputarent, si quid aliorum abstrahi contigerit. Ergo die X. Junii volventis anni septimi & nonagesimi multorum manib[us] operi datur initium, & imprimis quidem, quæ obſtabant, removentur, labantia tecta solvuntur, & dejiciuntur, ut incolæ, qui magnâ ſocordiâ ſarcinarum ſuarum asportationem haetenus diffulerant, cum rem jam non fitē agi viderent, feriò de illis transferendis cogitare cœperint, ne eorum utensilia direptioni paterent. Concurrit proinde ingens agrestium turba ex omni vicinia, oppidani, paganique, arcas ſuas & ſarcinas tollunt, totamque arcem impedimentis evanuant. Spectatu dignum erat & jucundum; viſa nāmque referto, quo ardore omnes fatigabantur. Impellebatur unus ab altero, alii per conductos bajulos accelerato gressu ſua efferebant, alii quidpiam trahebant, alii volvebant aliud: grandis inter confertam multitudinem erat vociferatio, strepitusque res ſuas repetentium; hinc & inde operantium concursatio, stridor, fragorque, dum ſuo quique munere perfunguntur. His igitur impedimentis sublati colonetæ acrius labori incubuerunt, dejectisque veteribus parietibus, aliisque a ſitū ſqualore repurgatis nihil in ſe desiderari paſſi ſunt, quō minus ſtructura celeri progreſſu consummaretur, & arx illa intra breve tempus diversam a priore formam indueret.

VI. Verū dum cæmentarii in opere maximè fervent, novosque paries veteribus ſubſtituunt, ſubortus repente tumultus ædificationem ſufflaminavit. Sub idem namque tempus in ſuperiori Hungaria, quib[us]dam res novas molientibus, data & quæſita occaſione, ex parva ſcintilla non parva ſeditionis flamma prorupit, cui nī mature prospectum fuifet, multo cruore incendium extingui non potuifet, ideoque Illaviæ, & ubicunque hujus ſeditionis fama increbuerat, omnes magna conſternatione perculsi trepidarunt. Plerique operariorum noſtrorum indignæ mortis metu ſunt dilapſi, ceſſatum ab ædificatione, & quæ moveri poterant, in loca munitiora deportata fuerunt. Quintā Julii Fratrum noſtrorum pars Trenchinum dimittitur, alii trans Vagum fluvium jufſi ſunt migrate ad arcem Leoninam, ſive Leonis Lapidem, vulgo Oroslankam dicunt, quæ in altissima rupe de ipſis ruſibus olim excavata & fabricata fuit, P. Præſide cum uno altero ve Religioso Illaviæ ſubſtente, donec quid ulterius fit agendum, res ipſa doceret. Non tamen diu duravit hic turbo, ut uſuvenit in repentinis motibus, aut tempeſtate; nam Cæſareæ cohorteſ ad diſcrimen propulsandum celerius, quam factioſi credidiffent, congregatæ ulteriori plebis defectioni aggerem oppoſuerunt. Sic malum in herba ſucciſum eſt, & regione pacata noſtri Illaviam reverſi fuerunt, ibidemque intermiſſam tantisper cœnobii ſtructam novo fervore urgere cœperunt.

*Exorta ſedi-  
tione opus  
turbatur.*

*Ædificatio-  
ne pacata  
affumitur.*

1697.

## C A P U T X I X.

*Illaviensis Arcis & Oppidi succincta Topographia.*

*Arx Illavie-*  
*fis olim mo-*  
*nasterium*  
*Templarie.*  
FRIB.

*Exiitum mu-*  
*nimentis.*

*Fisco cedit,*  
*& inde Breü-*  
*nerianis Co-*  
*munitibus.*

*S. Augustini*  
*Lib. Medic. 8.*

I. **V**etus Illaviense Castrum, quod hodiè a nostris inhabitatur, antiquitus, ut fertur multorum traditione, monasterium sive statio fuit Equitum Templi. Idipsum rudera testabantur, quæ in loco, ubi nunc coenaculum constructum est, cujusdam non ignobilis templi vestigia exhibebant. Postquam verò in Viennensi Galliæ Concilio instanti Philippo Pulchro Francorum Rege a Clemente V. Pontifice Ordo eorundem proscriptus fuisset, varios successivis temporibüs Illavia Dominos habuit. Subinde quod receptaculum hostibus præberet, Arx Cæsaris jussu a Strasoldo Comite subiecto pyrio pulvere quibusdam in partibus, quæ obsidetibus moram injicere potuissent, diruta, convulsisque munimentis ad defensionem inutilis effecta est. Retinet tamen etiamnum talem statum, ut subitanas hostium incursionses & tumultuarios assultus fossarum sepimentō eludere queat. Ad extremum tota dictio Illaviensis Regio ærario sive Fisco cessit, unde eam sibi cum reliquis latifundiis Comites Breüneriani compararunt, qui illam nunc hæreditario jure possident.

*Veteres arcis*  
*Inscriptiones.*

II. Supra majorem Arcis portam versus meridiem, quâ ponte subilio trans fossam aditus pandebatur, legebantur nonnullæ inscriptiones uncialibüs litteris in pariete exaratæ, quæ, ut apparet, ex Libro Meditationum S. Augustini Episcopi Ecclesiæ Doctoris, mutatis tamen nonnihil verbis depromptæ fuerunt, videlicet: *Magna est mea iniustitia, satis verò major Redemptoris Justitia.* Item ibidem in alio loco: *Quanto superior est DEUS homine, tanto inferior est malitia mea ejus bonitate.* Ac iterum: *Quid enim deliquit homo, quod non redemerit Filius DEI factus homo.* Et demum:

M. D. XCII.

DAVID PSAL. L.

*Nunc tibi nulla magis cordi sunt sacra, nec ullum  
Gratiæ est animæ se cruciante sacrum.*

*Inscriptiones*  
*sectiæ Ordin-*  
*ariæ N. desig-*  
*nant.*

Quis inscriptiones istas conceperit, obscurum etiamnum manet, ac ambiguum; si tamen ariolari licet, arbitror, ea ex calamo cuiusdam Sectarii profluxisse, qui, ut tanto majorem peccandi licentiam sibi aperiret, hæc verba in reprobum sensum detorsit, ut sauciam, latrantemque conscientiam suam horum verborum intuitu, velut objectâ quâdam offâ placaret, cum sèpè hujusmodi verba inter pocula ructare soleant illi, qui majorem vitæ licentiam assertantur. Non tamen difficile admodum, aut operosum erit, ex his ipsis verbis in meliori sensu acceptis omen eruere, quò licet scriptor eorum nihil minus cogitaverit, portendebatur, arcam hanc aliquando in Domicilium Ordinis Sanctissimæ TRINITATIS de Redemptione captivorum conversum iri; in prioribus namque sententiis crebriùs *Redemptionis* mentio occurrit. Dystichon autem illis verbis subiectum rigidioris vitæ vaticinium censeri

PO

poteſt, quorum utrumque nunc in illa domo vel maximè floret. Non libet tamen variis conjecturis, quas aliquis non immerito ingeniorum equuleos nominare posset, cerebrum torquere, cùm inscriptiones illæ nova succedente ſtructura pridem ſint abolitæ. Satis eſt earum memoriam aliqualiter conservâſſe.

1697.

III. Cæterùm Illavia & arcem exteriorem habet, quæ ver-  
ſus Meridiem procurrens eadem ex parte nostrum cœnobium am-  
bit. Colliculo adhæret in ſitu commodo & per amœno; ſectis la-  
pidibus innititur, ne exundantis fluvii Vagi vehementiā ſubrua-  
tur. Domicilium h̄ic eſt Comitum Breünerianorum & eorundem  
ſuccelforum, dum Illaviæ ſubſiftunt. Frequenter ibidem ob loci  
commoditatē celerabantur Nobilium Virorum congreſſus, ſive  
de publicis negotiis agendum, ſive de partitione communium one-  
rum traſtantum eſſet. Oppidum autem iſum nec ſpatiosum ad-  
modūm, nec angustum eſt, centum circiter domos ſuō gremiō  
complectens. Unicum duntaxat Templum Parochiale obtinet.  
Incolæ hujus loci moderno quidem tempore Catholicam fidem  
profitentur, quamvis non defint, qui eandem cum Lutherò in-  
ſaniam insaniant. Epifcopatui Nitriensi ſubeft, ſi jurisdictione Ec-  
clæſiaſtica ſpectetur. In politicis verò Comitatui Trenchinienſi  
paret. Paucis: Oppidum eſt non incelebre, civibūs frequens,  
& jure municipii gaudens, diſtātque Viennā Septentrionem ver-  
ſus quinque circiter & viginti milliaribūs germanicis. Residet  
autem in amoena planicie, non multū tamen montibūs remo-  
tis, quos nemora, dum per ſaxa licet, coronant, ideoque aëre  
ſaluberrimo perfunditur. Caſtrum, eique vicinum Monasterium  
Ordinis nostri a longè viatorum oculis ſe objiciunt, camporum la-  
tē patentium, & interſecantis fluminis cursus, ſubinde agris in-  
ſertæ villæ, Nobilium prædia magnificum ad oblectationem intuen-  
tibus præbent ſpectaculum. Ab Oriente & Meridie Vago, Cufi  
antiquitū, fluvio alluitur, qui ex asperimis Liptoviæ & Arva  
montibus, in quibus hyems diutiū regnat, non magno fonte na-  
tus ſcaturit, niviūmque liquefactarum & crebriore rivulorum ac-  
ceſſione auſus latum alveum implet, copiosā tamen in fundo are-  
nā ſaburratus, verſicolores etiam lapillos gratō naturæ ludibriō ef-  
fectos oſtentat. Unda ejus eſt admodūm limpida, trutisque gra-  
tissima, quæ insolita magnitudine ejus undas percurrentes piſca-  
toribus haud parvum quæſtum præſtant. Non stagnat in ulig-  
nosas paludes, unde aër vaporibūs aut tetris exhalationibūs poſ-  
ſet contaminari; ſed rapaciori curſu & tortuoſo flexu vagatur,  
unde & a vago curſu ſuo nomen accepit, Vagus dictus. Tan-  
dem poſt varias ambages haud procul Comaromiō e regione Gut-  
tæ oppidi obvium Danubii brachium amplectitur, ubi mutato  
nomine Vago-Danubius dicitur, donec eundem cum Iſtro alveum  
efficiens ad Pontum Euxinum procurrat. Vinum regio non pro-  
germinat, ex vicinia tamen plaueſtris advehitur non magno ſum-  
ptu, nec fatigiō; illius defectum apud egentiores abunde ſupplet  
cereviſia, zythum latiniūs dixeris, quo potū ſenore omnes ferè  
Naſiones Septentrionales uti conſueverunt. Linō frequens terra

Exterior arx,

Templum  
Parochiale.

Vagus fluvius.

Potus Cere-  
viliae.

1697.

*Mortensia.*

seritur, foeminarum potissimum in frangendo frutice cura & labor, unde in domesticos usus & conflandum lucrum sat amplius est proventus. Pomariis per viciniam ornatur, quorum fructus exquisiti saporis de salubritate magnoperè commendantur. Cetera demum ad sustentandam humanam vitam copiosè suppetunt, non quidem ea, quæ Sybaritanas delicias ministrent, verum quæ ad agendam tranquillam a morbis ætatem sufficient hominibus non nimium delicatis.

## C A P U T X X.

*Posonium Hungariæ civitatem Ordo inducitur.**Desiderium  
Ordinem Po-  
sonium indu-  
sendi.*

I. **S**TABILITA in hunc modum, ut præmisimus, solidis basibüs Illaviensi Fundatione cura successit Patribus, qua ratione Ordinem nostrum Posonio implantarent. Id pridem in votis erat, quod hæc urbs Regia, Liberaque, nec non Austriæ contermina, & post Budam a Turcis expugnatam Regni Hungariæ Metropolis habeatur. Acuebat cupiditatem, quod hæc Regia civitas Ordini per eximios fautores non pauca sponderet emolumenta. Patres igitur facti supplices Eminentissimo Cardinali Kolloniczio Archi-Episcopo Strigoniensi & Regni Hungariæ Primi, singulari affectu nobis addicto, petierunt, ut facultatem novi in hac urbe cœnobii condendi nobis benignè impertiretur, illudque suò subfidiō foveret, ac proveheret. Evidem Sua Eminentia jam dum structuram novi alicujus cœnobii Ordinis nostri intra limites Regni Hungarici parturierat, & adulta benevolentia diu in hoc proposito animum obfirmaverat, nolebat tamen, ut id Posonii consurgeret, sed Scalicii ad Moraviæ confinia in quo loco Ecclesia ministris vacabat; quam proinde nobis adjuncto monasterio tradere constituerat. Ast cum prægnantibus aliis negotiis identem distineretur, executionem illius rei in tempus magis opportunum differebat; satis esse ratus, si nobis interim domicilium præberet, reliqua seriùs aut citius fierent, parum interesse putabat.

*Domus ad  
tempus Po-  
sonii nobis con-  
ceditur.*

II. Verum enim verò cùm Patres assiduis precibus Posonii fundationem urgere non desisterent, Eminentissimus Cardinalis, ut eos de sua voluntate securiores redderet, illisque simul quacunque ratione posset, gratificaretur, hanc telam orditus est: Domus erat Posonii, eadēque Diversorium publicum sub signo Coronæ, quam ante semestre pro quatuor millibus florenorum in censem commodatis ad instar hypothecæ receperat. Domus ista occasionem dedit supplicantum votis obsequendi: hanc itaque nobis per quadriennium (ad totidem námque annos domus in hypothecam fuerat suscepta) inhabitandam tradiderat, pollicitus, interim se provisurum, ut rectè omnia constituantur, & pro nostro commodo aptè transfigantur. Hæc ore duntaxat prolata nullò dicebat egere securitatis instrumento. Solùm proinde ad oeconomum suum sive Bonorum Archi-Episcopalium Præfectum, &

ad

1697

ad Consulem, nec non Judicem Posoniensis civitatis litteras dedit, quibus mandavit, ut domus illa Patribus ad temporarium incolatus usum traderetur. His litteris impetratis P. Commissarius Generalis P. Michaëlem ab Assumptione, qui Philosophiam & Theologiam fratribus Viennæ prælegerat cum aliquot sociis designat, qui hoc opus felicibus avibus auspicarentur. Posonium Profecti Eminentissimi Domini Cardinalis Archi-Episcopi litteras expromunt, easque Personis, ad quas destinatae fuerant, porrigit. Rata habentur omnia: cuncti voluntati Cardinalis Archi-Episcopi e vestigio se obtemperaturos pollicentur. Consul & Judex mandata usitato in Posoniensi Curia more expedient, quorum virtute intra paucos diespræfata domus nobis in possessionem tradita, & hæc ipsa traditio in acta publica civitatis relata fuit. Indicta est hospiti, ac cæteris domûs incolis migratio ad sequens Dedicatio-  
nis S. Michaëlis Archangeli festum; nostri autem interea diversorum obtinuerunt in ædibus Magnifici Domini Gabrielis Paludiai Equitis Aurati & Excelsæ Cameræ Regni Hungariæ a consiliis, Viri Ordini nostro singulariter addicti. Enascebantur quidem subinde in harum rerum prosecutione remoræ & oppositiones, omnes tamen facilè negotiò devictæ fuerunt, ubi manifestis indiciis patuit Reverendissimos Dominos Ecclesiæ Collegiatæ Posonii ad S. Martinum Canonicos cum insigni commendatione nostro Ordini favere, quorum affectum non sinè grati animi testificatione recolimus.

III. Inter hæc Illaviæ indies magno ardore, pluriūmque mercenariorum accessione cœptum opus majoribüs incrementis quotidie provehebatur; P. Præses enim illius Collegii totâ industriâ in id incubuit, ut quantò fieri posset celerius, cœnobium perficeretur, vel ita saltem adaptaretur, ut quantocyùs a Religiosis inhabitari valeret. Cùm verò quotidianâ Ecclesiæ, fratum vide-  
licet sibi commissorum, solicitudine nonnihil distineretur; hujus námque ædificii occasione variae emergebant distractions, quas verebatur, ne in animos recentiorum etiamnum plantularum irreperent, carūmque profectui tam in spiritualibus, quam litt-  
rariis exercitationibus impedimentum crearent, præcipue autem, quia sacri Ordinis nostri Constitutionibus providè cautum esse no-  
verat, ne novi cœnobii structuræ plures quam tres aut quatuor Religiosi assistant, donec Ecclesia & habitatio cum sufficienti clau-  
sura constructa fuerit, ideo P. Præses impediò desideravit, ut Philosophiæ Collegium Illavià Posonium ad novam Ordinis nostri domum transferretur, & hæc suffi ciente fratum numero im-  
pleta protinus ad justi cœnobii formam reduceretur. Sed quo-  
niam domus illa Posoniensis nondum ad eas opes ascenderat, ut tot Religiosos absque insigni dispendio alere valeret, promisit, se in congruam eorum sustentationem mille quotannis florenos sup-  
peditaturum, si tamen hoc consilium Ordinis Majoribus proba-  
retur. Ut autem ritè in hoc negotio procederet, rem imprimis Illaviensi Communitati proposuit, ac deinde aliorum quoque sen-  
tentias exquisivit. Nemo fuit, qui huic intentioni adversaretur,

Ad fundatio-  
nem Poso-  
niensem mit-  
tuntur Colle-  
giales & subfi-  
dia ex Colle-  
gio Illaviensi.

Constitutio  
nes cap. 3. §. 6.  
B. M. 4.

1697. aut eam nigrō calculō notaret, adeóque omnes in eandem opinionem conspiraverunt, ut proinde res confessim prescripta fuerit ad nostrum Definitorium Generale, citra cuius veniam nefas inter nos habetur, res majoris momenti decernere. Definitorium porrò intellecta Patris voluntate totum ejus Decretum laudavit, approbavit, & confirmavit, ut in sequentibus litteris videre est:

**BENEDICTA SIT SANCTA TRINITAS.**

Subsidia Posonium mitenda approbantur a Definitorio Generali.

Condicio.

Extenso.

Ajne Conditiones.

Confirmatio Decreti.

Fr. Joannes a Sancto Antonio Minister Major ac Generalis Ordinis Excalceatorum Sanctissima TRINITATIS Redemptionis Captivorum Primitivam Regulam profitentium &c. Cū P. Praeses nostri Illaviensis Collegii, ceterique Patres Conventuales ejusdem Collegii ad tinnitum campanæ vocati & conjuncti in Aula Capitulari, ubi ad determinanda negotia ad totum Capitulum spectantia solent congregari, decreverint nomine suo & futurorum dare singulis annis mille florenos Rhenenses nostræ Fundationi Posoniensi sequenti formâ: nempe quod singulis annis pro toto tempore, in quo dictæ Foundationis Communitas dictam summam possideat, teneatur cistulam unam parvam piscium transmittere Communitali Illaviensi in Festo S. Georgii in signum memoriae & gratitudinis. At dato casu quod decursu temporis Communitas Posoniensis, seu congruam habeat sustentationem, ita ut sustentari valeat, Commissarius Generalis, vel in hujus defectu Provincialis cum P. Superiore Collegii informationem subscriptam, & sigillatam ab utroque transmittant ad nostrum Definitorium Generale, cui in talie eventu prædicta Illaviensis Communitas zelô majoris gloriae DEI ducta, & ulteriorem nostræ sacre Religionis extensionem desiderans cedit jus suum ad dictos mille florenos, ut applicet alteri fundationi facienda, & hæc facta si habeat a Patrone, vel aliunde congruam substantiam, iisdem circumstantiis iterum Definitorium alteri applicet, & sic de reliquis. Hac tamen conditione, quod prædictæ novæ Foundationes semper erigantur intra viscera Regni Hungariae juxta mentem Celsissimi Principis Archi - Episcopi Strigoniensis Domini Georgii Szecheny totius Apostolici Regni Hungariae Primatis, Piæ Memoriae, defuncti, nostri Illaviensis Collegii Fundatoris & Dignissimi Patroni. Et Communitas, quæ emolumenþ mille florenorum potietur, teneatur mittere Illaviensi Communitali dictam cistulam piscium, & orare pro prefato Celsissimo Principe Fundatore. Hactenus contentum in Decreto, quod prædicti Patres Praeses & ceteri Sacerdotes nostri Illaviensis Collegii Conventuales propriis manibꝫ & nominibꝫ subscriptum, & in ipso insertum e iam, quam ad illud faciendum liberè & sponte sua petierunt,

1697.

runt, & obtinuerunt a P. F. Josepho a Matre DEI Ministro Viennensi  
 & nostro per Germaniam & Hungariam Commissario Generali ad  
 nos remiserunt. Cumque nostrum Definitorium Generale, cui per  
 suum Secretarium notum tale Decretum laudabile, & fraterna cha-  
 ritate dignum judicaverit, & sua acceptatione & assensu robora-  
 verit; idcirco Definitorio nostro annuentes, Nos etiam dictum De-  
 cretum denuò acceptamus, & confirmamus, & ad litteram, prout  
 jacet, stabile, firmum, & invariatum deinceps perseverare & per-  
 manere volumus. In quorum fidem praesentes manu nostra, ac no-  
 stri Secretarii chyrographò subscriptas, & Sigilli nostri Definitorii  
 impressione munitas, fieri jussimus, in hoc nostro Madritensi Con-  
 ventu die 10. Septembbris anno 1697.

Fr. JOANNES a S. ANTONIO  
 MINISTER GENERALIS.

(L.S.)

Mandato N. P. Ministri Generalis  
 Fr. JOSEPHUS a RESURRECTIONE  
 Definitor Generalis & Secretarius.

IV. Non defuere tamen, qui ad hoc Decretum velut ad Me-  
 dusæ caput obstupescerent, rati augendas potius, quam diminuen-  
 das esse Fundationum facultates, aliisque his similia obstrepentes,  
 quæ ex armamentario mundanæ sapientiæ deprompserant. Velim  
 tamen, ut isti perpenderent, rem tanti momenti non temerè trans-  
 actam, nec fortuitò proculsam fuisse, sed ex matura deliberatio-  
 ne processisse, ut ipsa Decreti verba apertissimè demonstrant. Sed  
 neque clausula in Fundationis Illaviensis Diplomate superius Ca-  
 pite III. relata, huic conventioni adversatur, ubi dicitur: Red-  
 ditum illius non in alios usus, quam presentis Fundationis nostræ con-  
 formes modalitate supra specificata impendere obligentur. Admodum  
 enim conformes hi usus erant Illaviensi Fundationi, tum quia  
 Domus Posoniensis ex parte neutiquam diversum ab illa corpus  
 constituebat; quinimò hujus, aliarumque successione majus ro-  
 bur acquirebat, magisque Defuncti Archi- Episcopi Fundatoris  
 augebat merita, accumulabat gloriam, qui, si eo tempore vixisset,  
 tam piæ intentioni profectò nunquam se opposuisset, utpotiè,  
 cui nihil perinde in desideriis erat, ac Regnum Hungariæ plu-  
 rimis passim cœnobiosis extructis condecorare, cuius veritatis lo-  
 cupletissimi testes sunt tot ab ipso excitata Sacerdotum Collegia.  
 Tum etiam, quia Fundatio Illaviensis hac ratione se aliarum con-  
 stituebat Matrem fœcundam & gloriosam, qualem nunc eam  
 reapse agnoscit Domus Posoniensis, quæ ingenuo candore se ejus  
 filiam profitetur. Nec quidquam idcirco captivorum peculio de-  
 tractum fuit; tertia námque pars Illaviensium reddituum pro Re-  
 demptione captivorum separanda etiam hōc pactō intacta, & il-  
 libata perseveravit, quæ præsertim Modalitas ab Archi-Episcopo

Decretum  
defenditur.Conventus  
Illaviensis  
mater Poso-  
niensis.

1697.

Fundatore *specificata* fuit in Fundationis diplomate, & ex ipsis Regularum nostrarum Sanctionibus sarta hucusque semper tectaque permanit. Cæterum res sanè minimè nova est, aut insolita in Religiosorum hominum Familiis, pluraque hujus classis exempla passim in gestis Sanctorum legimus, qui, cùm eis necessaria ad vitam frugaliter sustentandam subsidia suppeterent, non admiserunt Bona temporalia, vel admissa abdicarunt, & in alios pios usus converterunt: scilicet religiosa moderatio respuit, quidquid abundantiam redolet, ac superflua vetusto more in aliorum emolumenta convertit. Adde; quòd hac ratione consulabatur Sanctissimæ TRINITATIS Gloriæ propagandæ, atque Redemptioni fructuosiùs, plurium videlicet adminiculò, excolendæ, ac denique animarum saluti cumulatiùs promovendæ. Quæ omnia Piissimi Fundatoris menti erant valde conformia. Hæc autem recensita pacta inter utrumque Conventum mutuâ benevolentia per sequens sexennium observata fuerunt, quamdiu res Illaviensis Cœnobii floruerant; iis verò postea temporum injuriis & præcipue civilium bellorum furore vehementer accisis, hi etiam tractatus antiquati fuerunt, quòd vastatio & desolatio Illaviensis Cœnobii non paucis annis duraret. Successere demum varia fata, magni sumptus requirebantur pro resarcientis damnis, reparanda re familiari nimiū attrita & extenuata, enata sunt quoque alia incommoda, lites præsertim forenses, quæ simul omnia observationem illius Decreti impossibilem prorsus effecerunt, ut nunc per desuetudinem & non usum penitus exspirasse videatur. Ne tamen ejus memoria apud posteros temporum diuturnitate pariter intercederet, id paucis verbis ab oblivione vindicare libuit, si fortè meliori affulgente fortuna alicui illud resuscitare, & ad pristinum redintegrare vigorem aliquando placeret; quod tamen vix futurum reor.

*Domus ordinatur in monasterium.*

V. Porrò tam commendabilis pietas, fraternalaque charitas, eximio Religionis propagandæ zelo, studiisque conjuncta, ut a Majoribus Ordinis approbationem, vim, roburque obtinuit, ita vires quoque præbuit, quibüs Fundatio Posoniensis firmiores ageret radices. Igitur in principio mensis Octobris, ut constitutum erat, nostri præfatam domum Posonii cœperunt incolere. Hanc ingressi, confessim eam in aliquale monasterii schema redegerunt, & Sacellum in loco aptiore constituerunt, ubi exteris ( quin dominus interiora penetrarent ) ad Divina obeunda Mysteria facilior patebat accessus. Vicinæ duæ cameræ, Odei una, altera Sacra-rii vices explebat, reliqua verò hypocausta pro Religiosorum habitationibus, Museo & Triclinio serviebant, pensilibus ambulacris juxta muros ad aream trans cellarum januas sub dio pro transitu remanentibus. Secundum Sacelli fores commeantibus regularis janua fuit constituta. Forinsecus, supra majorem ad publicam viam domus portam, ne agyrtarum more res nostras clanculum agere videremur, sublatō veteri Corona signo in patent tabula rubri, cæruleique coloris crux Ordinis depicta, eique adscriptum fuit Oraculum INNOCENTII III. Pontificis Maximi

in

in approbatione sacri nostri Ordinis pronunciatum, videlicet: HIC EST ORDO APPROBATUS, NON A SANCTIS FABRICATUS, SED A SOLO SUMMO DEO. Ut hæc mutatio omnium oculos incurreret, quotquot has ædes deinceps ingredi vellent, sciréntque viatores universi, in hac domo nullum amplius profanum diversorum reperiri.

1697.

VI. Rebūs omnibūs meliore, quantum fieri potuit, modō ad cœnobii symetriam adaptatīs, P. Michaël ab Assumptione ad Eminentissimum Cardinalem Kolloniczum Fundatorem nostrum & Patronum epistolam exaravit, ubi, postquam singillatim exposuisset, quæ hactenus gesta fuerant, suppliciter deinde rogavit, ut ex Archi-Episcopali gratia Venerabile Eucharistiae Sacramentum Sacello, ad possibilem decentiam ornato, inferre liceret, unicum in rebus humanis & præcipuum Religiosorum solatium, *CHRISTI Passionis*, ut inquit D. Thomas, *Memorale perpetuum*. Eminentissimus Cardinalis prospero rerum nostrarum succelui gratulatus, die vigesima tertia mensis Octobris benignè rescripsit, petitāmque facultatem prolixè concessit, asservandi videlicet in Sacello nostro cum debita reverentia Sacratissimam Eucharistiam; hac tamen adjecta conditione, ut sacrum Pignus in altari collocaretur, vitato, quantum fieri posset, festivo apparatu & populari concursu. Arbitrabatur nimirū Prudentissimus Princeps, id potissimum in hisce rerum circumstantiis expedire ad evitandam omnem æmulorum invidiam. Pater igitur Cardinali Archi-Episcopo morem gesturus, prætermissa plurium invitacione quintam diem mensis Novembris, Feito S. Emerici Principis, patriæ Indigetis, consecratam ad primum Missæ sacrificium celebrandum elegit. Ea die postquam manè hic locus universus sacro Benedictionis ritu expiatus fuisset, Reverendissimus Dominus Gregorius Gersnericz Abbas Jakensis, & Posonii Collegiate Ecclesiae ad S. Martinum Canonicus, eximius Ordinis Fautor & Benefactor ad hunc actum peculiariter invitatus, primum apud nos Missæ Sacrificium peregit; alterum P. Michaël ab Assumptione novæ hujus Foundationis Praeses, Collocatione Sacratissimæ Eucharistiae in alium diem comperendinata.

VII. Prima Sacrarum vestium paramenta pro Posoniensi nostro Sacello, Augustissima ELEONORA Romanorum Imperatrix, ut erat ornandæ pietatis studiosissima suppeditavit; noverat enim acu doctissimè pingere, solebatque sacros labores inter nobiles aulici sui Gynæcei virgines partiri, ut salutari occupatione distentæ otium vitarent, & tempus ad Divini cultûs obsequium sanctè, ac fructuose impenderent. Multas Ipsa egentiores Ecclesias hac sacra Supellestile, Regiis ejus manibūs confecta, liberaliter dedit memorandō ad posteritatem exemplō, quo Principes Fœminæ discere possunt, qualiter succisivas horas in lucrum animarum suarum convertant. Insuper P. Praeses, ut erat industrius, Vienæ inter Nobiles Aulæ Dominas ad levandam domūs egestatem non modicam pecuniam corrogavit, quâ pro Ecclesiæ suæ ministerio

Petitur lice-  
tia SS. Eucha-  
ristiam collo-  
candi.

S. Thom. Opus.  
sculps. 57.

Facultas con-  
ceditur cum  
cautela.

S. Novem-  
bris prima  
Sacra.

Imperatix  
prima præbē  
sacra para-  
menta.

1697.

argenteum inauratūmque calicem & alia necessaria comparavit. Sic probè consultum fuit angustioribus initiiis: spem ad augustinorum incrementa fecit fidelium pietas & benevolentia.

*Frates illavie  
vienses Poso-  
nium mitru-  
tur.*

VIII. Dum ea geruntur Posonii, Illaviæ junioribus Religiosis, qui eo tempore Philosophiæ studiis vacabant, & ab uno jam mense secundum cursum in octo Libros Aristotelis Physicorum inchoaverant, repente a Superiore migratio indicta fuit. Illi autem collectis tumultuariè codicibûs, & arreptô Breviariô itineri se commiserunt, ac manipulatim divisi, mox bini, terni, aut quaterni Polonium in ipso Novembri contenderunt, quò etiam ferè omnes decima nona die ejusdem mensis salvi & incolumes venerunt. Sequente sacra luce, quà Festum S. P. N. FELICIS VALESII solemni apparatu in Ordine nostro celebratur, idem Reverendissimus Dominus Gregorius Gersnericz, cuius superiùs mentionem fecimus, in novo nostræ domûs Sacello rem Divinam peregit, Sacram Eucharistiam adorandam exhibuit, præsentem populum, quem fortuitò casus adduxerat, benedixit, & Divinam Hostiam hierothecæ impositam sacrario inclusit, ut ibidem deinceps stabili sede asservaretur. Quò factò religiosa Communitas nostra in gratiarum actionem pro hoc beneficio, a DEO nobis collato, Hymnum Augustino-Ambrosianum *Te DEUM laudamus* cum solitis precibus concinuit. Reverendissimus porrò Gregorius Abbas & Canonicus suis sumptibûs in eadem domo opiparum adornavit prandium, cui nobiscum, nullo altero hospite præidente, ad vitandum nimirùm concursum, accubuit, universis interea Religiosis nostris de tam prosperis hujus cœnobii initii sibi gratulantibûs. Illud præcipua admiratione omnes dignum putarunt, quòd novò, & fortassis nunquam adhuc visò exemplò viaria taberna unò quasi momentō in cœnobium septendecim Religiosorum transiverit; aderant enim quinque Sacerdotes, novem Clerici Sacris nondum initiati, & tres fratres activam vitam professi, qui, ut numerò erant septendecim, ità omnes uno eodemque tempore regularis vitae observationem in publicum pandecheum introduxerunt, & monasticam disciplinam in loco, qui non ità pridem profanum diversorium erat, stabiliverunt.

*17. Religiosi  
domum inco-  
lunt.*

## C A P U T   X X I .

*P. Maurus cum Comite Harrachio in Hispanias proficitur. Romæ obit Eminentissimus Cardinalis Denhoffius. Augustissimus LEOPOLDUS Imperator Ordinem nostrum Archi-Episcopo Mediolanensi commendat.*

*Coras Har-  
rachius petit  
& obtinet P.  
Maurum, ut  
secum pergeat  
in Hispaniam.*

I. **A**lia hujus anni septimi & nonagesimi memorabilia ordine licet nonnihil præpostero, ne superioris narrationis series hujuscemodi intergeriis rumperetur, huc corollarii loco reservata, vel nunc tandem subtexere operæ pretium esse duxi. Primum sibi locum vendicat discessus P. Mauri in Hispaniam; etenim

cum

cum in ipso propè Veris limine Excellentissimus Dominus Ferdinandus Bonaventura Comes Harrachius a Cæsare in Hispaniam ablegatus fuisset, ut sua dexteritate, ac industriâ gravissimi momenti negotia componeret, ille in tam longinqui itineris societatem P. Maurum a Conceptione, virum peritum & in rebus agendis mirè versatum, a Majoribus Ordinis instanter postulavit; et si verò is tenellæ adhuc Ordinis plantationi esset summè necessarius, non tamen id negare potuere, aut voluere Superiores tam insigni Ordinis nostri Patrono & Fautori, cuius nutus & desideria mandatorum locò habebant, ad omnia ejus obsequia prompti, inclinatique. Die igitur XVI. mensis Martii cum modico comitatu in viam se dederunt, & post diuturnam peregrinationem incolumes Madritum pervenerunt, in qua etiam regia villa aliquot annis substiterunt ad curanda Cæsaris negotia.

1697.

II. Sed illud hōc cōdem anno accidit luctuosius, cum ad duodecimum Kalendas Julias Eminentissimus Dominus Cardinalis Joannes Casimirus Denhoffius prēmaturo obitu suo universum Ordinem nostrum gravissimo mōtore involvit: Evidem antecessores Ordinis nostri Chronographi multū sibi negotii fecerunt, ut tanti Viri meritis par aliquid rependerent, sed cum ejus in Ordinem nostrum Beneficia modum superent, magnam posteris de hujus Præsulis laudibus scribendi materiam reliquerunt, utpotè, quæ non solum antecessorum nostrorum calamos fatigaverunt, verū etiam modernis scriptoribus amplum, magnificumque sermonis theatrum aperiunt, in quo licet Orator aliquis personam suam facundissimè agat, plurima tamen semper prætermittet, quæ in Clarissimi hujus Antistitis encomia dici possent. Huic enim purpurato Principi post DEUM, qui ei hanc mentem inspiravit, sacer Ordo noster in acceptis refert, quod palmites suos in Boreales Provincias extenderit, utpotè, qui immensō alienæ salutis zelō impulsus, propitio Numine primum apud Apostolicam Romæ Petram movit lapidem ad Redemptricem Familiam nostram pro majori gloria Sanctissimæ TRINITATIS, Christianorum captivorum incredibili bono, ac denique propria sua, & nunquam intermoritura gloria in Septentrionales orbis plagas introducendam. Sed quis sati deprorare queat inexorablem Parcarum sævitium! Romæ hōc anno in ipso vernantis ævi flore, in tanto honoris fastigio emarcuit, mortique in prædam cessit longiore vita dignissimus. Aptè nunc mihi in mentem venit, quod apud non vulgaris notæ scriptorem me legisse memini, videlicet: *Eum vitam amittere, cuius privatione Respublica damnum sentiat, utique funestum est, ac lacrymosum. Sicut enim naturā, vel seniō confectos æquiore animo extingui toleramus, cum magnum adferat solitum ipsa mortalitatem termini necessitas; ita, quos præcipue ad gloriam natos videmus, non annorum curriculo, non naturā, sed inexpectata morte nobis eripi, durius sentimus, qui, si diutius vixissent, vel præclarè gestis immortalē novorum operum adjunxisserent appendicem, vel, quæ anteā perficere non poterant, longioris vita progressu cum publica utilitate, aeternaque memoriam perfecissent.*

Obitus Ca-  
dinalis Den-  
hoffii lugetur,

Anthonius  
Geronimus  
Arch-Epis-  
copus Tarantian-  
sis in Lib. de  
Legatis Prince-  
cipiis.

1697.  
Sepultura  
ejus cum Epi-  
taphio.

III. At surdis occiduntur ista; mors nescia fleti. Cardinalis Denhoffius, quod vivens in votis habuit, post felicem ex hac valle lacrymarum transitum in nostro Romano S. Caroli ad quatuor fontes de urbe cœnobio honorificè tumulatus fuit, ubi etiamnum ante aram principem monumentum ejus paro, porphyrioque marmore constructum visitur, cui nostri in perpetuæ gratitudinis mnemosynon sequens epitaphium inscribi fecerunt.

### D. O. M.

JOANNES CASIMIRUS DENHOFF.  
POLONICÆ NOBILITATIS DECUS,  
JOANNIS III. REGIS AD INNOC. XI.  
PRO FOEDERE IN TURCAS ABLEGATUS,  
OB VIRTUTUM SPLENDOREM  
S. SPIRITUS PRÆCEPTOR,  
MOX S. R. E. CARD. CÆSENÆ ANTISTES  
A PONTIFICE IPSO RENUNCIATUS,  
INTER DISCALCEATOS SSS. TRINITATIS,  
EJUS OPE AC TUTELA IN POLONIAM INDUCTOS,  
SE TUMULARI MANDAVIT.  
OBIIT DIE XX. JUNII.  
ANNO M. DC. XCVII. ÆTATIS SUÆ XXXIV.  
IN PERPET'UUM GRATITUDINIS SIGNUM.  
PP. MONUMENTUM POSUERE.

Hanc itaque Eminentissimo Cardinali Denhoffio & nos æternæ memoriæ gratitudinem litamus, quoniam & ipse conatu suo nostræ propagationi commodavit, & primigenianæ Provinciæ nostræ occasionem dedit; quæ impræsentiarùm superficiariò calamô cursim tetigisse sufficiat, quamvis nihil satis protanti Viri dignitate, ac meritis dici queat; dum interim a Chronographis Provinciæ Poloniæ, S. Joachimo dedicatæ, prolixiora commentaria præstolamur, quibus ex munericæ ratione incumbit Denhoffiana gesta cultiore itylo ad Posteritatis memoriam transmittere: ut proinde, ne in alienam messem falcam meam immittere videar, eis hanc Spartam elegantiū ornandam intégrè reservem.

Imperato<sup>r</sup>  
N. Ordinem  
commendat  
Arch-Episco-  
po Mediola-  
nense.

IV. Demum eodem anno novus & nequaquam postremis accensendus in Ordinem nostrum Augustissimi LEOPOLDI I. Romanorum Imperatoris favor emicuit; is enim minimè contentus Ordinem nostrum intra Regnorum suorum viscera fovisse, jussisse, animâsse, protexisse, ac denique in quibusvis occasionibus suppetias tulisse, exterios etiam viros principes ad idem præstantum officium allicere, incitare, & accendere nunquam defit. Locupletissimum huic veritati testimonium perhibet epistola illa, quam in nostra causa ad Archi-Episcopum Mediolanensem de-

dederat, ubi Cæsaream suam erga nos benevolentiam tenerrimis verbis expressit & absolvit; fragmentum hic damus, integrum epistolam aliis temporibus & locis aliis fors aliquando daturi: *Cum dicti Patres inquit, sint viri omni virtutum genere, magna doctrinâ & exemplari vita conspicui, qui hic in Austria & Hungaria non vulgarem sibi existimationem comparârunt, modico etiam tempore, quo in his paribus degunt, plurimos captivos ex Turcia redemerunt, gratiam Cæsaream & protectionem benemerito hîs commendatissimis dignari oportuit. Itaque Reverendissimam Paternitatem Vestram hinc perbenevolè requirimus, velit Paternam horum Religiosorum curam admittere, ut speratum nostrae interventionis effectum re ipsâ experiantur. Gratum hoc Nobis erit officium, qui Benevolentiam nostram Reverendissimæ Paternitati Vestræ uberrimè confirmamus. Viennae 6. Novembris 1697.*

1697.

## C A P U T XXII.

*Redemptionis Captivorum utilitas atque necessitas.*

I. **U**Tilitatem dispescimus in duplicem hypothesim, quarum altera bonum corporis spectat, altera animarum emolumento intendit: experientia autem magistrâ constat Redemptions utriusque parti, corpori nimirum, & animæ, ex quibus homo in statu viæ componitur, singularia commoda attulisse: quin ea nunc bona in calculum veniant, quæ corpori & animæ divisi redempcionis operâ obtingunt, utputâ justa funebria, extrems sepulturæ honor, ac denique frequentiora pro defunctis orationum suffragia. Temporales itaque ac spirituales utilitates ex captivorum Redempzione promanantes juxta ordinem breviter recensere animum induxi; ad majorem enim sacri nostri Instituti elucidationem hujusmodi fas est indulgere parergis.

Duplex utilitas corporis &amp; animæ.

II. Quid intersit, si temporalis utilitatis ratio habeatur, inter servilia corpora & libera, nemo non intelligit: quod sit discrimen in bonis fortunæ inter auream libertatem & ferream captivitatem, inter mancipatum & emancipatum lippis etiam actionibus notum puto. Nihil namque homini deterius accidere potest captivitate, nihil delectabilius libertate; nihil melius, quam suum esse, suoque arbitratu vivere; nihil pejus, quam pro alterius arbitrio omnia agere, ac vitæ necisque molestum semper dominum pati, quæ inter Turcas & Tartaros Christianorum mancipiorum fors est sanè miserrima. Diogenes Philosophus Cynicus e dolio interrogatus: *Quid optimum inter homines esset?* scitè ac quasi ex Tripode respondit: *Libertas.* Et quid supereft ei, cui deest libertas? Natura certè omnes vult nasci liberos: ideo naturalis est homini libertas, si quod ex hujus defectu vitium intercedat, gravis infertur naturæ injuria.

Utilitates corporis a libertate.

III. Dulce solum patria, ut vulgatô adagiô dicitur, & sua dulcedine omnia superat: Redempcionis autem beneficî ab exilio revocantur fideles, & patriæ restituuntur. Magna profecto

A patriæ &amp; fortunæ bonis felicitas.

1697. **h**ec est felicitas ; ex qua plurimæ utilitates sequuntur ; sibi námque restitutus , laboribüs & industriis fruitur suis , res domi familiares auget , sua pro arbitrio dispensat , amicos sibi conciliat , jucundis , honestisque conversationibus operam impendit ; si proles ipsi nascantur , non vernæ , sed liberi vocantur nati , utiliter ad Reipublicæ commodum educantur , bonis moribüs instituuntur , hæredes patriæ libertatis , & bonorum multiplicantur , artes excoluntur , agriculturæ atque militiæ studia foventur , vires hostium enervantur ; Turcæ námque plurimùm in re agraria , navalí , mercimoniis , belli & pacis expeditionibus Christianorum mancipiorum operâ utuntur : his autem commodis sicut hostes Redemptionis operâ sensim destituuntur , ita ex adverso iisdem Christiana Respublica exornatur . Hæc de corporis sive temporalibus utilitatibus , quas Redemptio captivorum Orbi Christiano adfert , & fœcundō gremiō parturit , dicta sufficient.

Utilitates ani-  
mæ.

A peccandi  
occasionebus  
eruuntur.

**I**. Quod verò animæ sive spirituales utilitates attinet , eæ tantò sunt commodis corporum potiores , quantò anima corpori præstat , & cœlum terræ antistat . Redimuntur videlicet corpora , & salvantur animæ ; captivi námque Christiani Redemptionis admiculō ab innumeris eruuntur peccandi occasionibus , & apostasie periculis , ut quotidiana experientia docet . Nôrunt hoc illi , qui narrant , quām enormibüs flagitiis , & præcipue libidine ac impudicitia scateat uterque sexus illius gentis , quæ a nomine sui pseudo - prophetæ Mahometana dicitur . Certè humana fragilitas proditâ semel innocentia in pejus facile labitur , fides in CHRISTUM infirmatur , spes æternorum propter enormia inter infideles patrata flagitia in desperationem vertitur ; hinc ad deteriora prioribüs ruunt , CHRISTUM Redemptorem DEUM negant , Mahometis fœdis erroribus & abominationibus se tradunt , atque omni timore DEI proculato effreni prorsus licentia in omnia se peccata effundunt . Accidit tunc , quod vulgo dicitur : vinum generosius in acidissimum degenerat acetum ; nam est facilis descensus averni . Exemplorum ejusmodi testes sunt Cæsaris Legati , qui degunt Constantinopoli , testes sunt Sacerdotes ab Apostolica Sede per barbaras illas regiones dispersi , testes sunt & Patres Redemptores captivorum , atque alii ex Christianis innumeri , qui illas mercimoniorum causâ frequentant , aut incolunt terras . Illis autem omnibus per Redemptionem occurritur , dum captivi Christiani ab hujusmodi periculis sëpè priùs eruuntur , quām in eas piceas occasiones incident . Ex quo quisque facile conjicere poterit , quanta utilitas ex Redemptionis Instituto in animas captivorum Christianorum redundet .

Sacerdotibus  
&c Sacra-  
mentis des-  
tituti  
miseri mo-  
riuntur.

**V**. Non ibo quidem inficiàs , multos eorum inter has fordes fidei constanter adhærere , ut illis ineſt , & operatur fidei habitus per Baptismi gratiam infusus ; miseræ tamen animæ pretiosissimo Domini nostri JESU CHRISTI sanguine redemptæ innumeris peccatorum tendiculis undique sunt expositæ , ac prætereà communibüs Ecclesiæ subsidiis inter barbaras gentes destituuntur ; non enim pascuntur Verbô DEI , quod cibus est animæ : desunt etiam

etiam sæpenumerò, qui administrent Sacra menta, quæ sunt ultimæ naufragii tabulæ: vitam obeunt profectò miseri; abest omnis consolatio, præter illam ferè unicam, quòd sciant, se morte hujus vitæ mala effugere. Sæpè procul abest Sacerdos, sæpiùs non accersitur, nec cura ei accersendo impenditur; dum interim moribundus in terribili illo vitæ mortisque conflitu derelictus jacet in exilio peregrè moriturus; an canibus, an corvis cedat in escam, nihil pensi ducitur. Proclivè hic erit cuivis æstimare, quantæ præstantiæ sit Institutum Redemptionis captivorum, quòd miseri Christiani a tantis periculis feliciter liberantur, & ad regna CHRISTI fidelium deducuntur, ubi Divinis muniti Sacramentis cœlo reconciliati beatam possunt obire mortem sinè invidia sepulchri.

VI. Uxor illis est sæpè non legitima, aut violenter alligata, proles sunt Christianorum morum & doctrinæ ignaræ, vernæ omnes, nílque nisi Mahometem neverunt, atque adeò diurna consuetudine emolliti pronis animis ad Mahometanam sectam propendunt. His accedit, quòd miseræ illæ proles a suis Dominis ex odio diversæ fidei ad Christianorum opprobrium in pravitate morum educentur, donec miseriarum intolerantiæ presiæ aperchè ad Mahometem deficiant, & militiæ adscribantur, magnam aliquando rebus Christianis perniciem allaturæ; tragicè námque eventus crebriùs jam ostenderunt, eos, qui Christianis plurimum damni dederunt, filios fuisse Christianorum, qui parentum postea fide prorita, deterrimi evaserunt apostatae, nefandi athei, & juratissimi hostes Christianorum. Tot malis medetur Redemptio, adfert opem, aut præservat, ne accident, quæ sæpè solent accidere pejora pessimis.

VII. Redemptio demum est ad animæ salutem instituta, quæ imbecilles in fide corroborat, spe laetat, & fideles captivos in charitate consolidat. Magnò videlicet solatiô pauperes captivi Christiani perfunduntur, dum affuturos præstolantur Redemptores. Quantum verò eorum sit desiderium, quis satis explicare queat? quantum gaudium, quando a gravissimo infidelium jugo liberantur? Ferreâ sanè patientiâ sustinent calamitates suas, in CHRISTI fide constantes perseverant, quatenus Redemptionis participes fieri mereantur; quasi ab inferis resuscitati charam patriam, dilectos amicos, Christianorum Templa, fidelium cœtus revisuri. Horum desideriò in DEI charitate conjuncti, lubenter se mortem oppetituros fatentur, dummodò optatam nanciscantur redemtionem. Illi porrò, qui animi fragilitate, minis, pollicitationibûs, aut commodioris vitæ spe supplantati a CHRISTI fide desciverant, dum Patres Redemptores adesse vident, sæpè compunèti suprema tentant, ut DEO per Ecclesiæ Sacra menta reconciliati, a remorsu conscientiæ, ab animæ angustiis, a metu gehennæ possint eluctari, atque aliquâ solertiâ, vel industriâ terras crudeles evadere, quamvis id nunquam absque summo vitæ periculo tentari valeat. Sæpenumerò felicem naçti successum operâ Patrum Redemptorum ad avita Christianorum Sacra sunt

A multis aliis  
animæ peri-  
culis eximu-  
tur.

Christiano-  
rum filii ma-  
ximi CHRI-  
STI hostes.

Spe Redem-  
ptionis in fide  
constantes  
perseverant.

Apostatae  
compunèti re-  
deunt ad  
CHRISTI  
fidem.

1697. reversi. Innumera hujusmodi exempla in medium proferre valerem, nisi prolixitatis tedium ejusmodi vetaret catalogos. Tot ac innumera alia corporis & animae commoda secum adfert Redemptio captivorum, unde non immerito inter præcipua misericordiae opera computatur, in quo per compendium omnia alia exercentur, ut alibi comprobavimus.

Necessitas Re-  
demptionis,

VIII. Quam verò necessaria in omnibus benè ordinatis Rebus publicis sit Redemptio, inde facilè potest cognosci, quod raro, vel nunquam terrà marique Christiani nominis hostes desint: Sunt Turcae, sunt Tartari, sunt Asiatici & Africani populi, qui prædas agunt, & Christicolas in captitatem quotidie trahunt, quibūs nī succurrat Redemptio, causa eorum est desperata; tot enim subito corporis animaque pericula miseris captivos undique circumdant, ut ea viribūs humanis vix superare queant. Gravissimæ huic necessitati, ut Jura remedium aliquod pararent, sacra templorum vasa & ornamenta in Redemptionem captivorum venumdari concederunt. Sic Justinianus Augustus Demostheni Præfecto scribit: *Sancimus nemini licere sacratissima atque arcana va- sa, vel uestes, cæteraque donaria, que ad divinam religionem necessaria sunt - - - vel ad venditionem, vel hypothecam, vel pignus trabe- re, sed ab his, qui hæc suscipere ausi fuerint, modis omnibūs vindicari, tam per religiosissimos Episcopos, quam per economos, nec non & sacrorum vasorum custodes: nulla eis actione relinquenda, vel super recipiendo pretio, vel fænore exigendo - - - exceptâ causâ captitatis - - nam si necessitas fuerit in Redemptione captivorum, tunc & vendica- tionem præfatarum rerum divinarum, & hypothecam, & pignoratio- nes fieri concedimus: quoniam non absurdum est animas hominum qui- buscumque vasis vel umentis præferri.* Hæc Augustus Legislator Justinianus Imperator. Eandem Redemptionis necessitatem præter Jus civile agnoscent & commendant sacri Canones plurium Conciliorum, nempe Lugdunensis III. Aurelianensis & Cabilensis. Item sancti Patres Gregorius Magnus, Ambrosius, Augustinus, Cyprianus Redemptionis necessitatem frequentius extollunt & inculcant. His subjungo Thomasinum de veteri & nova Ecclesiæ disciplina, qui de S. Gregorio Magno Pontifice scribit, eum, cum Fanensis Episcopus grandem pecuniam ad captivos redimendos mutuatus fuisset, illi juxta Leges & SS. Canones potestatem fecisse tantum ex sacra templorum supellestile vendendi, quantum opus erat ad contracta nomina dissolvenda. Permittunt Leges & Canones sacra vasa pro Redemptione captivorum conflari, & in pecuniam redigi: at S. Gregorius contendebat, non minus esse flagitium ea abscondere & retinere gravi aliqua necessitate urgente, quam illa vendere sine necessitate, inquit enim: *Nam sicut omnino grave est frustra ministeria Ecclesiastica venumdare: sic iterum culpa est imminentे ejusmodi necessitate res maximè desolate Ecclesiæ captivis suis præponere, & in eorundem redemptione cessare.* His S. Gregorii verbis, dum ad alia citatiore gressu properamus, anni sæculi hu- ius septimi & nonagesimi, atque Historiæ nostræ Libri tertii fit finis.

Thomasinus  
de vet. & nova  
Eccl. Discip.  
p. 3. lib. 3 c.  
29. num. 18.

S. Greg. lib. 6.  
Epist. 13 § 35.